

松平康國著

英
國
史



数据加载失败，请稍后重试！

松平康國著

夷國史

光緒三十年正月一日印刷

(英國史)

定價大洋八角正

著者日本松平康國
譯者天長戴麒定之

上海棋盤街北段

上海文明書局

北京順治門外北半截胡同

北京文明書局

保定府城內北大街

保定文明書局

日本東京市淺草區黑舟町廿八番地

酒井平次郎

印 刷 所
東京並木活版所

序

處平原沃土。號稱大國。上執權勢。下不失附從。種裔將
墮穢。疆域日被剝蝕。幾幾乎不國。而極疆至富。縱橫五
洲。無與爲敵者。乃屢起於島嶼區區間。余惑焉。讀其國
史。知其民氣彊也。治國有權。權在上。則爲顓制。在下。則
爲共和。爲民主。權所在。易入恣肆。能預防恣肆者。惟立
憲。立憲者。權歸法律。君若民。共遵守也。英民知重權利。
故稱立憲。祖國自薩索尼王統逮今更十餘次矣。其間
稱顓制。稱共和。改革之風屢熾。而卒以約翰所立憲章
爲主。由之則安。倍之則亂。至千六百二十八年。權利條
陳出。又四十年。權利法典定。而立憲制度成矣。事不至
絕痛極酷。則奮激之志。必不能一洩而不可禦。水流峽

谷則勢猛風逆灌莽則聲怒所謂遏之癟進塞之癟流也向無斯丟亞爾的王統之顥制則格朗空之共和不成無查爾斯二世之壓抑則維廉馬利之軍不起無若爾日第三世之橫征殖民則北美不求獨立握利刃處逆境必能鬯所欲而酬所志而又長於自治不思過量不求非分惟能適合所期許而止故其成就闊廓而爲地圖所敬畏也且夫民氣之剛勁倔彊者恒易動不易靜生內憂而忘外侮美利之終成獨立或有議英民重內輕外者夫所謂剛勁倔彊驅逐異族以圖自全耳同種相殘戮實爲自弱之媒當時國會首領比脫諸人以爲抗拒苛稅美民之義務也既寢之矣豈忍與敵且謀抗拒者皆英土移居之民安有伯叔兄弟得享福利而

勉之以與他人者哉。西班牙法蘭西埃及印度之戰爭。莫不同心以著偉績。量所宜以爲用。乃可謂義勇矣。內不受約束而失自治之權。外不招慚侮而損一國之威。讀史者慨慕歎思。不容自己。豈謂過哉。嗟乎。海隅僻島。地不過十餘萬方里。而威勢遠轡。控御環瀛。埃及印度等國。旣古且大。仰承而挽頤。任所爲。不敢與角。豈非民氣弱哉。民弱而欲圖存於競爭之世。烏乎難矣。癸卯十月廣宗杜之堂撰。

序

人言法蘭西爲自繇祖國。吾謂不然。法人輕躁無恒才識短褊。不能防君主之暴虐。匡正於前。必俟之至酷極。不得已而出於革命。至再至三。今審其國與民之實力。舊稱民主共和。曾不若君民共主之英國矣。人必能自治。而後能自繇。英民實善自治者也。剛毅沈摯。先克己。而後責人。自近矚遠。杜漸防微。定憲法以防專制。立政黨以監政府。隨機而動。不涉鹵莽。雖有暴君汚吏。亦無所施也。何至養之罪大惡極。而出於不得已之一途哉。即不得已而革命。亦善後有方。不似法之至再至三。大傷國民元氣也。此可謂眞能自繇者矣。英人之所以自繇。以自治力強。法人之所以不若英人。自繇。以自治。

力稍遙耳。不能自治。乃躬且待治於人。又何暇自繇以
治人。今之高談自繇者。可以知所省矣。癸卯秋八月天
長戴麒序於日本江戶

欽命二品項戴江南分巡蘇松太兵備道袁

爲

給示諭禁事據文明編譯印書局職商廉泉彙復丁寶書稟稱職等糾合同志集有鉅款創辦編譯印書局租定房屋於上海四馬路胡家宅地方擇於六月初一日開辦所有編譯已成各書陸續付印平價出售誠恐書賈射利易名翻印或妄爲增損改換面目貽誤士民實非淺鮮嗣後凡本局編譯印行各書均不許他人翻刻除另稟 商務局憲外合詞稟求准允立案出示嚴禁翻印并請札飭縣廝一體出示曉諭並照會 租界領袖美總領事立案等情到道據此除函致 租界領袖美總領事暨分行縣廝一體立案示禁外合行給示諭禁爲此示仰書賣人等須知文明印書局編譯各種書籍均係該職商等苦心經營而成爾等不得私易書名改換面目翻印漁利倘敢故違一經該職商等查知許卽指名具稟本道立卽提案不貸其各凜遵毋違切切特示

光緒貳拾捌年陸月初七日示

英國史目次

-
- 第一章 薩索尼以前略史
 - 第二章 薩索尼王統
 - 第三章 大尼王統
 - 第四章 諾曼王統
 - 第五章 安濟溫王朝一名北藍大日奈王朝
 - 第六章 蘭加斯德王統
 - 第七章 約克王統
 - 第八章 都鐸爾王統
 - 第九章 斯丟亞爾脫王統
 - 第十章 哈諾威王統

英 國 史

日本 松平康國 講述

天長 戴麒定之譯補

第一章 薩索尼以前略史

比利敦之上世雖茫漠難知就殘墟遺物觀之瑟爾的族之前已有蠻民住居於此其蠻民被瑟爾的族征服之年代大約在紀元前五十年當羅馬人初來比利敦時瑟爾的族盡有全島其族分部落而居習俗獵野專事戰爭武器用槍劍盾劍鍛黃銅爲之式甚寬大盾製以木條蔽以革有兵車車頭着斧駕駿馬供馳突之用當是時國中到處皆林藪比利敦人住居其間所棲止非茅屋即穴窟也以牧畜佃獵爲業不着衣服全身塗青色以嚇敵人唯島之西南隅多產錫與他國貿易民智稍開錫之爲貿易也不獨近隣如非尼夏之達

爾塞頓亦時通商舶。比利敦人奉德雷教祀上帝及諸神祇。以人爲犧牲。上帝不詳其所謂。而日月星辰等天象爲神祇中最著者也。其意以爲來世之苦樂緣於今世所行之善惡。比利敦僧稱特爾特。掌政法教人。兼有學識權力。當時未有文字。故教育人民皆由僧侶口授。聽者唯記憶之所教授者。不過地理天文宗教等詩賦耳。僧徒祭典必行於柏樹林中。無屋宇。排大石爲垣。墻作圓形。空其中央。以設香案。蓋柏樹僧徒所最崇視者也。祭壇遺跡今猶有存者。以薩里斯卑里原上之斯通痕季爲最著。其稱第一靈場者。在米艾海峽。稱摸諸島。今安革力塞是也。大祭日當三月十日前後。月圓第六日。僧長着白袍。執黃金小刀。以截取纏繞柏樹之蘿葛。爲儀。其餘有三大祝日。即爲今日。農以來。特薩母瑪意威。哈魏斯脫和母之肇端。一祝穀物之播種。二祝其成熟。三祝其收穫。以上比利敦人比利敦在大陸之西。海中島嶼殊不見知於世。羅馬雄稱天下。尙免其朶頤至兵鋒達歐洲。

西岸始爲所窺。其將該撒平定戈爾之後，率二軍過海峽，登達畦之岸。是爲紀元前五十五年。先是比利敦人，聚集海岸，議防禦之策。而爲敵兵擊退。雖連戰連敗，仍獷悍不服。故該撒亦不敢入內地，締和而歸戈爾。翌年，該撒將步兵三千，騎兵二千，爲五軍，復侵比利敦。行處征服，至達米斯河外，使沿途酋長納貢出質。該撒乃歸故國。以上羅馬人來寇。其後羅馬國中多事，無暇遠略。比利敦人脫其羈縛，殆五十年。貿易漸行，與大陸交通，文化略進。非舊日之比。忽爲革老丟斯帝所垂涎。紀元四十三年，羅馬兵再入是役也。在羅馬爲極大之戰。以上羅馬再比利敦諸酋長之中，以加拉奪爲最著，指揮內地諸郡，控制羅馬兵於海灣八年之久，終爲俘虜，入羅馬府觀其壯麗，訝曰：不料有如此莊嚴之街市，衆多之人民，尙垂涎吾土之茅舍。羅馬帝見加拉奪以爲有王者風度，釋之。後無所聞。以上加德雷之於國民權力絕大。無所不及，驅人民叛羅馬。羅馬將瑞都虐，欲痛懲之。以六十一年過

米艾海峽至摸諾靈場登岸及聞狂暴僧尼文身蠻民呼噪之聲羅馬兵士皆爲之躊躇然卒進而陷摸諾堡塞殺德雷破壞其墳墓堂塔以上德雷見殺故愛斯尼亞王之妃名波亞底削者乘瑞都虐遠去誘說各部落以羅馬之虐待使起敵愾之心將兵襲羅馬人所據之地殺敵至七千瑞都虐聞速由摸諾歸報復之與英軍激戰於倫敦殺八千人波亞底削亦自殺以上波亞底削見殺波亞底削雖亡英民之不服羅馬如故七十八年亞及哥拉爲比利敦知事用恩德懷之後任能繼其遺緒施行寬政故比利敦人棄其舊教脫其蠻習化羅馬俗着羅馬衣亦稍行羅馬語言賡歌太平勤勞職業闢榛莽執稼穡鑿錫鉛鐵礦自用所餘輸於海外商業亦遂繁盛當時羅馬人所設之公路不獨行軍捷速土著人民之開明亦與有力也及塞弗拉斯爲帝防蘇格的北狄等之寇壘堅石作長城自戴你至索爾外其高十二英尺厚八英尺長六十八英里蓋斯科脫與比庫脫乃家勒特尼亞所住

獷悍好爭之蠻族也。羅馬至四百廿年領比利敦其間毫無兵患。戈斯大兵自日耳曼入寇意大利。羅馬際此危急召集比利敦之戍兵自爲防備。以上羅馬羅馬人之棄比利敦也。北狄蘇格的兩族踰長

城犯比利敦之北疆。比利敦人已不服羅馬勇氣兵力不能禦此患。

請援於和諾里亞斯帝。帝有簫牆之禍。無暇他顧。比利敦不得已求

薩索尼之援。此族住於加脫蘭特半島及耶爾卑魏塞爾兩河口。人

種猛烈。橫行於北海及巴爾的庫海。業海盜。近傍人民所最震懼者

也。應比利敦之請。洪西斯脫和爾薩二酋長勇敢善用兵。以四百四

十九年破北狄蘇格的。既見比利敦氣候溫和。土地豐沃。生柔頤之

念。以酬勞爲口實。轉其鋒於比利敦。比利敦激於自衛。不得不戰。漸

復舊時之勇氣。相持百五十年。雄雌未決。時日耳曼念其同族。助援

之兵來不絕踵。六百七年。荼斯達爾一戰。終制敵之死命。爾來土人

亦有割據者。而聲勢隔絕。不能相合。故戰爭雖有。不過邊隅之間耳。

比利敦人間關兵燹刀劍之間逃竄於其極庫倫吳爾魏爾斯山間自由精神益躍躍不可遏以天下爲敵攻守六百年其子孫仍有頑強勇敢之風今與英和共享福利矣當羅馬戰勝之間土民不得不棄其教而行基督教拉丁語亦次第通行於大都府及上流人士基督教拉丁語之行用及比利敦語之喪失足徵薩索尼戰勝之廣大以上薩索尼之戰勝比利敦人遇敵敢戰阿薩王最以勇猛著傳名至今王及圓卓之六十士裨史雖不可信而抗拒國仇乃實事也薩索尼人次第立國其王各獨立其中七王最著有補達克之名比利敦之抵抗已止薩索尼內亂作疆界屢變大併小強吞弱八百廿七年至魏斯塞克斯乃創爲王國以上薩王阿羅馬征服比利敦之後基督教大行旣爲薩索尼時代該教絕跡殆百五十年專行薩索尼人之蠻教其妄誕較德雷教更甚然奧格士丁率徒弟四十人自羅馬來基督教再傳於英國是爲紀元五百九十七年肯脫之王以忒伯先歸依之其

妃伯爾他巴里王之女爲基督教所感化而以忒伯之女耶塞爾巴爾又嫁於諾爾薩補里阿之王耶多印使其夫及國民奉基督教然塞爾巴之歸依僧之稱白里諾斯者亦與有力焉此二國爲始他諸王國至再傳亦盡化於基督教奧格士丁爲家達卑里之大教長職掌英國全體教會今任此職者皆奧格士丁之弟子以上基督教之教化薩索尼所重之神爲軍神奧王族皆敬此神次稱鑽爾神鑽爾即雷之義風雨之神也一週七日日有神主之每週之日名皆定自所崇之神者也以上薩索尼之宗教有魏鐵那該耶脫賢人之集會之會議以輔佐國王此會議阿爾達爾芒及愛那之宗教貴族所成者基督教旣入教長教監等亦與焉平日以克里斯瑪斯意斯達非脫桑塞脫等祭日開會有事則臨時召集國王崩必集議繼位阿爾之下有塞痕國王譜代之貴族也謂平民曰亞爾謂奴隸曰薩爾福薩爾福占人民三分之一

尼以上薩索
尼之政體

第二章

薩索尼王統自八百二十七年至一千七十七年一百九十年

以格伯 以惕無 以惕保 以惕伯 以惕勒一
亞弗勒大王 義德瓦一 亞梯斯丹 以德門一
以德勒 以德維 以特加 義德瓦二 以惕勒二
以德門二

以格伯八百二十七年十年

以伯格取三種族亘擘安哥爾之名一名哥爾印稱國爲英哥蘭是即英吉利王國之始也。是時諸小王國併而爲一國內無事忽有外寇之患。外寇即大尼住於丁抹業海盜者。每夏來掠東海岸冬則歸於巢窟。散在北海及巴爾的庫海之沿岸。習以爲常。忽而編成軍隊。意欲奪國。非復剽掠貨財。鳥合之海盜矣。據海岸。亟謀蠶食。與英人久戰。大尼亦驅愛爾蘭土民於內地。自殖民於海濱。自此至以惕勒之世。

二百年間。大尼與薩索尼互爭雌雄。舉國歸服大尼。其詳載次章。繼以格伯者。云以惕無慈惠之君也。其四子更遞即位。長子以惕保能得民心。次以惕伯不肖。虐民。三以惕勒豪邁武將也。亞弗勒之武略。過於乃兄。以上大尼人之來冠

亞弗勒大王脫自八百七十一年至九百一年三十年

王即位之初。屢與大尼交鋒。而衆寡不敵。連戰皆北。潛匿於夏耶亞林中澤畔。今仍呼其地爲阿塞爾尼。及畢斯島。王欲探敵情。僞爲樂師入大尼營。爲其王格惕倫所覺。留之數日。因於絃歌之中。竊脫虎口。糾合義勇。急襲大尼營壘。獲全勝。格惕倫伏受條約。與其部下共受洗禮。退去亞弗勒故國。昧塞至東方稱臣。其後經十年。及呼海王之黑斯典哥。率無數戰艦來攻。和議遂破。亞弗勒以智術擊敵。獲其艦。黑斯典哥逃奔法國。以上與大尼之戰亂平未數年。亞弗勒崩。當是時。務整頓國家。福利人民。聘海外賢才。處宮中復各處創立學校。如奧庫。

斯佛特大學即其一也。其他或編制法典，明先王之律令，或譯述經典，卑特史書及丁拉有益之書，以獎勵文學，或編民兵，或區國土，其事業不一而足。其法典頗爲近世法學所采，其區劃國土從薩索尼舊制分國爲百區，劃百區爲千區，各區皆有管理員，人民亦有分責。亞弗勒施政得宜，海內大治。頌其德者至謂路不拾遺，武略政績學力並於一身。英國之賢君也。以上亞弗勒之政治繼亞弗勒者稱義德父，始正英國之王號。次爲亞梯斯丹，尙德之主也。使譯經典爲薩索尼語，每寺院藏鈔本一部。次以德門被刺於大尼之盜。次爲以特維與姪耶爾機哇，有奇緣相愛，奉教斯丹之姪心耶爾機哇，斃於非命。以特維傷悼而死。次爲以特加，雖傲慢然能保和平。次義德瓦，少年有才望，爲繼母所憎，遇害於科爾福城門。以惕勒繼立。以上亞弗勒之繼嗣以惕勒畏懼大尼，奉歲幣求和。是即課稅人民地主所出也。名之曰大尼該爾脫。人民頗不能甘以惕勒欲免大尼之害，逃大尼該爾之累，策窮計

壽乃起而勦滅駐英之大尼人。以上大尼事在千二年。森脫補賴斯宴儀之日。端尼之姊適質於英國。至是亦被害。瑞尼大怒。發大軍謀復讎。沿途燒殺蹂躪全國。以惕勒奔法國。一千三十一年。瑞尼爲英國王。開大尼統未及即位而歿。王統復歸薩索尼。以惕勒王立。以德門繼之。瑞尼之子加紐的與以德門爭王位。頗爲激戰。終相約二分英國。以德門旣死。全國盡歸加紐的。以上尼戰勝兩族皆屬條頓人種在其故國。日耳曼用同一之言語。唯方言稍異。而宗教法律習俗亦盡同。薩索尼侵比利敦以前。常乘黑色之海盜船。橫行於日耳曼海。或遡河掠奪。武列顛爲防蘇格的北狄。求援。即此時也。大尼與薩索尼均爲海盜。大尼大舉入寇之先。已聚集英岸。以海盜爲事。爲稍進文化之基督教徒所窘。薩索尼征服比利敦需二百五十年。大尼之征服英國歲月更長。而其戰爭之殘酷嗜殺則相同。大尼視薩索尼不背祖宗之教爲外道。薩索尼以大尼奉蠻教爲外道。戰征之結果。自有雲泥。

之別。蓋薩索尼之於比利敦以無所愛惜故。征戰之時。殄滅殆盡。薩索尼與大尼爲魯衛兄弟之關係。故易融化。大尼之蠻俗化於薩索尼之文明。年久遂爲薩索尼人。以上薩索尼戰勝與大尼戰勝之比較

第三章

大尼王統自一千十七年至一千四十二年二十五年

加紐的 哈羅德 哈的加紐

加紐的大王

加紐的宣稱王號者也。當時英吉利國奄有英倫及丁抹加紐的更併那威瑞典。故曰宣稱王號也。然其所以爲大王者。不在戰功而在治術。不在創業而在守成。雖由猛烈之丁抹來爲英王。能於薩索尼大尼一視同仁。無偏頗之念。賢良英明。萬民安泰。百工繁盛。良法善制。嚴正公平。以此上下相安。無新舊。無恩讐。人種雖有區別。渾然無間。國民統一事業盛大。以上加紐之治世。加紐的處置教會。有足記者。自大

尼人闖入英國。破壞寺院。虐殺僧徒。教會視之爲宿世之敵。加紐的即位。乃傾心親護。乃父所焚毀之堂塔。再爲修葺。且敬禮焉。自英國如羅馬者。使不罹山賊之難。大王曾有言。以仁義臨臣民。不因人枉法。後果如其言。豈不偉哉。千三十六年崩。人民無不哀痛者。其子哈羅德承其位。人稱之黑耶福脫。所長只疾走耳。其第二子哈的加紐。一云加紐的二世。在位二年。以強酒崩。人民惡二君之不肖。不欲復戴。大尼爲王。迎立以惕勒二世。子以德門之弟義德瓦。以復薩索尼。王統。

義德瓦自一千四十二年至一千六十六年二十五年

義德瓦少時。羈諸曼的。故自化其風習。及爲英王。寵隨從之故舊。或授以教會重職。或任以政府樞機。頗招英民之怨。然用英國政治家味塞伯高的溫。爲相。不可謂無識。高的溫因王體羸弱。身當大任。有類君主。其才能精實。英人雖妬。諾曼人雖倨。操縱得宜。不至生事。

高的溫曾被逐斥未幾召還尋辭世其子哈羅德生爲大器頗類其父後亦位極人臣以上高的溫父子義德瓦賢明慈仁用法公正後世人民被君之虐政者輒追慕義德瓦之良法王平生以救濟祀禱爲務德性之純潔數百年後教會薄中猶稱爲聖徒今日民諺有曰王一觸手有愈斯庫樂非拉之力英民之信仰君主有此奇力至女王安時代猶然義德瓦娶高的溫之女無嗣千六十六年崩遺詔讓王位於哈羅德王崩之日魏丹遂選立哈羅德使襲王位以上義德瓦之性質維廉久覬覦英國王位義德瓦死揚言曰曾與義德瓦同受教於其父宮義德瓦言他日讓王位於我我挾哈羅德於諾曼海岸哈羅德亦誓助成此舉維廉之言如此眞僞不可知也維廉聞哈羅德即位怒極大興水軍別集騎兵六萬皆諾曼武士之粹先請法王允許堂堂橫海峽九月末登英岸以上諾曼的公維廉哈羅德聞敵兵猖獗十月列陣於哈斯頓斯近傍森拉庫激戰九旬鐘已黃昏哈羅德爲敵箭穿腦陣歿殘

兵夜散維廉兩月之後奏凱入倫敦庫里瑪斯日即位於味斯閔斯爾史稱此戰曰勝利時千六十六年也頂斯之戰

第四章

諾曼王統自一千六十六年至一千五百五十四年八十八年

維廉一世自一千六十六年至一千七十七年二十一
維廉二世 顯理一世 士堤反

維廉之先曰羅爾弗爲大尼海盜九百十二年其徒屢躡塞印河口法國王不能支媾和娶羅爾弗之女封之於諾曼的於是羅爾弗聽法王言受洗禮自稱法國之臣其後歷經年所法國之大尼人盡化於法人之文明宛如英國之大尼人化於英人之文明也故英國之大尼爲英人法國之大尼爲法人以上大尼之羅爾弗維廉即位後暫歸故國諾曼的是處英人之叛者極夥大尼艦隊乘機襲英國一時并起蓋大尼欲恢舊業復爲英王維廉以賂陷大尼之將使變志歸丁抹急

移兵討叛徒。慘酷備至。蹂躪叛徒所據之帶拉。自哈母巴爾河至達斯沿海之地。亦罹兵火之灾。次年大尼人再侵英國。掠無物。舍無屋。終不得逞其志。自此五十年之久。約克北十里之間。爲荒廢無人之地。惟留數堆焦土而已。殘暴至此。而當時聞維廉之來。逃匿於山林者。無慮十萬。及歸故土。屋舍皆已灰燼。飢寒困苦。坐而待斃。維廉之暴行。在仲冬西方之叛徒冒寒而進。馳驅於荒野雪中。渡激流。將卒共忍凍餒。備嘗百艱。遂達查斯達。及其陷。亂始定。以上英人之叛維廉之暴戾。必欲使叛徒寒心。故收沒其田土。頒之於麾下。諾曼之貴族及騎士。而舊地主。或死亡於海外。或與新主抗爭。薩索尼之貴族希里瓦。據壹來島。不肯附諾曼。且恃四面沮洳。能防大敵。維廉設棧道以陷之。希里瓦力盡降於軍門。以上英人之土地沒藉英國既定。維廉專力於經國之法度。以定百年大計。諾曼人皆掌樞要。兵制以當時西班牙法蘭西日耳曼所行之封建制度爲本。諸侯領其土地。有生殺與奪之權。

而諸侯之受領土也必誓。王如戰時率其臣從援王。大諸侯皆居堅城多儲土卒臣從勢等小國之王不事佃獵則聯兵抗王。室初維廉之布封建也不過藉爲藩屏備薩素尼之叛亂而已。旣而諸侯漸強大苟有不平輒圖自立封建之制又爲王室之深憂焉。以上封制定制度之制維廉爲正經界定賦租編纂特母斯跌補庫是書類似土地總簿地勢廣袤產物盛嗇皆詳其中自此租稅之豫算確塞征收亦頗便宜。斯跌補庫特母薩索尼叛亂之後政府及教會之要路概用諾曼人故政治法律宗教皆用諾曼語然英人之多數仍用薩索尼語維廉因欲統御英人亦不得已而學薩索尼語以上諾曼語維廉創業以威守成以惠爲人民所敬畏而其身材魁偉膂力過人亦足以服人方其侵掠叛已之都府雖云殘暴亦止死刑耳在位之間僅戮一人當中古時代殆所罕覩且因性質閑靜其田獵之地以溫秋斯達至海岸之地爲界禁補里斯脫爾商人賣買奴隸保護猶太人許其於諸都邑構

屋建寺維廉誠可謂寬猛兼施恩威并濟者矣其信宗教極深創設宗教裁判所大增教會之權力獨至臣事羅馬法王一事則力拒之

上以維廉之性質

維廉爲討其子羅伯之叛列陣於諾曼的其過芒鐵斯都

也適火馬鞍爲灼遂受重傷而歿維廉之妃云瑪跌爾達爲比藍大

斯之女其系出以格伯英國現時王室爲瑪跌爾達之後云

以上維

諾曼戰勝之結果有五一使英國浴大陸之文化使薩索尼人養

進步之思想二因諾曼語之混和薩索尼語變而愈優三廢薩索尼

木架之陋小房舍而變爲諾曼石築之堅牢四封建制度完成教會

復興國家與羅馬法王之關係分明五從來王國有尾大之患至今

廢滅四大伯國大尼來寇之憂始絕君主政治於此鞏固

以上綱要

拉嫁於法國有權之諸侯補樂阿伯斯跌溫維廉一世病革時詔次

維廉二世

自一千八十七年至一千一百年

十三年

維廉一世有三男一女長羅伯次路法斯即維廉二世季顯理女云阿跌

子路法斯登英國王位封長子羅伯於諾曼的遺季子顯理白銀五十磅所以不許羅伯繼王位者爲其作亂也以上維廉一世之遺詔

一

維廉二世

於千八十七年以家達卑里大僧長藍弗朗之手行即位加冠之禮而諸侯多擁羅伯謀叛者維廉二世借英人之力鎮定之欲奪羅伯之領土未遂兄弟相約後死者襲其領土其後羅伯赴十字軍爲得資金五年間將諾曼的質於維廉二世以上諸侯之叛亂維廉二世爲人貪婪放縱舉弗蘭葩爲相使行苛歛之政弗蘭葩用種種心計奪教會暨人民之財以充王府先是大僧長藍弗朗之死也王從弗蘭葩之策缺大僧長職以大僧長領土之收穫入於私囊以上維廉二世之暴政王病懼死自悔素行之暴慰僧侶以償前過聘法國著名學人安塞密委以家達卑里僧長之職安塞密知王不可與共事不肯就王召之病榻前强行叙任之儀及病愈復虐遇僧侶無異前日安塞密不堪其侮辱去英國以上安塞密一千一百年王與其弟顯理共獵紐佛勒斯脫中

流矢而卒。以上維廉二世之暴死，王雖虐待教會及人民，而能壓服諸侯，防國家之分裂，使不陷於大陸之混亂，不可謂無功。以上綱要

顯理一世自一千一百三十五年至一千三十五年

諾曼諸王生於英國，受教育於英國者，以顯理爲始。其即位也，豫察貴族之必爭，思得人民援已，改革其兄維廉二世之弊政，發布自由憲章。又取憲章之副本，百部分之，全國寺院使僧侶之長保存之。此憲章爲國王約行良政者，於人民爲最古之文書。於英國史中，開一時之治化。自來王權之強盛，不能不待國民之扶翼。王之發此憲章也，非悟民無王，能存無民，不能存之真理者哉？後世之憲章，無不奉爲準據矣。顯理既娶亞弗勒王正統薩索尼，以特加之女貌德，益得英民之歡心。以全己位以上顯理之憲章，王之兄諾曼候羅伯，欲得國王之權利，率兵來侵，然英民因先王之後胤已爲王妃，皆竭力勤王。民兵六萬，直起圍之。羅伯懼，請降。於是羅伯不復望國王之權利。王歲與

之金且寬待其徒黨自此以來王之舉措有不忍言者何也羅伯旣歸諾曼的魯從之諸侯亦各返其領土王忽下令收沒魯從之領土羅伯怒其弟反覆召集臣下再舉兵王乃責其背盟侵諾曼的破其軍虜羅伯幽之於家跌弗城恐其逃亡以熱鐵抉出兩目幽之廿九年死獄中壽八十以上羅伯之亂顯理之性質兼有正邪兩端爲人黠詐妄誕不忘舊怨而觀其施政之蹟又能增進人民之幸福獎勵工業改鑄貨之制立度量法整頓司法制度功業赫赫今日英美所行之司法制度雖不無變更大體皆祖述顯理者顯理痛斥封建制度頒自由勅詔於大都市鼓舞自主之精神以上顯理之性質與政局先是顯理復安塞密之職尋又生隙安塞密以僧長升黜之權宜歸法王王謂宜在已旣調停之後法王授指環於僧長爲教權之表章王與僧長土地爲其収益之源其報酬則有忠誠臣服之誓自此因王爲封建君主之資格得命各僧長供騎兵故此條律亦可謂於王權大有關係者矣

任命之權。顯理在位行重大之事項有三。一以自由憲章爲王權之限制。二定國王與法王之權限。三削減諸侯之權利。以上綱要

士堤反自一千一百三十五年至一千一百五十四年十九年

士堤反爲補樂阿伯先王顯理之甥也。顯理之太子早歿於諾曼的海上。僅餘王女瑪跌爾達。瑪跌爾達嫁於安鳩伯北藍日奈。顯理崩後。瑪跌爾達將來英繼位。士堤反先自立爲王。越四年。瑪跌爾達率兵登英國岸。與士堤反爭位。英國西部從之。東部從士堤反。以上王位之爭蘇格蘭王大拂一世。瑪跌爾達之叔父也。助之。將大軍侵英國爲約克之大僧長斯探達特擊却之。而瑪跌爾達敗。士堤反於林科倫。擒之。幽於補里斯脫爾城。瑪跌爾達遂入倫敦爲英國女王。傲慢暴虐。大失民心。士堤反之。妃率兵犯倫敦。人民蜂起應之。瑪跌爾達倉皇逃去。據奧庫斯福奧特城。於是士堤反脫幽囚。一千一百四十二年。率兵圍瑪跌爾達。瑪跌爾達慮城中食少。僅隨騎兵三人乘雪潛走渡。

達夫斯河匿於英國西部四年後終退於法蘭西其子顯理旣成人
因世襲之制又有婚姻領法蘭西之大部乃集兵過海峽復與士堤
反戰英國之僧長等憂兵亂無所底止設計調停于一百五十三年
成瓊林哥法特之盟以是顯理約定繼士堤反之後以上內亂士堤反爲
諾曼王統之末爲王統五十年以篡奪相終始而就全體觀之則見
其種種較前代進步即以士堤反一世論之經其大亂使人想望平
和與規律間接開將來改革之途亦不謂無所得也以上綱要

第五章

安濟溫一名北藍大日奈王朝自一千一百五十四年至一千三百九十九年二百四十五年

顯理二世 力查一世 約翰 顯理三世 義德瓦
一世 義德瓦二世 義德瓦三世 力查二世
顯理二世自一千一百五十四年至一千一百八十九年二十九年

顯理廿一歲即位。自其父受安如買云兩公國。自其母受芒跌及補里達尼。自其妃利亞諾得亞幾坦公國。以利亞諾本法國王妃。離婚而醮於顯理。故顯理之爲王也。不獨君臨英國。併領法國之大半。其版圖自蘇格蘭之邊隅。至比里尼斯山麓。顯理更征服愛爾蘭之東半而有之。以上顯理之即位及版圖 顯理緣於母受亞弗勒大王之血脈。英民故喜而載之。顯理亦專以人之幸福爲念。先發憲章。誓率由祖王顯理一世之良法善政。猶進而銳意圖治。其志在靖士提。反之亂原矯。正教會之弊害。以鎮伏強藩爲第一政策。盡破壞其擅築之城郭。多至一千一百餘座。又乘內亂廢止諸侯私鑄之貨幣。發十分之重量。且有實價銀貨替之。以上憲章及改革 內事逐漸就緒。顯理以王妃之故。有領南法土路斯之權。旣以兵力得志。而其諸侯等拒人民從軍於海外。顯理終畫一策。用金傭客兵。此金名斯交鐵季。斯交鐵季。即盾錢之義也。顯理至末年。以法令定民兵之制。此二事不惟不借諸侯之力。

反能殺諸侯之勢收從來諸王未有之威權

以上與國之競爭

然顯理之於

教會較制諸侯尤難較諸侯之亂尤危蓋古時比修補與法官共列

席於裁判所至維廉爲王特使判宗教之訟別設法廷獨令比修補

臨之如此則僧侶不受尋常裁判所之管轄矣且因教會法律僧侶

無死刑當顯理初年僧侶之殺人者雖至百案無一罰者唯宗教中

之輕責而已顯理欲矯此弊于一百六十四年會諸侯大族於格拉

林等城議其事顯理之所望在重普通裁判之權無論若何爭訟罪

犯判官以普通法治之撤教會裁判所使僧侶受治於國王上告亦

必向國王處不得向法王及阿棄比修補控訴討論許久遂衆議協

贊爲法律謂之格拉林等之憲法

以上格拉林等會議

北革爲教育顯理諸王

子之人與王甚洽王拔之卑賤任以大法官方王之有事於法國也

以私費訓練騎士七百人率之鎮土路斯之叛其歸也王任之爲家

達卑里之大僧長北革已知王有改革教會之意不肯就固辭不獲

終就其職。然尙欲進言於王。使不失僧侶權利。未幾與王生隙。推其原因。顯理於全國土地常稅外。欲加征收。北革非之僧人之補樂意。斯者殺人。王命普通裁判所審判之。北革阻之。命該管僧長。按律停職二年。免其罪。格拉林等憲法之成也。北革從之後。極力抗拒。王與大僧長爭甚久。雖屬私讎。實爲國家與教會之競爭。及一千一百七年。北革橫死。乃顯理竟達其志。法律無僧俗之別。民事歸主權所專行。然北革死後。顯理之行憲法似爲棘手。而察法廷之實行。及僧長等之順從。亦以顯理爲勝。以上北革於顯理之改革教會。抱不平而反者爲佛奧庫伯、比戈特、及達爾哈母之僧長。王以爲殺北革之故。上神譴責。降此災殃。親拜北革之墓。乞謝罪。更命僧撻已背。以免天譴。既而率兵北進。征叛徒。叛徒知勢不可抗。盡降於軍門。是爲貴族抗王之結局。英國諸侯順服。而權集中央。不似大陸之忽起抗拒者。定於此時也。以上叛亂之終局。內亂之定也。顯理急謀改革司法。力致畫一。乃

成巡回裁判制度先是諸侯於其領土內私設法廷都市等處亦有裁判所往往擅作威福今王派遣法官爲之主使全國人民享習慣法律之樂又從諾曼之風習法律之爭不得私決自近隣選騎士十二人爲之判定是爲陪審裁判之始以上司徒顯理晚年臥病其四子顯理力查若弗力約翰等受其母與法國王之煽惑叛父顯理欲得英諾力查欲得亞幾坦若弗力約翰欲得補里達尼蓋法國王爲長子顯理之舅利害相關后嫉王之昵於他婦怨望已久千一百七十三年之役法王及蘇格蘭共助諸王子爲患然蘇格蘭王維廉爲英兵所虜請列臣藉始得還又次年義德瓦一世求蘇格王位本於此以上顯理顯理於英國今日之法律憲章遺惠實多蓋其初即位國民苦內亂爲立鞏固之政府拯疾苦討叛臣張君主之威嚴制教會以正國家之主權改革司法制度後世陪審之基立矣以上綱要

力查一世

自一千八百九十九年至一千九百零九年十年

力查先王顯理之第二子以其兄顯理死於千一百八十三年之內亂得襲父位王雖生於威弗斯成人於法蘭西人呼之獅心王或曰因其臨陣勇猛或曰王曾遇獅時未携武器以手突入獅喉中裂其心臟故得此名此外又有奔走東西之稱是以在位十年每居海外從事於戰爭其在英國不過數月也以上力查之性質先王顯理崩時力查在大陸聞父訃急釋母后之囚及來英國託以大政王雖不如先王發憲章約行善政於人民而即位之誓即知從舊規保護教會維持法度設良制廢惡習謂與顯理之發憲章無以異亦可也以上力查之即位即位未久日耳曼皇帝及法蘭西王皆欲投第三回之十字軍強借猶太人之金供軍費英國之諸侯從軍者亦皆效其主資金仰於猶太人當此時猶太人不僅爲英民過半之債主握歐羅巴諸國之財柄與商權者也英國君臣借金本爲詐術既達其志忽見本心思滅猶太以謝己之債務猶太人雖未詳其實自懷疑懼之念蜂起於倫

敦約克諸地作亂。王竊喜有機可乘，急發兵往討，焚掠不堪。約克五百居民盡獻財產乞命。王容之下宥恕之諭，實則毫不加保護。猶太人知終不能免，往往自及其妻子，猶曰不可俟敵人之毒手也。既而王又課重稅於民，得資猶不足，故鬻官爵及教會諸職，賣特典官銜之詔於市中，更以一萬馬克之價賣獨立權於蘇格蘭王。王之言曰：「有阿堵物至，雖倫敦亦將售之。」以上十其賣自由於都市最貽重字軍大影響於後世者，案諾曼戰勝以來，英國都市大者概爲王之財府。小者多係諸侯所有，市民納種種租稅於領主，而徵收皆王與諸侯所任用之官吏。此等官吏限若干額歸王，其餘歸私，以爲習慣，收歛無所不至。惟倫敦自維廉一世賜以自主之勅照，得免此虐。他都市皆羨望之，冀得同一之特典。特典有三條：一、稅有定額，直納於國王；二、選立都市之長；三、都市之司法權，由其人民制定之法律行之於法廷是也。而得此特典之由，惟有黃金耳。都市之富裕，幾有等於王。

俟者苟有迫於需金之時餌之以自由即可得志也君民之契約成其都市人民得君主印璽拉丁語之勅券寶藏之以爲許其自由之證力查所頒之勅照極夥其本意雖爲私利其結果可謂與國民以幸福矣以上自由都之興起王於十字軍頗有戰功法國王非立夫嫉之中途歸國力查之弟約翰受法國王煽惑自立爲王力查倉皇與敵媾和而歸途中爲其讎日耳曼帝所捕幽於達意樂爾年餘英國民臣爲捐財贖之臣民各割其產四分之一寺院亦棄捨銀器寶石云約翰聞乃兄放還急亡去力查歸國後召還之宥其罪以上力查之爲俘因旣而力查爲報怨於非立夫率兵過海峽適聞其臣里摸家斯子蓄有貨財要索之不從命討之王於攻戰之際負傷遂崩以上力查之終力查之大業在十字軍而其直接間接重要之業有二一曰政治自由之增進一曰教育知識之隆盛以上

約翰自一千一百九十九年至一千一百九十六年十七年

顯理二世分其版圖於諸王子獨不與約翰。顯理二世嘗戲呼之曰。
拉庫朗特及爲王猶有其稱。約翰在位以三大鬪爭爲終始。始與法
國爭繼與法王爭終與諸侯爭。其爭於法蘭西也失諾曼的及其附
近之地。拉庫朗特之名果驗矣。爭於法王也終屈膝稱臣。爭於諸侯
也。迫立大憲章。以上約翰及其三大鬪爭 約翰初即位。英領法地之諸侯欲戴王
之甥亞忒爾爲王。王不許。與戰。虜亞忒爾幽於路恩城。他囚皆餓死
於城獄。亞忒爾亦忽死。無知其詳者。修克斯比亞謂獄守受約翰之
命。抉亞忒爾之眼。亞忒爾欲遁逃。遂見殺。要之。王之致其死無復可
疑。以上亞忒爾之冤死 法國王非立夫。以約翰有諾曼的公之資格爲己之臣
下。因訊問其罪。召之巴里。約翰不奉命。朝議擬爲叛逆。將収沒其所
領之大陸。翰約尙不防備。使諾曼諸侯與非立夫戰。及全失其領土。
始遣英兵謀恢復。大敗。非立夫不僅略取諾曼的。羅亞河以北之英
領亦盡奪之矣。以上那耳曼之失却 從來諾曼人甚陋。薩索尼怒時輒曰汝

以我爲英人耶。其傲可知。至是本國之關係忽絕。不得不與曩所擯斥之英人共休戚矣。即以英國爲故國。以英人爲同胞讎敵。異種有同利同害之念。以上結果其國王與諸侯之爭。未嘗寧息。前不能不重著國王之勝敗。何也。諸侯得王之權勢政治。乃可奏績也。今又爲不能不重著諸侯之強弱。何也。諸侯抵抗專制之君主。即國民之幸福也。以上君主專制與法國之戰既畢。王又從事於第二戰爭。蓋家達卑里大僧長之位缺。王命寺僧選已黨爲後任。而法王命出使羅馬之僧。更選士堤反郎登。王聞之。禁其登英岸。法王布令。縷指其無狀。教會閉戶停講。幾二年。國民之生者不得受彝餐。死者不得全葬。禮約翰不屈。法王遂下破門令。約翰亦虐待僧侶以報之。僧侶相率而逃於海外。於是法王廢約翰。使法之非立。夫爲英王。約翰至此。不知所爲。向法王之代僧乞降。不獨許郎登爲大僧長。且立約年納一千馬克。以上與教會之爭六萬佛郎之貢金。法王乃許和。

蓋約翰猛惡苛虐不念人民之幸福不許教會補職員之缺私其歲入課重金於諸侯且犯倫敦及諸市之特權或使商賈納金乃得營業權或無罪繫人於獄或奪無力者之家財用具使之不能爲業於是民苦其苛政求王立憲章以脫此虐新大僧長登英岸要求約翰立守義德瓦孔非斯鎖爾法律之誓蓋云義德瓦之法律者乃包括國民自由之語也憲章一千二百十三年各地代表議員會合於倫敦近傍森脫阿邦議如何要求於國王始有利於貴族僧侶及國民士堤反郎登主盟以顯理一世之憲章謄本爲新草案而更加詳密嚴格焉以上森脫阿邦之會議翌年秋諸侯推倫敦之福慈壞達爾爲首領集於薩福卑庫之耶特茲特教會各以次序登神壇誓必令約翰授新憲章如其不聽則當繼之以戰以上次議會第一千二百十五年意斯達之日衆諸侯率二千騎迫王於阿斯福奏要求之條王雖不欲見兵卒已塞倫敦不得已姑從之間何日何地行之諸侯答以六月十五日

於朗尼米特約翰未敢違約。以上憲章之授與得此批者瑪哥那家即所謂大憲章第一教會第二諸侯及其臣僕租地人第三市民及商賈第四民得自由及奴隸之脫去疾苦也是爲王與民定約之始基也。六十三條之中雖因時世之變歸於晦冥內有三條則永垂於不朽一曰自由民不從同級之審判不合國法不得禁錮二曰裁判不婪不拒不猶豫三曰國王於特例外有所取於人民須經國民會議之承諾是爲保護國民全體利益之始也亦爲英國有憲法史之始也。其後二百年之間更定者三十七回十七世紀內亂後查爾斯二世之入倫敦下議院復奏請其更定以上大憲章之條項及其功績約翰批墨未乾復欲毀之自大陸傭客兵以供爪牙法王亦助之遂脅迫諸侯曰若强望憲法之實行則盡處以沒籍以上王之反覆客兵跳梁跋扈諸侯憤惋益甚貽書於王之深讎非立夫請其王子路易來救兼爲英王路易略南方諸郡以上諸侯之招法國路易約翰以其餘生與諸侯及路易戰而中道病歿

葬於溫折斯德之中央會堂。以僧侶之服爲衣。埋於薩索尼高僧二人之間。蓋因積怨者衆。恐他日有暴其墓者也。古代之記錄稱約翰曰。無誠之武士無義之王。無信之教徒。以上約翰之終。約翰在位英史之一轉機也。諾曼的歸於法國。諾曼以英國英民之幸福爲己之幸福。二人種合而爲一毫無區別。而貴族與教會獲大憲章後。以庶民之禍福爲已之根據。故大憲章非國內一階級之福利。全國民之福利也。

自此八十年間。即國民圖保所有之歷史也。

以上綱要

顯理三世

自一千二百六十六年至一千二百七十二年

五十六年

顯理三世九歲即位。卑母補樂伯攝政。先是路易將兵威振英國。欲登王位。約翰死。國民之情一變。不問僧侶貴族。皆欲戴英國人爲王。不欲戴外國人。遂歸國攝政者復發大憲章。初除國民議會課稅權。之條。再加無論。何人可獵於御林之條。議院各貢其產業十五分之一。以酬其恩。即無土地之都民亦效以財。因此都市之人始生參。

政議會之志議院有巴里門之稱此爲始也。一千二百四十六年後來上攝政時代大憲章之再布卑母補樂伯以千二百十九年薨英國再亂王寵外人置之要路法王爲英王之王干涉政治弊害百出及休伯攝政有才略果斷頗著政績王已成人忌之剝其職下獄顯理親政始於廿二歲放縱奢侈軍國之費與王室所費虧至千三萬磅顯理無以應債主質猶太人於其弟樂巴爾脫且妄破憲章料國民必購回其權也長子義德瓦之生王切望臣民祝慶有所奉獻故一諸侯言曰惜不能鬻此兒於我顯理之債之積也不獨宮庭之費又在建立寺院當時大陸大伽藍之設立逐年增加其風氣所及化諾曼式之黑暗粗陋殿堂爲戈西庫式之穹門高塔如薩里斯卑里靈科倫耶里諸寺王助其資如味斯閔斯爾阿卑皆王所自建者此等費用悉出於人民之租稅招不平釀內亂之道也以上顯理之新政與冗費寺院堂塔旣有變遷宗教亦有所變更舊來之僧侶享厚富惰懶多慾佛道

之業止說教之事廢於是僧侶一派自以諾曼語呼福拉即兄弟之義僅以克己善業相勉勵其生活皆仰於外人之施捨故有敏跌家特之名卑孔最用力於教育精理化學人以爲妖術放逐而禁錮之其心終不渝然其最力攻者爲數學科學稱爲十三世紀之百科全書以上宗教之改革顯理之收斂漸酷稅額益重加之凶年飢饉流民滿目死亡載塗於是國會會於昧斯闕斯爾貴族概著武裝王之入也聞佩劍之聲顧盼四方有恐怖色曰以余爲囚虜耶彼得特對曰否雖然唯有改革而已王召集國會於威阿斯福約從衆議反對黨名之爲狂癲國會然甚有方略爲有義勇之狂癲國民之享賜也多矣既而西門爲首領立案王屬從之是實奪顯理之政柄付之三種委員會也以上威阿斯福之議會王又確認大憲章忽又背之行暴威課重稅不僅用以供一己之奢侈且多用充法王之欲壑蓋因法王約王子義德瓦爲西里之王也以上與法王之關係諸侯不平不可言狀皆曰與其困於羅

馬人王法不若速死王要求金寶彼得特痛拒之王告之曰朕將遣人刈汝之穀物伯怒曰臣將以刈者之頭奉於陛下已以上諸侯之不平至二百六十四年禍機卒發里協斯達伯西門與王開戰偕若干貴族率一萬五千倫敦市民遇王師於薩塞戰於濁斯其戰事之激烈不让諾曼戰勝之時以上內亂西門擒王假攝國政新召集國會此國會與舊時殊其體式自各市招市民二人自各町招町民二人自各郡招郡紳二人及貴族僧侶會於倫敦至一千二百六十六年冬人民立法議會之下議院始起當時英國國會非一地所專有爲國民全體之代表於新舊世界示國會之模範靈科倫謂政府爲民而立爲民所有實基於此以上西門之議會西門之功成名遂也貴族忌之皆背去適王之長子義德瓦集勤王之師將雪乃父之恥時西門在耶畦協母自寺塔之上望見顯理兵謂其左右曰吾儕之身已在敵之手中乞托靈魂於神遂殞命於此以上西門之末路顯理在位殆及五十年此時英國

尙未得平定其於宗教裏跌家脫福來阿斯普勸人於善其於教育羅加卑孔等致力於智識之弘布思想之開鑿其於政治國民始由下議院得與政權

網要

義法瓦一世自一千二百七十二年至一千三百七年三十六年

顯理三世崩時義德瓦一世入身於十字軍在東邦其臨陣也嘗受敵人毒刃其妃以利亞諾爲吮毒得不死以上義德瓦與十字軍歸國後急召集國會之代議士盡受令狀國會人宣言曰古來之法律一切可公平施行選舉總不可干涉嗚呼西門雖死其遺業未嘗滅也義德瓦之末年一千二十九年國會守爲定制上議院下議院之體裁實爲代表國民以上第一之會議先是顯理二世謀英吉利法律之普及而義德瓦亦益欲舉統一之實蓋此時西方服威爾斯之威者不過其半北方蘇格蘭殆爲獨立之體義德瓦欲先定威爾斯遣兵攻之得大勝築孔魏標瑪里斯哈爾勒庫加拿大文諸城置戍兵以備叛亂加拿大文爲義

德瓦太子降生之地。今城中尙有一室闇黑如牢獄。猶謂爲太子誕生之室。初威爾斯人誓不戴英人爲國王。然以太子生於其國。用其語之故。至太子承位。甘爲屬邦。雖然。其全併英國。在二百年之後。至顯理八世之時。不許地方自治。不許出代議於國會。坐視蘇格蘭。巴略、普魯斯之爭位。二人終訴於義德瓦。義德瓦乘機畫策。先約於巴略曰。若臣屬英國。則此訟可得勝。巴略佯諾之。未幾與法國結敵。對英國之密約。終至公然與義德瓦相絕。義德瓦急集兵襲巴略。自爲蘇格蘭王。此時於巴爾斯近傍。斯孔之阿卑。得天命石。蘇格蘭王。用爲傳位之璽者也。義德瓦致之於昧斯閔斯爾寺中。以古來即位式所用之御床蔽之。自其子義德瓦二世。至維多利亞歷代。英王登極之時。相繼用之。以上威爾斯及蘇格蘭之征服王怒法國結於蘇格蘭。將討之。徵戰費於僧侶。或強奪商賈之羊毛。於是貴族有戒心。迫王確認前代諸憲章。其新加之條款。最要者曰。王不得人民之承諾。不得取民貨財。

之復認憲章

適蘇格蘭義士維廉瓦拉斯舉義兵激戰八年終爲敵虜上以叛逆罪行刑於達哇西爾英人戴橄欖花冠於其頭梟於倫敦橋之不敢用暴戾不可謂非其功家來爾曰蘇格蘭之異於愛耳蘭者其故在有勇士之奮起耳以上瓦拉之叛亂義德瓦之累德在虐待猶太人先是猶太人蒙王之保護王之保護之也如人之肥其家畜有財王則掠之尙未爲甚虐之時也今人民不堪其苦求放逐於王王從之先收沒其財產而後逐之書籍亦收沒於阿斯福之庫猶太人之喪家者至一萬六千之多慘然出境途中餓死者不少以上猶太人之放逐義德瓦在位關於土地之賣買讓與者其條例發布二則一云昧斯閔斯爾第二條例一云第三條例先是地主避封建義務賣其土地至此禁之使不得傳於其子孫又防寺院之財產濫增當時僧侶因捐集施送之富壘斷王國中膏腴之地世人謂之歸於死人之手蓋以

寺院爲會社體故永久不能失猶死人之緊握其物也此土地免徵兵租稅故地主每冒寺院之名借他人耕之以免兵役稅務於是味斯開斯爾第三條例捐置土地於寺院必經勅許以上味斯爾條例閔義德瓦聞普魯斯竊蘇格蘭王位率兵討之戰沒遺言於其子義德瓦曰必繼戰又曰試奉余遺骸於陣前當不能面賊以上義德瓦之殂於陣中義德瓦一世在位所爲之事有五一征服威爾斯及蘇格蘭自是蘇格蘭永歸其版圖二全國之地主於君主資直接之責三制寺院領土之過大四確立大憲章明稅權五國會爲永久之體制初以定時召集今則隨時召集以上綱要

義德瓦二世

自一千三百十七年至廿年

義德瓦二世不肖子也蓋肯哥即國王之意之字古時稱能者後世以之称人民首長義德瓦兩缺之已身一無所能又不能使人行之不過輕躁昏憤荏苒歲月而已無望其繼乃父之志也伐蘇格蘭之時普

魯斯知其無能爲輒語人曰吾畏死父不畏生子王即位以來寵其舊友法人克弗斯敦濫賜權利貨財克弗斯敦在先王時國會遵勅許而驅逐之王即位不惟急召還之且與爲婚禮幸於法國也使之代己執政及還貴族交攻克弗斯敦迫王放逐王不得已從之未幾召還貴族憤甚終以國會之決議奪國王之實權歸之於貴族僧侶其長王之叔父奧跌那爾人之意出命令蘭加斯德伯因發布國務緊要命令有奧跌那爾之名克弗斯敦三次被逐王復勸還之爲國務卿貴族怒欲殺之王藏之斯加不羅城克弗斯敦食盡而降斬首以上義德瓦二世之即位及其性質蘇格蘭之普魯斯欲全獨立之業百敗不撓與英兵死戰於板納之役得大勝脫英國之羈絆自是遂獨立其王惹迷斯六世千六百三年登英國王位至惹迷斯一世兩國始戴一君主以上蘇立克弗斯敦擅威權五年去位七年蘭加斯德伯立於要路王新寵德斯奔色父子爲嬖臣二人之性質較克弗斯敦差勝然亦汲汲營

私貴族之所惡也。王妃法人名以薩伯拉初亦有所彌縫。恆敵之貴族之領袖邈的麥最憎之。王妃通於邈的麥相謀欲剝王及德斯奔色乘其不備舉兵殺德斯奔色執王幽之。既而貴族有廢王之志。國會爲廢位之決議選定勸王退位之委員委員之至也。王蒙喪服見之。至於啼泣判事德拉色進曰余代表全國人民而來與爾君臣之義已絕。剝爾王權自此不復戴汝爲王。王尋被幽於巴爾庫勒城。邈的麥與王妃竊弑之。以上廢位及殺害國會廢王以義德瓦二世爲始。由此觀之國王之權非不大然有較此權力尤大者出焉。不僅能立國王且能廢之矣。以上

義德瓦三世

自一千三百二十七年至一千三百七十七年五十年

王十四歲即位。至丁年攝政之會名握政權實則在以薩伯拉及邈的麥之掌握。即位之初討蘇格蘭無功認其獨立而頗能奏績於內事。當邈的麥與先王妃在諾完昂城王自他道入捕虐臣縊殺之。又

要其母幽於紐佛爾庫之家斯鎖來使盡其餘年。以麥之即位及貌義

的誅死

義

德瓦時代爲大陸商業興盛之際其影響延及於英國蓋英吉爲農國而東郡百姓從事於羊毛業輸出於根的、補爾能斯等、福朗達爾諸市其所產有世界第一之稱紡織爲服再鬻於英國之市故古人有言英人只知羊毛生於羊背而不知其他義德瓦之妃非力巴乃福朗達爾近傍之女因設立羊毛製造局於諾爾魏的及東英諸市以成最盛大之工業基礎爾來羊毛爲國之重要財源。以上英國商業之興隆

初普魯斯之叛英王也法國王助之故義德瓦以爲不先絕法國之後援蘇格蘭終不能服遂謀討之適法國掠英國搭載羊毛之商船阻害福朗達爾之貿易義德瓦以己有可爲法國王之權利藉爲口實宣言開戰其母爲法國先王查爾斯四世之甥與法王爲從兄弟故此戰爭前後綿及百年有百年戰爭之名其發端在千三百三十八年自此八年之間海陸互有勝敗義德瓦窮於軍需鬻己與王妃

之冠。以供糧食。卒能訓練精兵。當時携其十五歲之子義德瓦。侵諾曼的。得大勝於格利西之野。義德瓦得黑王子之美名。實在此戰。哇里史中功業之赫赫者。殆無其比。蓋黑王子之名。以其著黑色甲冑也。夫英國之勝利。非獨由太子之武勇與貴族之奮戰。而由於農兵之力。農兵善用長箭。白羽之矢。百發百中。史家有從軍者。故譬之飛雪。以上百年戰爭之發端 越五日。義德瓦進於加勒斯。加勒斯爲達哇海峽之要塞。與英國之白岩相對。爲法國門戶。得之可扼法國之咽喉。義德瓦圍之。十二月城兵食盡。乞降。義德瓦憎其抗拒。欲盡屠之。然其首领六人。自願代衆請命。義德瓦許之。將誅此六人。王妃非力巴救之。以_{上加勒斯之降服} 休戰之後。復交兵。此時法王非立。夫已死。約翰即位。千三百五十六年。黑王子率兵一萬。至波爾多。破法兵六萬。虜約翰以歸。以上波爾多之勝 休戰未久。又破約翰。義德瓦圍巴里。因糧食缺乏。退軍。法國請和。談議之間。有大雷。戕英兵。義德瓦以爲好戰而遭神譴也。不復

奢望法國王位及諾曼的之權利。法以羅爾以南之地歸英領。出重金贖約翰。以上平和條約是役也。英國所得之利益不在略取土地在人民。生統一之感情。先是諾曼人與英人屢有不洽。今以敵愾之心自然融化無復昔日之區別。又觀其政治之結果。王屢索軍費於國會。國會每供給之。然必主張革弊。遂擴充其權。使王俛從。國民之勢力。於是王握劍。國民握財。國王必籍資於國民。又下議院離上議院而獨立。國王之輔弼於上議院得彈劾之權。以上戰爭之結果與法國交戰後。盛行於歐羅巴之黑死病。突然起於倫敦。蔓延全國。人死大半。補里斯脫及其他諸市死人之多。殆不暇埋葬。工商業盡停止。已而瘟疫漸収。有土地者缺農夫。業牧蓄者缺牧童。自由民高價奴隸則棄其舊主鬻力他處。如此農業之同盟罷工。幾三十年資本與勞力之衝突。萌芽發於此。至再傳則更甚。越五百年至今。尙未得權衡。國會力圖恢復。或禁自由民之多索價值。或令奴隸之主於逃亡奴隸之額上。

烙印字樣以罰之。然終無效。氣運益進步。國會之條例。宛如沮大洋之潮流。至力查二世之時。有畦脫太拉者。爲巨魁農民。蠢動。以上黑死病英國之文詞。興於義德瓦之時代。芒跌魏爾三十有餘年。遊歷東方。著紀行。初以拉典語記之。以供學者及貴族之披覽。尋以英文記之。以供普通人民之披覽。遂獻其書於王。其中最驚人者。謂大地爲圓形。舟得周航之。又朗哥朗有意於貧富之反對。作夢貴人農夫之詩。以鼓吹平民使暴動。阿斯福講師味格力弗。以說教論文。攻擊富人。及怠惰之僧侶。爲秋薩賦英語之大作。以上英國文學之起源 義德瓦之末年。不幸黑太子先逝。寵幸者跋扈用事。至伯勒士王妃薨後。在王左右。至王臨終不去。王瞑目之際。奪其指環。逃走宮中。以上義德瓦之末年 義德瓦在位。章顯事蹟有六。一蘇格蘭自立。二英國之羊毛製造始興。三百。年戰爭開端。能於庫格利西及波爾多。結補里達尼之和好。四黑死病。及其力役者之結果。五英國教會稍脫羅馬之羈絆。六近世文學。

之萌芽。綱要

力查二世 自一千三百七十九年至一千三百九十九年 廿二年

黑王子早逝。其子力查十一歲即位。國會爲王幼冲。置攝政會。蘭加斯德公約翰得勢力。施取歛之政。反對改革。勞力者尤憎之。適與蘇格蘭及法國有隙。法艦侵英沿岸。而國庫空乏。不能蓄兵。負債遂如山積。以上即位時英國之事情 於是政府興新稅。即人口稅也。此稅前代雖已行之。只一部耳。今則全體及之。不問貴族與勞力者。且不獨勞力者課稅。家族中達十五歲者。父兄必酌其所入。納相當之稅額。先是因黑死病之結果。諸處起斯脫來克。全國思亂。今加新稅。無異導火線。使之爆發也。雖在貧家。亦不能免。稅吏之督迫。而徵稅之法。亦極峻刻。一姦吏辱瓦的代勒之女瓦的代勒。聞女呼救。揮斧殺吏。急糾合。無賴將覆政府。向狂僧白爾六萬人。爲過激之說。曰當阿達母意之時。何人爲紳士。又曰善男善女。苟非財產共有。英國不能得幸福。有紳

士百姓之區別未有能得幸福者彼等呼吾輩爲奴隸速抗其命而直加鞭撻今上帝使吾輩脫此桎梏也以上新稅廿年前福朗達斯及法蘭西已有是等騷亂即知英國亦由財政之大勢來也瓦的代勒白爾之亂爲始東南諸州皆有動意其中激烈者爲倫敦暴徒占領該府殆廿餘日焚家溫脫之宮殿殺大法官及人口稅之收稅長毀裁判所之記錄且殺代言人以代言人令傭人服從其主也蓋暴徒之所望在廢止農奴在國會地稅歸一在自由貿易在大赦暴徒方查皆允之有司與暴徒會議中倫敦市長壞爾壞斯使人刺殺瓦的代勒餘黨悉散已而國會罰餘黨毫無所假力查所允者無意實行上議院亦施殘酷之處置暴徒之舉終歸無效百五十年後農奴次第廢去英國之力役者得自主之權然彼貧民奴屬之時病得醫藥年老得恩金今則反爲無告之民不得不廉其價也以上暴徒及其鎮壓當時主維新者爲昧格力弗彼爲阿斯福之講師攻擊宗教政治之弊害不

遺餘力。曾從事於福里阿斯。未行改革之時。其徒披紅袍。手持捧赤腳。歷說四方。以神法爲準。先是巴意補爾爲拉典書。不僅人民不能讀。雖僧侶亦多不能解。今味格力弗譯爲英文。然印刷術未行。寫本費多。非富人不得買。至有以滿車粟米。購一二章譯本者。其譯本已普及全國。當虐待之始。或置於床下。或深夜讀之。或聚於山林。而聽人說法。已而味格力弗之信徒。得樂拉爾特之名。此徒置富貴於度外。自具一種社會主義。如白爾主張財產平等。全廢自教會。視之爲異教徒。自平和主義之人。視之則爲無政府黨。危之非之。有視爲今日之爆烈彈者。味格力弗死後。四十四年。以日耳曼孔斯探斯宗教會議之命令。發其墓。焚其屍。然其勢力不獨風靡英國。且延及大陸。至十六世紀。終有爾跌爾之舉。以上味格力力查不見信於人民。平民惡其奢侈。僧侶怨其不治新教。貴族憤其偏私。當時雖有圖政治改革者。王罪之。且課重金於助之之郡。佛爾庫公慕北夾黑耳。

佛公顯理二人幸免於災而二人生隙互誣反逆對質國王之前王即日皆放逐之顯理被逐無幾其父蘭加斯德公薨王又奪其領地以上力查之失政顯理聞之率兵歸國將復其遺領適見巴爾西家有輔助之意人民之多數希望政變忽生覬覦王位之念所籍口者以其爲顯理三世之統系有相承之權謂力查僭位王終陷於敵手國會會於味斯閔斯爾堂決議廢之立蘭加斯德公力查被幽於硼福拉庫城以上力查之上廢王在位著明之事有三一瓦的代勒及貧民暴動二味格力弗之改革三英國韵文最始之傑作秋薩之里跌爾福之刊行以上綱要

第六章

蘭加斯德王統自一千三百九十九年至一千四百七十二年七十三年

顯理四世 顯理五世 顯理六世

顯理四世自一千三百九十九年至一千四百三十九年一百十六年

力查二世無子。最近親有承繼之權者。唯其叔父格拉林斯公。來阿納之子。邈的麥而已。顯理四世排之。既登王位。國民有鑑於力查二世不欲復戴。幼冲之主。故國會亦棄正統。翼戴顯理。以上顯理四世之即位當此時。力查猶呻吟於獄中。適有陰謀復其位者。忽發即滅。無幾力查亦死。顯理致其遺骸於倫敦森脫白爾寺。示衆使人民絕念於力查之復祚也。力查之友威爾斯人阿溫格林斗。揚言曰。先王未死。其所示者僞也。遂擬起兵討顯理。顯理謀伐之。偶有暴風雨。兵士皆謂格林斗爲祟。無敢進戰者。王不得已。中止。以上力查薰之作亂然顯理所最畏者北爾西之判亂也。先是北爾西扶顯理。旣遂其野心。且對於蘇格人。防衛北疆。而顯理毫無所酬報。北爾西之內弟。被捕於格林斗也。又不思贖取之。其叔父及斗格拉斯伯與格林斗同盟謀反。兩軍戰於足路斯伯。擒斗格拉斯殺北爾西。餘黨盡伏誅。以上北爾西之叛顯理於征服反徒之間。汲汲燒殺異教徒。是欲結僧侶以固己位也。貴族及僧

侶之背羅馬教義者盡處死刑時倫敦之僧鑽脫勒言曰予拜十字架上之庫拉斯脫不崇十字架於是於倫敦之斯米斯非特被處於焚刑勞拉德士亦皆受禁錮以上勞拉德士之刑罰顯理在位著明之事有三一即位之初國會變更王統二關於供給之事屈膝於國會三始罰英國異教徒以上綱要

顯理五世自一千四百十三年至一千四百二十二年九年

顯理少時放縱暴戾及即位頗知改悛盡斥其寵愛之小人銳意圖治時勞拉德士中最有勢力者爲阿德加斯及科補哈母卿二人共定異教之罪爲死刑顯理少爲猶豫將使其改教而阿德加斯竊避於獄勞拉德士顛覆政府破壞寺院將推阿德加斯爲君其發覺也顯理急襲之或擒或誅阿德加斯不數年亦伏誅以上即位之初勞拉德士之暴動適有訛言謂力查二世尚存在蘇格蘭將謀復位顯理乃於朗哥勒村發力查之摹示其屍於衆以鎮人心又以爲不令民心專意國內

叛亂終不免再發。竊留意海外之動靜。當此時。法國黨派分立。互相敵視。較憎英人爲甚。顯理稱勢與法蘭西開釁。屬最好機會。顯理所欲得於法蘭西者有三。曰妻。曰財。曰王位。先是。顯理見法國王及其敵白根的公皆有女。乃欲各得其一。致意於兩人。而法國王拒之。顯理直以此宣戰。一千四百十五年。整兵侵法國。戰於阿姜庫阿。大勝凱旋。又二年。復伐之。每戰皆克。一千四百廿年。於脫爾哇之媾和條約。卒遂其欲。收巨額之金。娶法王之女加他隣。約定其父查爾斯六世死可即法位。自是暫爲攝政。治法國。既而爲平法亂。至該地得疾而歿。乃查爾斯六世死後兩月也。顯理之孤兒。依條約襲法國王位。力查生存之訛傳及與法蘭西之戰爭。顯理一生之事業。爲戰勝法蘭西。當時人稱贊其大功。於味斯閔斯爾寺墓側建王像。其頭鑄銀爲之。後爲賊竊去。不復作。其所得之土地。死後無幾。皆喪失。以要綱上

顯理六世自一千四百二十二年至一千四百七十二年五十年

顯理六世在襁褓爲英法二國之王。先於味斯閔斯爾即英國王位。於巴里即法國王位。其實不過虛名耳。查爾斯六世之子。拒脫爾哇之條約。兩國戰端復開。英兵戰五年。略羅爾以北之大半。進攻阿連斯。大局之勝敗。係於一髮。俠婦若安。率義軍勤王。破英軍。使王子查爾斯即位於朗答。其身雖爲人俘殺。法人敵愾之心。已爲之振興矣。英兵除加勒斯之外。大抵皆失其所略。百年戰爭告終。顯理尙未及十三歲。以上即位及法國戰爭之再起王漸長。昏暗羸弱。爲其妃馬加勒所携。方此時政府最憂者。國庫之空乏。王典其寶石。鬻其銀皿。以償婚費。王后恆缺食。而諸侯因法國戰爭。多致大富。如瓦威克伯。有許多城郭。從者恆三千餘人。此等諸侯。互相爭鬪。人民惄惄。不能安矣。以上顯理婚姻結貴族之權力。如此。始限制國會議員之選舉權。初自由民皆與於選舉。今新設法律。住民年入四十。且有田宅者。乃許投票。已而又設非有相當之生活者。不得爲議員之制。此二法。大破自由政治。至

是代表人民之下議院徒代表財產而已。選舉之國會議員於此根的
暴徒崛起。根的爲英國最有獨立精神之土。自古已然。今逢根德之
鼓舞而興起。七十年前瓦的代勒之暴動爲社會根德之暴動爲政
治其所衝者在人民。不得自由選舉代議士貴族所選皆已所不欲。
之人其他爲租稅過重顧問官之失職。根德將二萬人來倫敦殺財
務長。橫暴三日後大安市民根德更欲於南方大舉爲官軍所擒病
傷死。以上根德之亂根德之叛無疑其出於約克公力查之煽動者先是力
查在愛耳蘭今反請罷寵臣索美塞公顯理年長猶有童心政府之
實權在索美塞公及王妃之手。王如不省國會以約克公爲後援禁
錮索美塞公。王病癒約克公退索美塞公復得權利當時貴族之最
有權力者爲瓦威克公瓦威克公與約克公以千四百五十五年共
名爲勤王進倫敦欲得索美塞戰於阿爾邦斯殺之已而與官軍戰
於諾薩補通皆得大勝王爲虜王妃馬加勒與王子義德瓦逃於蘇

格蘭夫約克公之勤王爲清君側至此忽露其真相入上議院揚言曰顯理爲僭位惟吾有繼統之權上議院順其要求共決議曰蘭加斯德家之王統已及六十年國民之於今上有君臣之義亦非一日不忍驟廢之使其一生在位其後以約克家爲繼以上薇戰爭王妃憤人奪其子之承續權集蘭加斯德一族舉兵兩黨相鬪蘭加斯德黨以赤薔薇爲章約克公黨以白薔薇爲章故有薔薇戰爭之名戰事歷三十年兩黨皆古代之貴族同蕭條矣千四百六年其第一戰赤軍大破白軍於魏庫非特約克公爲虜敵軍殺之加紙冠於其首以辱之第二戰於模趺瑪庫白軍大破赤軍第三戰於阿爾邦斯赤軍復勝然赤軍不急追敵每在國內掠奪義德瓦乘此直衝倫敦召集國會要求王位國會決議曰曩雖許顯理一生在位今旣同王妃作亂應廢之認義德瓦爲正統之君主于四百六十一年六月廿九日即位於味斯闕斯爾稱義德瓦四世以上魏庫非脫之戰蘭加斯德王統可記

之事有五一顯理五世之戰勝歸於幻影法國終得獨立二選舉權縮退下議院不徒爲代表財產家三根德之亂爲政治不平之發作內亂之兆也四赤白兩軍之戰使英國之土地歸於荒蕪五顯理之世其幽囚之王妃馬加勒之亡命賴瓦威克之力以約克家義德五世之即位告終以上綱要

第七章

約克王統自一千四百六十一年至一千四百八十五年廿五年

義德瓦四世 義德瓦五世 力查三世

義德瓦四世自一千四百六十一年至一千四百八十五年廿五年

義德瓦即位後追擊敵軍北戰於佗頓兵數各六萬人赤軍敗死者過半王收敵黨貴族之土地分之將士而實多歸於瓦威克公之手公富貴有權力義德瓦之得位皆賴其力戰士亦以其獨力供之故有肯哥墨家之名赤黨再圖恢復不成顯理潛匿於朗家斯夏年餘

後出而就縛。被禁錮。王妃携王子義德瓦歸故國。瓦威克與王生隙。千四百七十年。扶馬加勒擊王。迫之逃荷蘭。復顯理位。翌年春。王借妃之兄白根的公之援兵。於巴爾納破賊。瓦威克死於此戰。顯理復被幽。無幾死。此日馬加勒於伯來謀登岸。聞敗。北走。據德庫斯北里。終不利。其子義德瓦見殺。已亦被擒。在英國五年。法國王贖之歸。故鄉安如喪心而死。以上戰爭之續顯理之死 繼 王有才識。且勇敢。當王位艱危時。謹慎精勵。及敵已亡。放縱奢侈。不顧國事。施行暴政。其所發明者。一爲有害之偵探術。一爲獻金法。獻金法者。爲迫令人民獻之。人民不得拒之。之法。是雖與禁專橫課稅之法文不背。不可謂不犯其精神者。惟寡歸等眷戀王之風姿。出金不在此例。王之世。王統之變。更黨派之軋轢。政治問題。有不可比似者。即倫敦商人阿庫斯頓。自福朗達斯學印刷術歸國。始備小器械。開業。王保護之。惠以資力。先是以爲法國魔僧所授之黑術。斥之。英國之僧侶。以書寫爲業。仇視之。版

本之初基爲哲學論鳩薩之叢譚次爲古典歷史文學之印刷印刷者日增著名之書至六十四部學問之弘布前代所未聞。以上義德瓦之性質此世著明之事有二一總薔薇戰爭之繼續二印刷之起源。

義德瓦五世自一千四百八十三年四月至一千四百八十三年六月二月

王即位時年十二歲其叔父格羅斯得公力查輔弼之力查夙懷不軌先殺王之母叔及里威爾斯二卿幽王及王弟力查又處樞密院長哈斯丁於刑遂自立爲王是爲力查三世義德瓦五世惟有格羅斯得之事。

力查三世自一千四百八十三年至一千四百八十五年三年

當此時雖無顯判力查之僭位者隱爲敵視者甚多忠於義德瓦之約克黨蘭加斯德之餘黨皆亦欲傾害之會伯金恒公曾助力查之陰謀怨其無賞亦謀反與大陸之蘭加斯德顯理都鐸爾力絃門伯連合謀恢復其舟遇風吹歸法國伯金恒被捕刑於市力查乃欲設

法牢籠人心。召集國會而時機已晚矣。先是力查殺先王兄弟反徒一旦失依更戴力枝門。欲以義德瓦四世之長女以利沙伯嫁之。以結合兩仇家同力並進。力查探知之。欲破其計。將使其子娶以利沙伯。其子早逝。欲自娶之。又因輿論之攻擊而止。以上力查之即位。既而力查聞力技門再舉。置本營於諾典哥哈。遣騎兵四方。偵敵之登岸。力枝門以千四百八十五年八月七日於哈溫登岸。二十二日兩軍戰於雷塞斯德之野。斯探勒率其軍應敵。力查戰死。金冠墜於草叢。衆以置於力枝門伯頭上。使伯於全軍之前踐王位。接力查敗後之報也。英國到處欣喜如狂。云蓋雷塞斯德之戰爲約克統之末世。爲薔薇戰爭之終局也。以上雷塞斯德之戰。薔薇之戰。亘三十年之久。其間戰十四次。其最激烈者爲佗頓之戰。此戰死者較前四十年法蘭西戰爭尤多。古來之王族亡者八十家。貴族之亡者過半。蓋幸而免於戰死者亦不免於死刑。免於死刑者避難外國。敵之所領同歸於王室。即約克。

黨之貴族戰死無子者領地皆爲收沒至是世界最有權力之英國貴族頓爲衰弱王室土地占有全國五分之一以分與其寵臣因貴族之滅亡對建制度亦絕跡自大憲章至薈薇戰爭英國之憲法政治漸臻確實之進步歷代有限制王權擴張民權之舉措據戰爭以前已定之原則王失課稅立法擅刑之權國會不僅得此二權且得宰相彈劾之權廢立之權和戰之權至薈薇之亂規則歸於紊亂義德瓦一世以來之制限王國爲義德瓦四世之專制王國矣及顯理七世達於極端以上薈薇戰爭之結果力查之世薈薇戰爭告終封建諸侯之理利沙伯

第八章

都鐸爾王統自一千四百八十五年至六百三年百十九年

顯理七世 顯理八世 義德瓦六世 蔴馬利 以

顯理七世 自一千四百八十五年至一千五百九年 廿五年

顯理出師大陸先以娶義德瓦四世之長女以利沙伯事與約克公有約此婚既成蘭加斯德約克兩黨既調和內亂息矣顯理即位前數日乃舉婚禮以定民心先是顯理筆其王位承繼之理於書付家庫斯通之印刷流布國中是即出版訴政治於人民之始基也以上家之結合兩家之德約克兩蘭加斯都鐸爾家之即位馴致專制政治者也推尋其故貴族衰弱已不能牽制王權僧侶懼改革以保守政略爲便下議院又無一定之方針王又恐與外國開釁恆不召集國會於是一切政權歸於掌握以上內國之形勢王室之權勢專制政治亦進退不可缺之楷梯也無論何國人民固冀個人之自由亦無不欲國民之統一者西班牙葡萄牙諸侯割據互爭併吞人民苦於塗炭及專制君主興不僅裁制諸侯弭息兵戎且使奉中央政府之法律以定積年之爭亂二國遂致强大英國人民有鑑於此故當都鐸爾王朝之初承薔薇戰爭之後兩

黨餘類仍相憎不和然顯理七世八世之猛威包羅人民於一法網之中使服從其權勢以此英國與法蘭西西班牙奏同一之功日向隆盛前是英人或依約克黨或依蘭加斯德黨及此皆變爲愛君國不顧身家者矣以上國家觀念之勃興顯理欲得國民之歡心以收人望於中戶以下力減課稅而勒富豪獻金以足王室爲建此聚斂之策者名貌敦宛如以义攫肉人皆稱之曰佛庫爾頗怖之又有耶母補遜及達脫里二法律家復興里魏里條例自貴族取罰金一求君寵一營私利蓋此條例貴族於內亂時代禁其從者着軍服及帶符章者也加之王鸞爵射利甚至以暴徒之起爲奇貨促之納賄賂贖罪曾召集國會借鎮暴徒備外寇之事令其納金其實則皆入私囊以上顯術之顯理爲嚴行里魏里條例再造星院此法庭原爲貴族犯罪不得罰於普通法廷者而設此以處分之有長期禁錮及課巨額罰金之權無宣言死刑之權英國訊罪人用拷掠以此爲曠矢顯理行里魏

里條例不別親疎其幸阿斯福伯之居城也將去伯之臣隸數百人軍裝送之以致敬禮顯理顧謂伯曰謝卿厚意雖然朕之檢事當有所問於卿當時之檢事即耶母補遜告伯於星廳課罰金一萬五千馬克星院當顯理之世覬覦王位者爲阿斯福之商人西母奈倫及脫爾奈之商人瓦爾北二人西母奈倫自稱爲前王從弟瓦威克伯義德瓦其實義德瓦正爲獄囚瓦爾北實爲力查三世所害之約克公力查之名盜西母奈倫帥愛耳蘭之兵登英國岸敗於斯脫庫之戰爲俘王辱之使爲厨僕然後竟登上焉瓦爾北鼓動人心較西母奈倫爲甚多樹黨於海外於達補林受眞王之待遇於巴里供給親兵巴爾家跌嘗贈兵饋金焉蘇格蘭王以內親王妻之兩侵英國皆無成功其終請降於軍門降後受誅以上西母奈倫瓦爾北顯理之致土地得勢力非由戰爭由其子女之婚姻婚姻爲顯理之外交政略嫁先王之女馬加勒於蘇格蘭之惹迷斯四世爲兩國合併之原因爲其

太子亞塔爾迎西班牙王之女加他隣使西班牙約排斥法國之同盟且以婚聘得其國土地既而亞塔爾歿得法王允許又以其長子之婦爲次子顯理之妻此子即後稱顯理八世者故曰英國大勢以結婚而變也以上婚姻之政略顯理時代發達之時代也科倫布發見新世界聳動歐洲耳目海國之民爭尋航路於太西洋千五百五年魏斯補棄之航海日記於斯脫拉斯印刷之傳之諸國人心更加動搖蓋初爲好奇心所驅從事於發見發見之成蹟既著乃有生建設帝國之想者有企圖巨利之貿易者有垂涎金穴思攫千金者各國上下皆注意於新大陸英國土地之發見亞於西班牙者住於英國補里斯脫之魏尼스人家自脫與其子薩跌斯卑勸顯理發探遠艦隊父子率之遂發見亞美利加大陸是年葡萄牙遣哇斯科達轉航好望角印度之航路始開以上土地求之航海先是印刷術頗能啓發人智中世之氣運一變英國學問復興亦可謂受其賜矣千四百五十三年土

耳其人之陷孔斯探跌也。希臘學者多避禍於意大利爲學問之中。心諸方文人學士研究學問皆輻輳於此。英國哥樂興里、那庫爾家白脫耶拉斯瑪斯諸氏來此就學其歸也。希臘羅馬之文學蔚然而興。哲學理學政治學神學亦赴於隆盛。以上文學以上文學之端顯理頗不好學問。文學之勃興毫無所介意。亞美利加發見之事亦不足動其心。惟家白脫之遠征北美也。顯理以其自費故任其所爲至立發見之功也。僅以十磅酬之此亦足知其爲人矣。以上顯理與學術顯理雖開專制之端其致平和成一統之功自不可沒。新大陸之發見亦成於王權之下者也。以上綱要

顯理八世自一千五百四十九年至一千五百四十七年三十九年

顯理八世十八歲即位容貌秀麗居止閑雅其接人極寬裕尤有人望以承約克蘭加斯德兩家血統之故故兩黨皆輔之內無叛亂之謀。外無敵國之患。其父所留遺又爲前代所罕覩。即位之時實有洋洋

洋太平之象。顯理深致意於學問之復興。爲定民心。先致耶母補遜達脫里二法律家於罪。顯理初政雖善。及稍長。性質變爲暴戾。且又耽於奢侈。浪擲其父所蓄之財。忽失輿望。爲國民之怨府。大受反抗。以上即位之事

顯理八世與外國雖有戰爭。皆無關於大勢。顯理有好兵惡將之稱。顯理及其宰相烏爾西。外交皆謀私利。不顧國家之大計。顯理乘日耳曼帝位之空虛。欲占領之。烏爾西窺法王之空位。欲據有之。故曰英國之外交政略。爲遂欲之方針。顯理不懲古來之失敗。欲征服法國。出師於法國之同盟國蘇格蘭。惹迷斯來襲英國。薩勒伯於福樂典擊破之。殺傷無算。使蘇格蘭聽英國之命。雖然英軍終不能得利於法蘭西。與法國王路易十二世媾和。以其姊馬利嫁之。無幾路易死。法蘭西斯繼立。夫顯理之所幸者。日耳曼帝查爾斯五世與法蘭西斯。互相仇視。皆求英國之同盟。查爾斯爲求盟來英。法蘭西斯亦會合顯理於英領。稱其地曰金衣之野。以其禮儀莊嚴也。

顯理立於二國權勢之上重彼輕此操縱自在兩處皆得利益至是使區區英國一躍而雄視於大陸不可不謂顯理之政略以外交顯理十二歲與其寡嫂加他隣結婚即位之後更舉大禮經二十年漸悟娶嫂之敗倫復以無子故欲離婚然離婚結婚皆須法王許可使其相烏爾西圖之適法王爲日耳曼帝查爾斯五世幽於安解羅不能自安以查爾斯爲加他隣之甥若許離婚恐觸其怒不許又恐爲顯理所怨以其裁決關於歐洲治亂繫於教會安危因循弗定及二年之久先是顯理迷於皇后侍婢安波隣之色欲立之爲后益迫離婚之裁許故法王命烏爾西及加母卑季代已判此事之當否時法廷有故解散法王命顯理夫婦受審判於羅馬顯理以烏爾西不忠遂陷以叛逆之罪當此之時加母補里之僧格蘭麥勸顯理曰宜問歐洲諸大學之意若何然後決顯理即採其議諸大學皆答曰離婚善阿斯福加母補里二大學素執兩端至是爲迫脅賄賂亦袒顯

理顯理氣勢驟增初英國僧侶皆不允離婚至是欲報怨將以罰鳥爾西者罰之僧侶大恐獻金五百萬佛郎請宥且認顯理爲英國教會之元首以上顯理閏門之事多顯理離婚未決納安波隣之事猶豫五年不能自禁千五百三十三年先竊娶之無幾於味斯閔斯爾使正位法王聞之急命顯理逐之且謂若不用命即處於破門國會乃發至尊條例禁稟事於法王以絕法王之管轄權以顯理爲英國教會之元首拒之者論叛逆罪英國與羅馬八百年之關係始絕以上與法王葛藤英國教權之獨立於是國主教主之權兼於顯理一身指導國會之立法教示寺院之規戒監督通常之法廷並統轄宗教之法廷分別異教正教皆以其判斷大僧長僧長之黜陟亦在其手僧侶不經勅許不得說教無至尊之誓不能得勅許於其所管之教會莫不絕舊法王服新教王矣以上顯理之欲述兩權相聯之大勢請先觀當時之新學問新學問與宗教之關係實非渺小中世紀之教權歸於僧侶故阿

斯福加母補里所立之諸校亦不外此目的既而時世遷移建僧院之風漸衰學校病院等鼎起十四五世紀之間魏庫哈母之維廉莫國之顯理六世設學校予資金在使學者脫棄遺世之舊習學益世忠國之事顯理尤獎勵當時之不行古典尋至顯理七世有科倫布關係非復標準經典之世矣至顯理八世英國學者多來自意大利阿斯福開希臘學問勃興於英國之端家樂脫者少壯僧侶也渠以爲攻希臘文學似與古代文人相接得讀經典之力斯達於真意其友摩爾著有名之樂園記亦希臘古典之熱心家也耶拉斯瑪斯爲科樂脫之友以政治宗教學問之改革爲志所著有神聖地又於希臘語之經典附拉典之譯文而印刷之經典之研究大盛此爲宗教改革之前驅學問以上新顯理獎勵新學問保護此三人或建加母補理之脫尼跌校或助資於奧庫斯佛特之庫來斯脫校雖然守宗教者

之頑固主義。不喜變更。路德爾于五百十七年。於烏墩堡寺門貼彈。教文。新教逐日蔓延。顯理作駁路德爾之文。以黃金標裝一部。致之法王。法王以能衛正教譽之。至今歷代君主仍誦之。可謂甚無謂也。顯理之固守舊教如此。新教之入英國也。最爲所惡。然因加他隣安波。隣間題與法王成仇。終與之絕。以上顯理之宗教英國之反對法王者。決不陷於異教之罪。而議顯理之教權者。反爲叛逆矣。千五百三十年。樂秋斯達之僧。正非諾夏及強西樂爾之摩爾。皆信從法王。不認顯理之教權。被刑。摩爾終身以改革自任。所改革者。羅馬教會之改良。非與之分離也。以上非諾夏刑。摩爾之刑。刑死之報。達羅馬法王下廢黜。顯理之命。顯理亦以滅絕僧院報之。僧院破滅。不始於此。不過較前嚴速耳。先是烏爾西拆許多僧院。以其財創阿斯福學校。顯理無烏爾西可嘉之目的。雖曰僧侶無知。醉狂放蕩。然顯理之敗德已甚。何暇問他人哉。顯理唯垂涎其富。欲奪之而已。於是僧院之小者。皆爲破壞。

其後北方雖有叛亂皆易爲鎮壓國會於小僧院之破滅無異論至其大者稍有躊躇之色顯理召致庶民院中之首領加手於其頭曰明日可使余之旨得達不然恐失此頭明日得達其旨遂滅大僧院收沒財產數百萬抗之者哥拉斯通哈急斯之阿白脫初皆不免於刑今也全國之伽藍極荒涼破壞不堪入目壁崩像頽到處成堆鐘磬皆鑄爲鎗砲圖書悉爲商賈裏物又於家達卑里發黑開脫之墓聲四百年遺體以叛逆之罪處其骨於焚刑且將一切殉物輸之王室王得僧院之貨財多賜其寵臣爲博奕之資此後上議院之席減阿白脫之數王權益加無資力無勞役之窮民益失所寄以上僧院之滅却當此時新教乘勢蔓延於英國往往因談論過激每生反動至有一千五百三十九年六條例之發布此條例出於顯理之意嚴示羅馬教會之教義苟有背之者或斬首或投諸火蓋新教徒以顯理爲教主雖順從其意而教義則全與顯理相反對故不免於罪舊教徒教義

雖與顯理無異。爲其崇羅馬法王爲教主。亦陷於刑辟。顯理之宗教。不過與羅馬教會制度省一法王而已。自地理觀之。英國兩教平分。北方及西半固守舊教。東及南信行新教。以上新舊兩教徒之境遇千五百三十

六年。皇后安波隣以不貞被禁錮。尋處死刑。顯理翌朝納皇后之侍女。然塞爾生子義德瓦。無幾歿。王更求其續。籠臣格朗空勸娶日耳曼之王女。格理維斯次顯理未嘗見其人。因畫工和爾卑印所寫之像。眷其美。聞其來英國。星馳往見之。其醜不可名狀。且不解英國語。王亦不解日耳曼語。大失所望。然事旣如此。無可何如。不得已行婚禮。半年去之。殺格朗空以報怨。蓋格朗空志在用日耳曼新教之援。故歎王也。其年顯理又娶厚亞德。深喜之。始見之日。行祭典謝神。後又知其前有淫行。與安波隣之末路同。千五百四十三年。顯理與巴爾婚。是爲最後皇后也。以上顯理之多婚姻此一代重要之事有三。一。英國雖因王室專權。失政治之自由。而反保社會之秩序。得人民之安寧。二。

由僧院之破滅致三結果(甲)發生依賴王室之新貴族(乙)阿白脫之失議席減少上議院之權勢(丙)貧民增加慘狀三英國全絕法王之關係始建獨立之教會

義德瓦自千五百四十七年至千五百五十三年

顯理八世納許多婦人故其子女亦多顯理豫謀後事定繼承法死後王位先傳於然塞爾所出之義德瓦次傳於加他隣所出之馬利最後傳於安波隣所出之以利沙伯已得國會及國民之協贊千五百四十七年顯理八世死義德瓦六世年九歲即王位以上義德瓦六世之即位義德瓦六世既在幼冲前王臨死爲設十六人之攝政會議以塞摩爾爲首輔佐國務塞摩爾欲獨擅威權背遺詔廢攝政會議一人統攝政治而當時慣於服從之國會亦不敢有異議以上塞摩爾之攝政會議顯理八世之宗教改革非只爲宗教且爲政治理財等事故此時英國之宗教甚曖昧混沌惟言教權之獨立其儀式典禮仍舊當時之狀態新

舊皆非。於是塞摩爾與家達卑里大僧正庫蘭馬欲自此混沌狀態。整頓新教。繪畫祭台等悉除去之。祈禱書廢拉丁語用英語去舊教之潤飾化爲新教之單純。千五百四十九年庫蘭馬編纂共同祈禱書使全體英人用之。至千五百五十二年全以新教之精神編集教令四十二條儀式典禮備詳成英國教會之基礎。以上新教之狀態義德瓦六世之新教政府氣量狹小如其父顯理時之政府然當時全歐皆以寬容爲柔弱。違彼祈禱書所載之形式者皆受迫害甚至有死於火烙之刑者。以上宗教之上之迫害塞摩爾銳意宗教之改革頗博名望然因名望與權力過大則受貴族之嫉忌因斷行宗教改革則招舊教徒之憎怨。彼又大興土木人民皆深恨之。以是故不能使全國教會臻完備之域竟啓貴族陰謀之漸後乃從容就死貴族之首領雖爲哇爾魏庫伯而代塞摩爾執政者爲諾占卑蘭公。以上塞摩爾之死義德瓦即位之前四年已離保母之手隨特庫他爾利庫及約翰的庫修學問隨

安脫的庫克學爲王子之法學業進步。九歲時已斐然成章。能以拉丁語作書寄其父王。性情極溫和可愛。以其年齒論可謂富於才智矣。諾占卑蘭之代塞摩爾亦沿用其新教政策。不敢袒庇舊教徒。故爲幼帝所倚重。義德瓦六世性溫和而好學。如此決非暗君。然無精力。無英斷。頗類其父。是其性質使然。與以上義德瓦六世之性質

馬利自一千五百五十八年至二年六年

馬利繼義德瓦之位固當。及義德瓦將死。諸東北蘭公勸之。使其子得之力之婦。然格來公主嗣位。公主爲顯理七世之後胤。義德瓦六世之遠親也。義德瓦從之。蓋因馬利信舊教。然格來奉新教。立然格來。可全己志也。旣而義德瓦死。諸東北蘭公即以然格來爲英國之女王。然格來明知已之難安。心雖不欲。勢已成矣。不得已而戴王冠。然國民舉歸附。馬利募義兵。圖恢復。然格來遁。馬利入而即位。諸東北蘭公伏誅。然格來夫婦被錮。以上然格即位後之大事。爲婚姻之

問題。馬利親擇配偶。擇西班牙王非立。英人民素知非立以私刑。私欲爲事。且志在擴充舊教。故頗不悅亞脫謀新教之安固。欲使以利沙伯即位作亂。然格來公主之父亦與焉。既而亂平。巨魁盡伏誅。以利沙伯亦被禁錮。未幾。然格來夫婦皆被刑死。以上亞脫之亂。馬利終以千五百五十四年舉行婚禮。此事不第失民心。於馬利亦有所不利。蓋非立之娶馬利也爲政略。馬利之嫁非立也爲其戀愛。非立初無意於馬利。馬利年長非立十一歲成婚後。疏外之。擯斥之。非立雖爲英國女王之夫。無實權。而國會既不許其即位。又不與以世襲心。甚不樂。以上馬利之結婚。馬利憤非立之厭棄已。也不勝無聊。乃出全力以恢復舊教。顯理八世及義德瓦六世所發之令。有關於扶持新教者悉廢止之。併復舊與法王之關係。爲馬利之爪牙。以迫害新教徒者爲奔那、加的納二人。以上馬利與舊教。一千五百五十八年。西班牙方與法國戰。非立來英國求馬利之助。馬利欲得其歡心。遂與法國開戰。此時英國

之領土存於大陸者惟加勒斯而已其地在湖澤之間冬期有歸休
戍兵之例適法兵自水陸來襲八日後降之於是英國二百年所取
之版圖一朝失之國家之大辱女王之慚悔殆無以復加馬利鬱悒
一年而死以上加勒斯之失馬利在位爲舊教反動之一時期新教雖暫沮
反養成他日大興之勢以上

以利沙伯自一千五百五十六年至一千五百三十八年

以利沙伯亦爲顯理八世之女母安波隣也馬利死時彼在倫敦近
處哈脫非特學希臘拉丁之文得馬利之訃大呼曰是神助吾人之
福利也越五日入倫敦登王位英民苦馬利之暴虐而日沈於憂鬱
中者歡呼迎之女王以入倫敦之日大開獄門悉解爲宗教禁錮者
故更使國民悅服以上以利沙伯之即位女王雖得民望其地位未爲萬全何
也蘇格蘭之斯丟亞爾的時爲法之王妃以己爲顯理八世之胤有
爲英王之權利其排以利沙伯曰以利沙伯爲安波隣所生顯理與

安波隣之婚姻法王未嘗允許以利沙伯本爲私生兒不當在王位
蓋斯丟亞爾的次於以利沙伯有繼承王位之權閱左之系圖可知
圖中大線示直接繼承之順序者也。

馬利(婚查爾斯)法蘭西斯(婚顯理)然格來(婚得的力)

馬加勒、惹迷斯五世(蘇格蘭王)馬利(蘇格蘭之女王)惹迷斯六世(蘇格蘭王後英王惹迷斯一世)

顯理七世

義德瓦六世

顯理八世——以利沙伯

亞塔爾——斯丟亞爾的

法國與羅馬法王皆袒斯丟亞爾的西班牙非立二世祖以利沙伯
非立之祖於以利沙伯者有他日與之結婚加英國於其版圖之心
也當是之時蘇格蘭有獨立之形勢難期其援愛耳蘭爲叛徒巢窟
苟有爭王之位者皆得與之連合以上女王境遇之艱難更有較此奇險者英
人宗教之異同也北方豪族固執舊教望復法王之權力東南諸鄰

市之人民望如義德瓦六世之時組織新教此二大宗派之外復有兩派數雖不多皆欲爭勝一云解修脫一云彪力單解修脫爲舊教中之新派爲支持羅馬教會撲滅異已其會員國中無不入之地苟可達其目的雖事處萬難亦所不辭彪力單爲新教之一種其意在一掃舊教之痕跡此輩狹隘頑硬無忌憚在蘇格蘭已獨擅政權在倫敦亦稍有盤固之勢至女王爲英國教會之長不僅不敢拒之反望政府强行信教之規則雖女王與比西約補等所保持之教會制度典禮亦痛加排斥以上宗之黨派教女王之政畧則取折衷主義爲撫慰舊教徒留馬利之舊臣十一人又有西錫爾卑孔奧興革哈及其他奉新教者西錫爾任命之時女王勅之曰朕深信卿不爲賄賂所誤宜爲國家努力勿徇朕之私情卿以爲可即剴切上言西錫爾仕四十年臨卒之時女王猶從其言以此觀之實權所在即謂爲至尊亦無不可以上輔弼之選擇以利沙伯將行即位比西約補守舊教不欲爲新

王行宗教之議。比西約補之條陳。願以利沙伯宣誓從古例。其宣誓中有義德瓦保存之宗教。宜仍加保存一語。以此以利沙伯亦有扶持羅馬教會之責任矣。以一千五百五十八年一月十五日行即位之禮。以上初馬利廢顯理八世及義德瓦六世關於宗教之法律復用拉丁文之祈禱書。諸事遵古及以利沙伯即位亦廢馬利關於宗教之法律。先定英文之祈禱書。命一切僧侶必用此本犯者禁獄之定期及諸祭日。有不來國教教會者罰金。當時無不以政府與教會爲不可離者。即最喜新教之日耳曼政教尙無分判。况他國哉。以是故不奉官立之教規者爲叛政府。以利沙伯爲研問此等叛徒設特別法庭。謂之高等法院。以臣事於羅馬法王之故。誅戮舊教徒及解修脫三百人。彪力單以煽亂處死。禁獄放逐者亦不少。以上新教女王即位之報達於羅馬也。法王宣言曰。以利沙伯爲私生兒應脫王冠。以從我之指揮。英國至此惟有戰耳。蓋英民雖多悅祖先所守之舊。

教者今皆奮起而擁護女王國會復發至尊條例以定國是議員皆署名焉舊教徒盡失議員之資格以上至尊條例半年後國教之教義已定修正義德瓦六世所發之條例編爲三十九條即今日所用者也歷史所以重宗教改革者非惟關於兩宗派之更替理化之精神與自由之思想皆油然而生也以利沙伯於宗教無深遠之慮意向固在新教至舊教之禮法往往終身奉行之即磔架之像置之內廷之禮拜堂具燈燭跪其前禱祀聖母毫無異於馬利以上三十九條以利沙伯於宗教持兩端可謂代表其國民者國民依違彷徨於新舊之間而無定向雖有確乎不拔一意死守者而其數極少大抵皆與補勒之僧長同也副僧長者已歷顯理義德瓦馬利以利沙伯四朝君主每副僧長足矣國民無定見如此雖道義無所取而英國所以免厄者亦在此也苟不然安知英國不致宗教之爭兩黨交攻極流血大勒

之慘狀如法蘭西國內四分五裂失其統一如日耳曼意大利學問崩壞智識昏闇如西班牙哉以上國民於宗教之向背

之宗教何也形跡疑似爲當時不易測其真意也即位之初國會以爲國家之禍福繫於王之夫何如於是先請女王選配偶女王拒之頗有終身獨處之志國會固請女王以模棱之辭答之是蓋有難處者在也女王慕新教徒之里謝斯達伯恐與之結婚受歐州舊教強國之憎若與舊教徒婚又憂國中之新教徒離叛故女王不從不拒操持兩端西班牙非立二世屢求婚於以利沙伯持久不答西班牙使者報於王曰事不諧矣英國女王左右萬覽深不可測其後法國王顯理二世之子安茹公求婚女王有意諾之而國民以安茹爲舊教徒不欲君事之多方毀之使不成新教徒中法律家之斯達補斯發過激之論痛爲斥絕因而得罪斷其右手尙以左手執帽揮之曰百神在其救我女王以利沙伯英國國民雖反對於女王苟關於

國家休戚之時皆樂奉從國民之統一可期矣。以上女王配以利沙伯時代弑殺之隱謀顛覆新教之異圖相繼而起殆無休時其中最可懼者蘇格蘭之女王馬利之舉也。馬利統系次於以利沙伯有登英國王位之資格幼時許字於顯理之子義德瓦因義法瓦遵舊教離婚嫁於法國之特福印特福印卽位後稱法蘭西斯二世法蘭西斯二世於以沙利伯卽位之先卒馬利歸蘇格蘭爲女王今揚言有即英國王位之權利馬利與波體瓦伯謀殺其再婚之夫大尼理又嫁於波體瓦以此蘇格蘭迫馬利讓位於其幼子惹迷斯六世幽之於牢時千六百五十八年也馬利在牢九月逃出奔英國求於以利沙伯曰願得赴法國之護照不然借余軍隊以備復位之需以利沙伯不獨不容其請下令拘留之尋又禁錮之是已知馬利終不利於已也當此時新教危急無處不然法國王用小人之言於巴托羅謬日殺新教徒數千法王贊成此舉使鑄紀念金牌於奈札朗特仇舊

教之薩意倫脫爲解修脫刺殺就英國言之內外舊教徒皆欲擁馬利以代以利沙伯如此隱謀隨敗隨起禍將不可測法王巴意阿斯五世下廢以利沙伯之令解修脫陸續入英國煽動舊教使之作亂西班牙之公使閔特札以有關係於凶徒被逐於英國旣而巴平敦之隱謀發覺巴平敦欲刺以利沙伯以立馬利者也於是利沙伯加意自防其命與位千五百八十七年自貴族中遴選委員議及馬利決其有罪定爲死刑以利沙伯亦批准其宣告書馬利幽囚十九年戮於佛薩靈哥城以利沙伯知歐州諸國聞馬利之死必不能諒口無辭用平生欺人之伎倆譴責勸殺之宰相又下書記官達魏特遜於獄且課罰金萬磅猶以爲未足私贈書於馬利之子惹迷斯六世辯馬利之見殺非已之過以上馬利覬覦王位馬利之死爲英國招危之由彼無敵艦隊之侵英國實爲馬利之遺志先是馬利臨終讓爲英王之權利於西班牙王非立二世非立當時於歐州最有權勢版圖不

讓羅馬帝國東西兩世界之富源浩浩不絕方爲天下之長雄今非立欲征服英國併其土地恢復舊教編成無敵艦隊此艦隊可載二萬人西班牙兵三萬在奈札朗特爲援隊以上西班牙之無敵艦隊英將德勒克擬先挫非立之鋒銷其銳氣率三十舟駐西班牙之海岸或妨其貿易或襲其堡塞偵知敵艦多在加的士港進入港內擊破敵艦百餘艘覆其輜重故非立延數月乃克大舉千五百八十八年五月一日無敵艦隊自達家斯解纜舳艤相衝奔向英國遇風濤停泊於哥拉那修補完整七月下旬達英之海岸計戰艦百五十艘巨炮二千五百門馬的奈土公統之英國此時不問新教徒舊教徒舉起敵愾禦侮之精神兵一萬六千從雷塞斯德伯黎於達迷斯河畔之庇爾伯里以防守倫敦女王以利沙伯行觀兵之儀勅之曰朕雖爲纖弱婦人有爲帝王之精神且有爲英王之精神以上德勒克之襲擊及英國之準備英國兵船屯於伯蘭麥伺敵之動靜其司法長爲后亞忒特副長爲德勒克

敵艦爲半月形。次第逼近海岸。其兩端之距離亘七英里。英以輕舸敵之。敵艦巨大。進退不能自如。或爲破壞。或爲捕獲。一戰而敗。西班牙之水師提督奔於加勒斯。修整廢船。謀再舉。英水軍追之。及夜。敵船停。依德勒克之計。放火船八艘。敵艦恐遭焚滅。斷碇鎖而逃。倉卒之間。無暇定方向。北行爲英艦追擊。英軍糧食彈薬罄盡。不得再追。西班牙之艦隊。欲回蘇格蘭而歸故國。遇颶風。被衝突於岩石屹立之海岸。破碎沈沒。五英里之間。數千浮屍。蕩漾水面。幸而免死者。又爲沿岸人民所擊殺。得歸國者。不過三分之一。非立之壯心減矣。以利沙伯·幸森。脫白爾·寺開法會。謝神佑。以上無敵艦隊之大敗。愛耳蘭顯理二世以來。常極慘狀。其一爲土族酋長。互爭長雄。直無寧日。其二爲英國。强行新教。其三爲行政之失體。官吏之貪婪。故自西班牙來寇。數年之間。國中亂民蜂起。英國討之。頗肆暴虐。強壯有爲之民。多死於兵。所遺者。皆迫於饑寒。不能自拯。遂服英國。以利沙伯語人曰。若剝。

討再久恐愛國所餘唯焦土死屍矣其慘狀可想見也以蘭之征討以

利沙伯以千六百三年歿其爲人妖媚好諛內行亦不甚修雷塞斯德伯厄塞拉勒等皆蒙寵幸宮廷之內不可詳道又感情極富愛憎無常時撻侍女廷臣蓋以利沙伯時之爲君主率以譖詐權術爲得策其伎倆尤爲出衆雖其親任之大臣亦難保不爲所欺其外交術苟可達其目的絕不厭於用詐至於詐術不濟轉環之際胸中亦似有成算且善辨時勢能察輿論而從之一見知人能招致使爲已用故英國之君主中如以利沙伯之體輿望受稱贊者未曾有也當時作文辭者或贊其姿容或譽其智識或頌其敏慧日不絕口讀斯賓塞謝庫斯比等所著之書可知其概矣以上以利沙伯之崩及其性行以利沙伯之世可謂歐洲全盛時代天下事物盡爲活潑世界未見未聞之大陸發見於西方摩爾所著之樂園記美洲發見後寫出社會理想謂人平等同權無貴賤貧富行純然之自由無論何人皆得幸福是豫

想將來之黃金時代也。此書原拉典文，今譯爲英文，其時恰當以利沙伯之世也。以利沙伯之世，以探險鳴，以文詩鳴，以華美鳴，以財源之增益鳴，故可謂投其期會者。西顧太西洋，無論何人，皆生無限之壯氣，皆自油脫之虛想而歸實際。福樂里達之不老泉，補拉季爾之銀鑛，哇季尼亞之寶石，人人所驟聞罕見，故舉世皆抱暴富之念。況英國實社會變遷之著者乎？從來貴族第宅，以木石築堡塞，只圖牢固。至此世漸泰平，無封建之爭，不復用其防衛，故一變而爲壯麗幽雅。平民富人代蒲席以絨氈，代空壁以垂帳，代木器以銀皿，諸事皆歸便用焉。且其時人懷疆壯，不以冒險爲辭。初，拉勒拓殖民地於哇季尼亞，功不成，自言曰：余此生必見英國人成立於此地。後終如其言。弗羅比舌及格凌爾得航，太平洋於福朗西斯港過冬，逐一周期。倫敦之商，遂得創印度會社。英國於亞細亞得領土，實冒險所致。也又能使學術勃興，斯賓塞、庫斯畢、約翰遜等文學冠天下。尼科勒

斯之子倍根立智識爲力之言學界又爲一變。以上以利沙伯時代以利沙伯晚年在於憂鬱之中。蓋自其嬖臣厄塞被刑以來感歎無聊。其他寵臣等死亡殆盡。人民之尊親亦不如前時。國中逆謀不絕。當時日耳曼人痕的那爾游英國。言其目覩以大逆之罪梟首於倫敦橋上者三百餘人。以利沙伯自知將死。身日衰弱。終朝呻吟於室內。自語曰。嗚呼。朕已死。惟未葬耳。又謂侍臣曰。朕倦於位。且倦於生。未幾而崩。以上以利沙伯之死因以利沙伯時代皆大有關係之事。其最大之政治爲峻拒宗教之迫害。最大之功蹟爲大敗無敵艦隊之侵陵。不獨英國之新教安固。歐洲之新教國亦皆生氣躍然矣。以上綱要

第九章

斯毛亞爾的王統自千六百三年至一千七百十四年一百十一年

惹迷斯一世 查爾斯一世 共和時代 補樂跌
庫脫爾時代 查爾斯二世 維廉及馬利 安

惹迷斯一世 自一千六百二十三年至二千六百二十五年 二十二年

惹迷斯爲蘇格蘭女王馬利之子。顯理八世之妹馬加勒之孫。踐蘇蘭王位。稱惹迷斯六世。以利沙伯死。英國國會迎立之。稱惹迷斯一世。斯丟亞爾的王統。始於此。自是英蘇兩國一君爲連合王國。其國會宗教法律各異。今就宗教觀之。惹迷斯所臨之三國宗教無一同者。比斯油里行於蘇格蘭。羅馬尼茲行於愛耳蘭。耶比斯科行於倫敦。以上惹迷斯之統系及即位 惹迷斯之父爲大尼理。母爲馬利。兩人品性皆卑。惹迷斯之未生也。馬利之書記官里壞大尼理殺於馬利之目前。馬利恐怖激動其精神。故受懦怯之性質。一生抱恐怖之念。慮被弑殺。常着厚絮衣以處。爲人狡黠。好自負。先受蘇國學士補家楠之教育。博蓄學問。而不能消化。然自以爲學問蓋世矣。故法蘭西學者譏以最有學問之愚人。有關於王術。關於神學之論議。又有論烟草害弊之文。以上惹迷斯之性質 以利沙伯末年。英國彪力單宗徒頓爲增加。蓋以宗

教改革爲未足恨英國所立教會種種禮儀不脫舊教積習期盡爲洗刷以教員會所選舉之長老代勅選之僧長改正教會制度惹迷斯自蘇格蘭來英牧師千人呈其連名之條陳於途中其要有三一說教時不着白衣二小兒行洗禮不印十字形於其額三婚禮不用指環是也以上條陳惹迷斯爲決此條陳之可否於倫敦近傍寒敦開議會其意在藉以眩已之博學條陳之不許不卜可知蓋惹迷斯在蘇格蘭時旣厭彪力單疏暴且更有惡彪力單之源因其意以爲彼等宗教同權主義勢必駟至國家同權彼等今排斥僧長制度安知他日不排斥國王政治耶故其平生之言曰無僧長則無國王謂存廢必與俱也王素志如此以是寒敦會議殆無討論之自由此會議之好結果唯王命巴意補爾之改譯一事所譯之書自千六百十一年刊行以來至於今日凡用英語之新教國不問教會平民悉以此爲準惹迷斯終下其條陳者十人於獄閉此會議其罪案在開叛亂之

端云。天王之主義。自王發之。王曰。朕必使彼從朕之所信。有不從者。必竄逐國外。以上寒。敷會議。惹迷斯之失民望者。雖不一端。其最大者。在唱帝王神權說。帝王神權說者。謂王者統治之權。乃受之於神者。非取之於民者。此種理論。乃英國憲法中所未曾有。惹迷斯又曰。議神之所爲者。爲瀆神。議王之所爲者。爲大不敬。若忘已之得王位。爲國會所允許也者。而妄自尊大如此。惹迷斯復侵下議院之特權。拒絕所選舉之議員。議己者處刑。故其在位之間。與國會之爭。達於極點。以上帝王神權說。下議院憤王之專橫。且議員多爲彪力單徒。疑王之抑壓。下議院爲庇舊教。故對於舊教之法律。益嚴酷。惹迷斯亦避庇蔭舊教之嫌。課重稅於舊教徒。放逐其僧侶於國外。夫彼雖舊教徒。亦國民也。亦王臣也。當西班牙來寇之時。勤王之偉業。報國之忠誠。亦不讓。新教徒受此抑制。遂不能忍。羅伯克的斯畢與縛格斯以下十二人。於國王開議會之日。欲用火薬轟破下議院。顛覆朝政。復立新王。

而事前發覺處死全•國•舊•教•徒•益•蒙•苛•虐•之•隱•謀•火•藥•千•六•百•七•年•倫

敦市之商人所成之倫敦集股會社拓殖民地於哇爾季尼是爲殖民於美國之始以王名名其地曰惹迷斯敦其宗教爲耶比斯科計畫出自金斯米斯其堅忍不拔之志意剛邁不屈之氣象使移民之事業免蹈拉勒之覆轍矣既而賣買黑奴培植烟草賴黑奴之力輸出之額日增人口益加貨財愈富十二年之後得自定法律之權實爲自治政治矣哇季尼亞殖民一年之後他之移徙者結大團而出英國此等非求榮華之目的乃求宗教自由也惹迷斯有不使國民盡奉國教則放逐之於國外一言至此不從國教者或課罰金或受鞭撻或投於獄然彪力單徒不惟不易所守志反益固以爲基督教徒有各擇所信之權彪力單徒中有如此思想者或稱獨立派或稱分離派補劉斯達補拉脫佛特家爾哇諸士於諾典哥哈之小村斯庫爾比立獨立派之教會以樂宥遜爲會長是爲此種教會之嚆矢

既而彼思身居英國必難免禍欲去而赴他國是時往美國須得勅許故皆赴和蘭和蘭宗教自由最著之國也辛苦萬狀乃克達焉留十二年中有一部苦求惹迷斯王許可美國之航渡千六百二十年由故國往新世界是所謂比庫里母至瑪薩秋塞同至補來瑪斯開殖民地之時也創人人平等之社會越十年薩福佛庫之富人哥樂頓率同志還薩勒母及包士敦數日之後英人二萬餘接踵而至以上美地國殖當此時惹迷斯亦計畫殖民於愛耳蘭先是利沙伯之世叛亂所作之阿爾斯達歸英王所領惹迷斯將英蘇兩國流民遣赴此地倫敦市亦設倫敦鉄里殖民地由是新教得根據於愛耳蘭之北土以上愛耳蘭之殖民英國之下議院漸漸活潑將恢復都鐸爾時代所失之權勢蓋惹迷斯財政竭蹶求助於國會國會決議非改革秕政不相佐助且言君主不除國民之害不能求國民之財於是惹迷斯愁愛耳蘭軍隊無餉設巴樂奈脫爵又設埃脫福特爵鸞之人民以爲

財源之上下議院 千六百二十一年倍根卿爲法官受賄賂下議院彈劾之上議院決其有罪課罰金四萬鎊併禁錮之後以王之特典禁錮數日得免以上倍根卿之彈劾拉勒以某叛之冤獄繫居數年惹迷斯忽釋之遣往美國求金然拉勒於南美海岸與西班牙人生隙不得全使命當無敵艦隊來襲時拉勒擊之甚力後又屢侵西班牙之商船掠貨財故西班牙人憎之殊深肆謠謗於英政府惹迷斯求其罪不得乃以十五年前之宣告書刑之惹迷斯所以棄拉勒者王久欲西班牙王之女與其太子查爾斯結婚恐失西班牙之歡心故處拉勒於刑以上刑之處拉勒惹迷斯一世時代之重事第一下議院勢力之增加第二彪力單及獨立教派之興起第三於哇季尼亞及新英哥蘭創立殖民之策以上綱要

查爾斯一世自一千六百二十九年至一千六百四十九年二十四年

惹迷斯一世所唱之帝王神權至查爾斯之世其禍乃顯初查爾斯

稱爲君子。私行私交。無可議者。然於政治則大異。以爲君主者可不重誠實德義也。其待國民也。以謗詐爲事。不從民意。又謂君主不得與民臣以權利。此爲查爾斯一世之大蔽。以上查爾斯之性行即位未久即有兩失。其一爲留其父之嬖臣伯金恆公。公失民望而重用之。以背輿情也。其二爲與法國公主以大馬利亞結婚。公主爲舊教之信徒。英人所厭惡者也。又習於奢華。遂爲查爾斯之累。不獨宗教之不幸也。查爾斯以王妃之浩費。及與西班牙開戰之資。求助於國會。國會曰。王非盡祓除弊政。不應命。王乃直命之解散。以上查爾斯失錯之始 王益窮於財。非求國會無策。不得已再召集之。國會以略的等爲首領。彈劾伯金恆公之失政。王不欲加罪。復下解散之令。以撓之。於是供給之途絕。遂課不法之租稅。强借民財以補之。方此時。前代議士夏耶亞之寒敦。拒借金於王。王下之獄。物議沸騰。不平益甚。查爾斯迫於大勢。復開國會。此時所選出之議員。以哈母補典爲首。其黨與最多。以上

國第^二次新國會即呈權利條陳於查爾斯名雖條陳其實爲法律逸大憲章之精髓者也其略曰不經國會協贊不得課租稅兵士海員不得人民承諾不得恣宿於其家平時不得以軍律處人不據國法不得逮捕監禁人民以上權利條陳查爾斯因求國會之供給遂強與批准雖然固無意於實行也又復以利沙伯所廢之專賣制足徵其蔑視人民之權利矣爾來十一年之間查爾斯不開國會擅行政事先是伯金恆公被刺溫幹代相助君爲惡自逞威福千六百四十年斯德拉福伯被叙伯嚮在民黨中得錚錚之名爲權利條陳署名之一人忽變節易操阿附國王力求專制政治之樹立其所爲利器者爲星院增長樂特亦立高等法院與伯相應於是政治宗教皆極暴虐人民不堪其誅戮矣蓋星院凡拒王之要求者或課罰金或下禁獄爲聚斂之媒高等法院刑罰不歸英國國教者爲迫脅之用以上查爾斯之專政以略的憂王之虐政創議抗拒提出於下議院議長遵守王命不敢

決定會將停議員數人進而拘之於其坐。迫使此議宣言曰苟不經國會議決稅民與納稅者及改革宗教者皆爲國讐。王怒禁以略的於獄三年死。以上以略的抗議案王有意養常備兵爲其爪牙。遂以所需之金課於全國。爲室必末尼^(船稅之義)以嚴國防。以備阿爾解林海賊爲口實。蓋前代海岸都市亦有此種賦課。原其目的在備船舶。以爲國防。在戰時不可謂不當。然於平時行之。決非正理。况權利條陳明言不經國會承諾。一錢不得徵收耶。於是寒敦復拒之。不肯納稅。下之法廷判事者皆迎君主之意。抑寒敦。寒敦於是頗得人望。王益爲國民之怨府矣。當此時彪力單徒之逃於美國者陸續接踵。寒敦亦謂英國非安全之地。遂決意渡美。至達迷斯河。既登舟。王下令禁其西行。以上室必末尼千六百三十七年。王強蘇格蘭之彪力單用英國國會所用之祈禱書。皆激昂反抗之。壹丁堡市跌印之披其書也。衆大叫曰。法王。法王。基督教之敵。僧長等鎮之。而益喧囂。旣而蘇格蘭人抵。

抗宗教變更之意有所約此約稱家魏楠脫達之者稱家魏達王迫脅家魏楠脫使從已意欲廣集軍隊而窮於財千六百四十年復召集國會此國會直至十三年故得長國會之名以上蘇格蘭教會之紛擾長國會有三派曰國教黨曰不勒斯比德黨曰獨立黨是也國會既開先彈劾斯德拉福伯專橫壓制之罪宣告死刑尋彈劾樂特顛覆新教之罪而囚禁之不久即誅之次廢止星院及高等法院抗議之書須布其謄本於全國此抗議乃歷舉王之秕政宣言其政略不可信者也最後定長國會不自行解散決不解散以上長國會彈劾王妃合應教徒及愛耳蘭人將破壞國民之自由王聞風震怒擬反對黨之首領寒敦必米等五人以叛逆之罪逮捕之求下議院代爲拘留下議院不奉命王從王妃之言將以兵力捕縛之親幸議院留兵士戶外自入議場搜索之先是五人稔知其事是日未來潛匿於市中王不能獲顧謂議長曰五議員何在議長恭對曰臣不得議院許可不敢

答願陛下勿問於是查爾斯憤然而去時特權之聲徹於議場^{以五議員}遠捕查爾斯恨不能忍欲與下議院從事糾合軍隊以千六百四十^二年去倫敦國會亦議預備是時英國不設常備兵惟各郡通都大邑有民兵之制而已兵皆市民時時演習監督之權舊在王室今國會擬移監督之權於國會照會於查爾斯查爾斯以此爲憲法世襲之特權拒之遂舉兵於諾典哥哈^{以上內亂}是歲之秋兩軍戰於夏耶亞之愛智赫王軍勝貴族僧侶及地方之豪族多在王軍以其長於騎馬得家哇阿里阿爾之名查爾斯之從弟路巴爾脫爲將國會軍皆商農細民以頭顱之圓得拉溫特黑特之名統帥之者初爲肥法斯後爲格朗空^{爾及拉溫特黑特}當是時英國之東部祖國會西部祖王兩黨皆艱於軍資王軍王妃賣其冠玉貴族鬻其銀皿以供兵士之費國會軍始謀酒稅且命各戶七日斷食一次以一食之金充戰費既而國會發自忍條例使文武之在職者盡行引退意在易不勝

此乃倣
二十一年

任之將帥而得才能稱職之人也。戰爭既起，各地報紙日夥。
前惹迷斯之世，兩黨皆以之爲機關，互相攻擊。雜誌亦蔓延於全國，所行之週報者。
 關於宗教及政治之議論，無不備具。然詞氣頗形激烈。
以上英國之分裂，先是
 格朗空見愛智赫之戰，王黨獲勝。謂哈母補典曰：賣酒歸羊之夫，終不能敵。習事知兵之人，乃組織愛倫塞士人軍隊。自忍條例發布以後，又同肥法斯編科非阿新兵是等多獨立黨之人。格朗空肥法斯二人統之。將官皆以格朗空之近親任之。實可謂倔強軍隊。既而國會誘蘇格蘭人使爲己援。蘇格蘭人要求國會贊成家魏楠脫之教義。以其國之宗派不勒斯比德爲英愛兩國之國教。國會諾之。遂締約同盟。千六百四十四年，格朗空以輕兵得大勝於母阿之野。翌年於奈斯比又大破王軍於戰場。得查爾斯遺書。內有請外國兵攻國中敵軍之意。國民知之，益欲甘心於查爾斯。
以上科非阿查爾斯敗走蘇格蘭。蘇格蘭人遵約捕之，致之於國會。國會置之於諸隱薩母補。

之哈母斯·格朗空等爲善後諫諍不聽又遷之寒敦往復辯論冀王
回心以安時局然王卒變詐無定千六百四十八年王潛逃於維的
島之家里斯補城與蘇格蘭人密約曰如出軍英國復余位必以不
勒斯比德教爲英國之國教蘇格蘭人許之直搗英國英國之王黨
到處起而應之國會軍隊皆望勝戰而問國王之罪然此事上下議
院及補里斯比典安黨皆以爲不可大佐補拉意特濫入議會遂反
對軍隊意見之議員當時格朗空雖不與此事事後頗贊其舉國會
所留者唯獨立派其數不出六十人稱之曰拉母補國會拉母補者
脊髓之尾也謂此爲長國會之餘派也以上查爾斯之路未拉母補國會爲審
查爾斯之罪構成高等法廷此法廷由國會百三十五名之議員而
成不勒燥爲裁判長太子查爾斯客法國多方以救其父之生命寄
書於判事曰若吾父得免罪諸君所上之條陳余悉從之然高等法
廷終無一言覆答千六百四十九年一月二十日致查爾斯於法廷

判事訊問。七日後判事爲死刑之宣告。其罪名在暴虐賣國爲一國公敵也。王遂刎於和爾王宮之前。以上查爾斯之死刑。查爾斯一世時代可謂以君臣之爭相終始者都鐸爾王統及惹迷斯一世。王權漸長備極專橫宗教之改革彪力單之得勢而自由自主之思想頓爲勃興。是知宗教之自由自主常需之政治也。王權民權兩途並進。上下相迫衝突所不能免也。若使查爾斯善察時勢之變騷亂既起。忍辱輸誠不向敵食言。不施詐術。全其終可也。唯以狡黠變詐爲事。遂至身首異處。禍非自招哉。夫查爾斯之死雖未絕神權之跡而已。大爲挫折不復能燃其於歷史之關係。決非淺鮮矣。以上網要

共和時代自一千六百四十九年至一千六百六十年十一月。

下議院于六百四十九年一月三十日午後發新條例云。無論何人皆不得爲英蘇兩國王。兩月後又廢上議院。謂其無益而有害於是英國全爲共和政體。設國務委員以統大政。不勒燥爲長詩人米爾。

頓爲外務卿肥法斯格朗空二人爲軍隊之都督新政府之實權在軍隊軍隊之實權在格朗空_{無格朗空共和政府亦不得樹立}議員及一切武官奉共和政體誓不渝志禁絕國教諸禮典毀倫敦所建查爾斯之像又破壞古來之國璽而新造之刻文曰天惠人民恢復自由之初年云云無幾肥法斯辭職格朗空獨握軍隊之全權格朗空雖爲新政府所依恃亦頗有困難之狀何也當時王黨頗得人民之同情勢力稍振且不勒斯比德宗徒惡拉母補國會及軍隊格朗空政府中亦有過激之徒或主張政治同權或主張財產平分皆有不欲戴基督教外之人爲主治者擬殺格朗空格朗空於此等人毫無寬假嚴處置之始得無事以上共和政王黨據愛耳蘭奉先王之太子查爾斯爲王舉恢復之兵格朗空受出征之命發其所帥之獨立軍隊精銳無比所向無敵王黨土崩瓦解立爲鎮定方此時於蘇格蘭一部有勢力者亦戴查爾斯爲王剛毅不拔之芒脫樂斯等興勤

王之兵千六百五十年。查爾斯來國執家魏楠脫之誓。然其兵數甚少。與格朗空戰於敦巴蘇。軍敗績。十二月後再舉列陣於溫折斯德。又爲格朗空大敗。查爾斯逃於修樂補夏。遂奔於海外。以上愛蘇溫兩國之亂。溫折斯德戰後。格朗空將解散現在之國會。招集同心國會。會中王黨竊疑格朗空有竊位心。不肯解散。格朗空招集四百人。議開新國會。王黨附之條項曰。現在之議員皆在職如故。且有拒新議員之權。格朗空知國會之意。在維持彼等權勢於無窮。有不平之色。然國會之領袖嘗爲瑪薩秋塞。知事之哈里溫。恐英國大權歸於武人。極力贊成所附之條項。將決議格朗空來國會。留其從兵於戶外。入議場須臾。忽起立責國會之無道失職。議員等抗辯。格朗空大怒。呼曰。爾等非國會爾。等非國會。乃命兵士拘議長驅議員於場外。每議員過其前。格朗空目送之。罵曰。肉食之徒。議員盡去鎖議場之門。袖其鍵而去。其夜王黨之滑稽者。大書於戶上。曰。出貨之屋。以上格朗空解散國會

空與同志組織新國會。其議員不過百三十九名。故有小國會之名。王黨嘲之曰。卑亞崩國會。卑亞崩者骨立可憐之意。以新國會議員名此者故以此名之。中有倫敦華商可觀者是時國務委員所制定之憲法。謂爲政府之方略。舉其大要。第一政府託之補樂鐵庫特爾及國務委員。終身任職。第二國會每三年召集一次。非經五月不得解散。第三維持常備兵三萬。第四一切租稅。國會賦課之。第五改選舉之法。舊議員不再選。使大都會得選舉權。第六舊教徒及與於愛蘭之叛亂者。奪其選舉權。監督共和政體者先爲下議院。至此歸於格朗空及軍隊。故其名雖爲共和政治。其實無異於專制。其後數年。國務委員制定第二憲法。名之曰謙遜條陳。不過修補政府之方略而已。其大目的在奉王冠於格朗空。格朗空雖有意受之。知軍隊不與。遂辭之。既而又欲復上議院。不遂志而止。以上格朗空爲統領昔在斯丟亞爾的諸王之世。彪力單苦於虐政。有

避於瑪薩秋塞及新英倫諸地者至共和時代則反之衆王黨相率亡命於哇季尼亞其中有約翰盛頓者（華盛頓之父）解法路遜巴脫里庫朗脫福斯諸名傑之祖先也。以上王黨之移居格朗空亦漸受新國會之非議格朗空爾直解散之欲防備王黨分全國爲十二軍區每區置鎮將使以軍律行政鎮將皆專制武斷重稅王黨之遺族放逐舊教又出令不得政府允許不得刊行書籍及報紙格朗空政治雖嚴酷而其意決不以壓虐爲事欲保守平和不得已出此耳格朗空不獨保護英國且保護歐洲之新教徒當新教徒受脅迫時格朗空之威名權勢能救之使得全也。以上格朗空之政治格朗空之於宗教不似他人之狡佞固陋苟不直爲政府之敵者不問其教義如何任其自由諸教徒所仇視之庫耶家亦宥之遺傳教師於瑪薩秋塞許數百年前逐出之猶太人復歸英國即此可見一斑矣。以上格朗空之包容格朗空之武斷政治揚英國之威制勝於海陸之戰大統領之名重於內外當是

時世界商權在和蘭人之手。安特堤府爲貿易之中心。倫敦尙不得與之比肩。千六百五十一年，格朗空爲振作英國商務，發布航海法。無英國本土與殖民地之別，輸出輸入禁用和蘭船。其後因互市生葛藤，及庇護王黨之事，兩開戰端。格朗空編英國未曾有之艦隊，使不勒格帥之，破和蘭海軍，屈服之。尋與德國同盟，戰西班牙，又大得利。略西班牙之加瑪，意家又受法國丹家庫之地。法之贈丹家庫於英者，報其援己之德也。以上海陸之戰勝 格朗空以補樂跌庫脫爾之名，握國王之實權者五年，終以千六百五十八年九月三日死。其晚年懼刺客常着戎裝，顧格朗空非篡奪者，非暴虐之主。其平生以英國之幸福爲念，所以然者，皆出於時世所必需也。故論格朗空者，不得不略其形跡，而觀其精神。以上格朗空之死 格朗空之初志，在達代表國民之意，建完全之政府。望上議院之復設，法律之改正，對於新教全體，與以宗教之自由。然處事倔強，爲敵者亦不少。終至行專政，得平和，然

其專政不可與查爾斯一世同日語也。查爾斯念私利行專政。格朗空爲國家人民行專政。

綱要

力查格朗空

自一千六百五十九年九月三日至二千六百五十九年四月廿二日

格朗空之子力查格朗空繼其父爲大統領。性質柔順。大異其父。非處亂世之器。是以軍家之首領等迫其辭職。直召集拉母補國會。力查格朗空在職僅八月。以空之上力查格朗空之爲大統領辭職後。無一定之政府。舉國紛擾。無所底止。當是時蘇格蘭屯兵之都督猛格。徐進倫敦。國民冀猛格來得回復秩序。猛格無關於時事之言。其意在王政復古。與在補達爾之查爾斯每往復書信。其來倫敦也。拉母補國會已開會。猛格復二十年前逐出國會之不勒斯比德宗徒於議席。使此國會更發召集假國會之令狀。國會自議決解散。長國會告終。其間經二年至一千六百六十年四月廿五日。假國會始開。一月之後。自和蘭迎查爾斯。王政復古。以上國會假力查格朗空之政府有

名無實統國家者爲軍隊及拉母補國會二者皆非代表國民者以上要綱

查爾斯二世自一千六百六十年至廿五年

查爾斯之即位可謂得時何也其時國民悲斯丟亞爾的家之專政忌軍人跋扈故無論在朝在野除軍隊之外皆歡迎查爾斯共和政府頓爲消滅以是查爾斯之在位不自踐位之日起起於十二年前查爾斯一世刑死之日也旣而遣散共和政府之兵別置親兵五千人是爲常備軍之萌芽以上查爾斯之即位以查爾斯比格朗空事每相反查爾斯無愛國之念無盡職之心不信臣民不重婦人蓋其落魄海外十二年窮爲乞丐驟登王位唯以快樂爲主彼亦謂旣爲國王知行快樂已足矣以上查爾斯之性行侍王左右之小人最得寵者樂棄斯達伯及夏福卑里卿也試就政治觀之初格位倫敦伯爲大宰相後家巴爾內閣當之家巴爾者以組織之人名第一字讀時爲家巴爾以上

王之寵臣及家巴爾查爾斯初開國會第一爲赦內亂時與查爾一世爲敵之罪次爲刑查爾斯高等法廷之判事也然多已逃亡伏誅者十人終身禁錮者十九人而已格朗空捕拉特修補來特等之遺骸盡爲發掘暴於達巴倫以上虐刑處耶比斯科派之宗儀復舊屢發嚴酷之法律以處分異教徒謂之異教徒者異於舊教者之總稱第一不勒斯比德第二因的本敦一名哥勒開即獨立派第三巴補跌斯第四銷薩耶鐵一名庫耶等皆是也法律中有科爾白雄條例命地方自治之職員棄彪力單宗之家魏楠脫受國教教會之彝餐油尼佛未條例命一切教會僧侶用國教之祈禱書發補邁爾條例禁異教牧師爲學校教員併禁入都市五英里以內以此不勒斯比德宗之僧侶一旦逐出教會者及二千人少壯者以力糊口其老弱或斃於凍餒抗法者或課罰金或下獄或貶爲奴隸以上宗教是時英國最可耻之事爲和蘭殖民地之略奪先是和蘭民於阿美利加哈特遜河口建一都市名

之爲新安特堤。曩共和政府與和蘭立約許其於新世界之權利。至查爾斯不守條約思奪和蘭之領土與其弟約克公惹迷斯竊謀取之且曰取之後爾爲主於是英國兵船突至和蘭殖民地要其降其知事不得已而棄之英國一彈不發而得新安特堤。取惹迷斯之爵名名曰紐約。以上民地之略奪和蘭殖千六百六十五年惡疫發於倫敦須臾蔓延於全國六月之間染而死者十萬人其力能移居者爭逃於他處唯彪力單僧侶不去看護病者吊慰死者疫止不惟不賞反爲逐出次年又大火倫敦皆爲燒燬所餘者唯西北之散室耳此災雖爲大厄而以衛生言之亦爲大利何也非此大火不能一掃倫敦市之汚穢而絕惡疫之根也從來數英里之街皆極狹隘煤塵污穢充塞其間旣經大火面目一新不可謂非幸事也後之建此市者爲著名之建築家庫里斯脫發倫初屋多用木近改爲瓦石築造以上及大火疫疾繼疫疾火災而爲大患者爲和蘭入寇英和之爭本因壘斷貿易之

權而起。國會納海防製艦之費於王。王浪費之軍艦皆廢舟。船員不得俸金。輒欲反多有爲敵用者。和蘭水軍溯達米斯河迫倫敦使英國結利已之條約以上和蘭查爾斯欲行專政不開國會然不開國會則無供給之途欲得供給之貨財又不得不開國會推其意苟有可得貨財之法雖敗德亦不暇顧矣當是時歐洲最盛之國王法之路易十四將征服和蘭一以擴其版圖一以張其舊教之勢知查爾斯暗利遂與之結達哇密約約與之金三十萬磅使爲己攻和蘭更約查爾斯果歸舊教年與之金二十萬磅查爾斯不謀於國會竊醫身於法國與和蘭開戰然軍資不足不能如願別無得財之途遂生奸計囊政府償倫敦商人及銀行之負債儲金於耶克斯棄百三十萬磅奪之半用於戰費半用爲豪奢之資於是倫敦商人大爲慌恐人民之窮困殆不可名狀以上達條約查爾斯與和蘭宣言開戰密約之第一項雖已履行至奉舊教之事頗爲躊躇發寬容諸教之勅命爲

庇護舊教之策。然國會已窺知其心事，布非常激昂之條例，使各官吏誓歸新教徒。於是查爾斯知事不能諧，且慮拒其供給為買國會歡心，使其侄馬利公主嫁於和蘭大統領大陸新教盟主阿蘭日家之維廉。以上舊教問題當時有達意達斯者，無賴子發陰險可懼之謀。曰：舊教徒將結黨為患，燒倫敦，殺市民，弑國王，復舊教。全市聞之，驚怖如狂。訛言百出。由嫌疑得罪者不知其數。達意達斯乘機造說，至謂王妃亦有毒殺查爾斯之計。判事長斯庫樂哥一意嚴峻從事，罪無辜之人，人心漸鎮。亦遂不究事實而終。國會提議，欲奪王弟約克公惹迷斯之王位，繼承權。惹迷斯舊教徒也。雖通過下議院，而敗於上議院。國會復發條例，禁舊教徒為國會議員。爾來百五十年，兩議院不復見舊教徒之跡。以上法王輝格與多利為二政黨之名稱，即在此時。輝格者，嘲蘇格蘭彪力單之徒，見拒於國會也。多利者，鄙愛耳蘭舊教徒之名，與盜賊同科也。今呼贊成惹迷斯繼承權者為多利呼。

排斥者爲輝格此繼承之事兩黨出死力相戰爲一大問題時有內亂之勢查爾斯甚惡輝格使倫敦及他都會返市券以最有恩惠之條件付之多利查爾斯之處置不獨使輝格怨望亦所以使國民離心起而反對政府必至之勢也卒致王室之安泰者出於來厚斯隱謀之反動也來厚斯隱謀指倫敦近傍夏耶亞之來厚斯地方謀殺查爾斯及惹迷斯之人也乃輝格黨中過激之徒恨曩時排斥惹迷斯案之不許欲強達其目的者也意在以查爾斯之子莽謀公惹迷斯爲嗣公曾得新教公爵之名及隱謀發覺贊成排斥者得宜拉色厄塞等皆就縛厄塞自殺於獄中得宜拉色二人刑死莽謀公以興知隱謀放逐於和蘭以上政黨是時學士會院以科學研究之目的而起當時蒙昧無知之徒尙信化鉛爲金不死之藥等事會院之創立即出豫想時代入實驗時代之關鍵也英國之哲學士數學家發明蘋果之墜落遊星之運行爲同一之法即爲此會設立之効以上學士會院智

識之啓發如此。政治之改革亦有成蹟。其第一爲人身保護律。謂非依法律無論何人不得拘禁。第二國王廢封建制徵金之權。國會年與王金百二十萬磅以報之。於是繫於地主與租地人之關係。雖猶有存者。而封建之制全絕其跡矣。以上政治之改革查爾斯在位。重要之事爲彪力單徒之壓逆。倫敦之惡疫。火災。法王黨及來厚斯之隱謀。和蘭戰爭。其他有二大端。一爲王之政略。一爲國民之政畧。查爾斯政略。以一身之娛樂爲事。浪費歲入。掠耶克斯棄之貯金。欺騙海軍。受法國之愚。與和蘭開戰。不使國會知。目中惟有己身而已。以此觀之。不若其父遠甚。何也？信神權說已足爲誤國亡身之具矣。國民之政畧分二種。輝格制限王權。必欲戴新教之國王。多利制限民權。欲固國王。世襲之制。宗教非所問也。然維持國教。維持王制。兩黨有同意也。

綱要上

惹迷斯二世自一千六百八十五年至一千六百八十九年四年

惹迷斯前王之弟約克之父也。志在脫國會之羈絆，專治國政，恢復舊教。即位四月，寓和蘭之莽謀公從亡命之輝格黨率輕兵襲英國，欲奪王位。意以爲英國人民知其代表新教，必左袒之。自夏耶亞之拉意母登岸，發書聲惹迷斯之罪，謂其有篡立之罪，虐政之罪，殺人之罪，所謂殺人之罪者爲放火於倫敦，割厄塞之喉，毒殺先君查爾斯，是皆虛構之辭耳。旣到夏耶亞之達溫頓，人民整隊迎之一。婦人爲先導，手捧巴意補爾皇之莽謀以表欽仰，擁護新教之意。莽謀受之，謂曰：「余爲扶持此卷之真理而來，若不得已，惟以身殉而已。」無幾立大比利敦君主之號。然輝格貴族無應之者，殆惡其虛構。惹迷斯之罪名也。千六百八十五年，莽謀與王師戰於塞季母阿，大敗，潛匿溝中，卒被禽，求見王主，則跪請生命，且自泣曰：「拉意母之書爲虛構，又曰覬覦王位，非已之本意，微示苟免於死，雖棄新教亦所不惜。」王冷然答之曰：「卿受舊教僧侶之引導而已，其他非吾所知。」莽謀

不能免也。復作不屈之態，下於獄，尋爲所誅。以上惹迷斯之義及莽謀之亂

主政

斷莽謀之獄，得補跌阿塞斯之名。當任者爲解福勒、家爾庫二人，皆以猛惡著。而解福勒尤甚。宣告死罪，其所大快也。於是搜索全國，拘致叛徒，一一究問，不許辯護。縱令許辯護，於此殘虐法官，亦無如何也。罪輕者，貶爲奴隸；重者，絞頸斬首。死者不知幾千人矣。獄終，解福勒以功任大法官。以上殘忍，惹迷斯忽欲成恢復舊教之素志，因當時有以激之者。法國王路易十四世，於一千六百八十五年廢止顯理四世之自由條例，壓虧修開諾脫（即法之新教徒），惹迷斯尤而倣之，縱不得逐，教徒於國外必欲復羅馬之關係，使舊教徒任政府及教育會之要職，爲迫脅，倫敦市置兵一萬三千，又召歸舊教徒，愛耳蘭總督奧爾茲特公以特孔奈伯達爾白脫代之。達爾白脫爲兇惡舊教徒，爲王招兵，以達王之目的。故王置之愛耳蘭，以爲腹心。彼用王黨，之人爲判事，以法庭爲利器，然後出諸教寬容之諭，一面除關於舊

教之法律一面停關於異教徒之法律異教徒窺知此諭爲有利於舊教徒之方畧故以爲違犯憲法抗之使惹迷斯收回此諭當是時奧阿斯福大學瑪哥達倫校之總長逝去校員等擇後任惹迷斯命推選舊教徒校員等不從竟立新教徒惹迷斯拒之盡逐議員乘勢再發寬容之諭其用意與前無異以上回復舊教之計畫旣而惹迷斯命全國僧侶於禮拜日朗誦此諭家達卑里之大僧長連署僧長六人請免讀王不許及期多不從命讀諭於教會會衆不欲聽皆拂袖散去惹迷斯憤不助己送致違勅者於法庭此時輝格與多利皆爲仇敵矣獄中之僧長有補里斯脫之脫勒樂尼生於科倫壞爾科倫壞爾人慷慨有義憤故深痛惹迷斯之暴虐脫勒樂尼作歌曰脫勒樂尼已死乎脫勒樂尼未死乎身難死去神不枯科倫壞爾三萬人喻吾心腸皆壯夫偏歌於全國民皆憐僧長怨國王雖守王命之法官亦不忍罪之卒放免倫敦市聞僧長之赦免歡喜如狂云以上七僧惹長之得罪

迷斯之後可繼王位者爲其二女馬利及安。馬利嫁於阿蘭日公子維廉。方居和蘭安嫁於低納馬公子。若爾日在倫敦二人皆新教黨也。惹迷斯護舊教人民所以不生事者思他日即位非馬利即安也。雖然千六百八十八年之革命亦人事所致耳。當七僧長受法廷審判時太子降生之說傳播四方果然則必繼王位父子之關係宮廷之教育其爲舊教徒無疑矣。於是人民絕望而時局一變。僧侶放免之日貴族紳士之有力者代表兩政黨得倫敦市之贊成。竊招阿蘭日公維廉全其婦之王位繼承權請率兵來以防衛英民之自由。維廉深察是非利害然後應之。如期而至。蓋羅馬法王及歐洲舊教國之王公等皆屬於維廉。維廉心益決。舊教徒亦皆寄心於維廉。可見惹迷斯之暗愚粗暴爲人之所厭棄也。而法國之路易十四世獨不與以上王子之降誕及維廉之招請維廉將兵一萬四千來英國宣言曰吾之志在馬利爲英國召集合法之國會使繼承王位。惹迷斯急整兵防之。

然察馳卿(後馬伯羅公)與王之甥若爾日弟公主竊通歡於維廉。兵士皆背去。安亦投於敵。惹迷斯無可如何。逃於法國。先是王妃携幼子義德瓦已歸法國。於是馬利之登極爲必然之事。以上維廉來英惹迷斯出奔

革命之舉。平和成功。誠所罕見。是蓋人心氣運兩者兼至也。自此以來英國之制度法律。無一不革面目。非歷史古今過渡之一轉機哉。封建制度。查爾斯二世時。雖已滅亡。而宗教之苦虐。政治之暴戾。猶未絕跡。此革命後。無以政論之異宗教之別。受罰者法廷之風。尙亦變。不復爲國王之爪牙。虐政之機關矣。以上千六百八十年革命之性質惹迷斯一世。爲專制顛末之歷史也。亦爲恢復舊教歷史也。葬謀之叛亂。雖一敗塗地。其新教徒欲登王位者。爲千六百八十八年之革命。同揆一轍也。維廉緣馬利之權利。揭新教之旗幟。突來英國。爲大革命。非偶然也。

綱要
以上

維廉及馬利自一千六百八十九年至一千七百二十九年十四年

惹迷斯旣逃國會宣言惹迷斯逃走爲破國王與人民之原約王位空虛十日千六百八十九年發布憲法大義是所謂權利宣言此書數惹迷斯違憲橫行之事謂其不復能爲君主決定以維廉馬利二人踐祚二人聞之捧王冠即位大權之實行歸於維廉以上權利宣言維廉夫婦之即位也多利黨尙以國會爲違憲仍仰惹迷斯爲王而附之故得加科柏脫之名加科柏脫語由拉典之加科巴斯而轉即惹迷斯之義也此徒多在蘇格蘭土地及愛耳蘭南方雖不明抗新政府陰與惹迷斯通信常謀復位之策以僧侶四百人爲首大學校員蘇格蘭不勒斯比德徒中亦有發不附新王之誓者此黨稱嫩如勒士嫩如勒士者不爲誓之義也嫩如勒士雖未蒙嚴刑皆命其罷職以上加科柏脫惹迷斯恃行專橫政策因有常備兵之設也常備兵者古來英國所未曾有格朗空行武斷政治始置之查爾斯二世襲焉然其數則大減於曩時路易十四以兵助加科柏脫思復惹迷斯之王位故

此軍不得不歸國王管束。然國會欲防王之橫暴，監督實權歸於國民。國民故免常備兵之禍。曩惹迷斯屢發包容諸教之諭，意在托異教以揚舊教。新政府之國會亦出同名之包容條例，許諸宗之信教自由而陰以除舊教及非三位一體說。故舊教及一神教不得謂十分包容。然至偉大之改革誰復疑之。以上暴徒條例及諸教包容革命數月後國會於權利宣言稍加修正請王批准定為法律是所謂權利法典夫英國憲法之編製也第一次為一千二百五十五年之大憲章第二次為一千六百二十八年之權利條陳第三次即此權利法典查達母卿贊三大典為英國自由之巴意補爾云權利法典決定自惹迷斯一世及其子孫所守之帝王神權說歸於無有矣。法典重要條規有七一王非得國會之承諾不得置常備兵二非得國會之承諾不得徵貨財於人民三臣民無論何人有請救疾苦於王之權四國會議員之選舉不准掣肘五國會開會有議論自由六執行適宜之法律國王

不得干涉七羅馬教徒及與之婚嫁者以後不得登英國王位至一千七百一年國會又立王位繼承法以改定法典此殆廢王位之世襲與國民以選王之權利者也於是王位王權繫於民意惟不如合衆國之直接耳哥林有言曰英國王位任國會之與奪國王與收稅更毫無所異以上權利法典革命之善果有四一因諸教包客條例與諸派以信教自由之權二國用有定定數之外不復供財於國王且廢止查爾斯二世及惹迷斯時之終身供給米油跌尼條例常備兵之存廢委於每年之國會故國民因此兩法得執兵財大權三國會又定法官任期之律居官不失職主不能隨意罷免從來王左右法廷施虐行暴之禍源至此始絕四出版之自由始立是瑪科勒所謂政變之結果大有力於改革者也先是書籍報紙不經政府許可不得刊行方共和政府之時米爾頓力圖出版法之廢止惹迷斯二世時判事長斯庫樂哥宣言若有不得許可刊行關於政治之論著者不論記

載真僞概爲犯罪當是時得許可者只有倫敦阿斯福肯母補里約克四處耳四處刊行受嚴密之檢閱固不待言矣至維廉馬利在位始除此禁人人得思想交通之自由故政府之是非得失皆視輿論如何其影響於國計民生極大也以上革命之善政維廉既登位蘇格蘭除山民之外亦奉戴之獨愛耳蘭人不然蓋其地土雖歸新教移居之民而政權兵權反屬於舊教徒是惹迷斯二世使然也至此達爾白脫率舊教徒謀復惹迷斯二世之位住於北部之新教徒則奉維廉稱奧倫季敏其子孫今仍此名千六有八十九年惹迷斯二世率所借之法兵至愛耳蘭以柏林爲根據召曾爲己敵者於法廷論反逆加誅戮且取沒其財產尋圍新教之都會倫敦德黎市民三萬守之三月食盡除馬肉及鹽漬獸皮外無復有可食之物不得已有言降者市之前知事高僧壞家手諭巴意補爾以死守於是衆皆決志以爲與其開門降敵不若餓死幸英兵遡河來救遂得不陷越明年有薄以恩之大戰

維廉躬率其軍。惹迷斯亦自將兵。維廉兵多且精。遂得大勝。惹迷斯立邱阜觀戰。見其軍將敗。反馳法國。於是法人愛人皆鄙惹迷斯之懦怯。而攘斥之。當時愛耳蘭將謂維廉之麾下曰。願換王再決勝敗。千六百九十年。愛爾蘭由賴母里庫條約與維廉媾和。許惹迷斯之一萬愛兵移於法國。後維廉背約。虐遇舊教徒。以上惹迷斯之再攻圍維廉之大陸戰爭。凡五年。以賴斯魏條約結局。路易十四世認維廉爲英王。安爲繼承者。且聲明不助惹迷斯於北日耳曼之要砦。置和蘭之戍兵。於是路易及惹迷斯欲化英國以羅馬教。使隸於法蘭西之心。盡成死灰矣。維廉乃於森脫白爾之新教堂行戰爭終局之謝禮於神庫之和約。以上賴斯魏維廉精神雖強。而身體虛弱。唯以剛健之氣。善耐其疾耳。後屢失輿望。心甚不樂。欲拂袖歸故國。大法官薩麥卿拒其遜位之勅狀。故其志不果。維廉一日墜馬。遂病不復起。以上維廉之上維維廉在位。爲新教。爲英和兩國之自由。以戰爭相終始。維廉本生。

於和蘭畢生以和蘭之禍福爲念。無暇顧英國之利害。然於愛耳蘭及大陸之戰路易及惹迷斯之結果。使英人得自由十七世紀中誰與之爭功耶。以上綱要

安自一千七百二十四年至十二年

維廉無子。馬利之妹安即位。安仁弱乏智慧。人呼爲善良女主。然不脫其執拗偏頗之遺。傳深信新教。善保國立教會。而奉帝王神權說。以上安之性質。是時政治分兩黨。輝格後爲自由黨。多利爲守舊黨。二黨雖各借他黨之力。爲國家之害。忌專政及無政府之弊。則一也。輝格以國會置於國王之上。固守王位繼承法。主張新教徒之繼統權。多利採世襲君主制。欲復斯丟亞爾的家國教。又有二黨。一爲哈意查棄。一爲樂查棄。哈意查棄黨。望大僧長之得權。欲致異教徒之寬宥處。分樂查棄黨。欲削僧長之權。且欲得政治之權利。自由黨。哈意查弃黨。倚多利樂查弃黨。倚輝格。安爲輝格所立。故愛多利黨寵哈意查弃黨。

黨^{以上兩政}
黨兩教派

安即位未幾與法開戰其原因在先王維廉維廉一生以和蘭爲念凡有戰爭皆爲和蘭之獨立其敵法之路易十四世也有併吞奈薩朗特之志及維廉晚年西班牙王病將死無嗣路易之孫安如之非立應襲其後然路易在歐洲爲最有力之君主若其孫爲西班牙王則其版圖驟增無疑而西班牙之領地併有奈薩朗特及意大利之部分南北阿美利加之廣土西印度歸路易之掌握歐洲無能抗之者和蘭亦終不能保其獨立矣故維廉百方沮之英國和蘭日耳曼三國同盟以爲權利平均之計三國皆以路易爲憂者也路易避三國之銳利雖成條約無守之之念及西班牙王之死也直欲併有其國非立往馬德里時謂之曰已無比勒尼斯山遂分遣戍兵於奈薩朗特之都府據奈薩朗特爲已有無論何時可進兵於和蘭適惹迷斯二世死路易認義德瓦惹迷斯爲英蘇愛三國之眞君主英人憤激遂與路易戰俄維廉死其事中止安即位未久向法

國開戰。以其源因在西班牙王位。名之爲西班牙繼承戰爭。夫英國所以出此戰者。雖在路易扶遺孤以危英國。然尙有重要者。一謀與國和蘭之安全。一路易欲據西班牙之美洲領土。以吞新大陸。謀守禦哇季尼阿及新英哥蘭諸殖民地也。是故英國有三目的。曰維持己國之新教政府。曰扶植和蘭之新教徒。曰保全美國之領地。以此觀之。西班牙繼承戰爭可謂英法第二之三十年戰爭。何國得志。西班牙。半球實繫此戰之勝敗。以上西班牙繼承戰爭是時統英和軍者爲馬爾伯羅公薩壞意之油季烟公子帥日耳曼兵來合。馬爾伯羅公初甚不著爲其風采。勤人巧於寅緣之術。次第登庸。至此政治主義雖近於多利。而其好戰之心反類於輝格。其爲人貪婪詭譎。反覆無常。嘗受惹迷斯二世之信任。後背之歸維廉。受維廉之信任。後又背之。通歡於惹迷斯。即此可知其一斑。其好貨財也。苟能得之。失德義亦所不顧。收賄賂扣軍餉。如此將校。當時後世。殆無其比。然其將兵之材實冠。

當世壞爾鐵阿之言曰。馬爾白羅公戰則必勝。攻則必取。爲私利戰曲直。非所問也。戰爭之始也。公先拔奈薩朗特塞敵。不敢與之較。百方避之。故公亦無可如何。至千七百四年。自奈薩朗特移戰局於巴哇里阿。在補勒尼母(小村名)。與油季烟公子大破法軍。自耳曼乃免。法寇。英國喜其善戰。贈以壯麗之屋宇。在魏特斯脫國費所建古之御苑也。供其居住。於海賊先補勒尼母之役。先數日攻日巴拉大。取之。於是英國得扼地中海。以至今日。越二年。與法戰於奈薩朗特之拉迷里斯。勝之。盡復法之侵地。又二年。法兵欲復之。於富德諾擊退。於是馬爾伯羅入北法蘭西。在瑪補拉開。爲公最後之戰。復得大勝。路易之勢。挫折不復。振英國及大陸諸國。始有再生之望。阿美利加之英國殖民地。亦免危難。以上馬爾伯羅當戰爭之時。宮廷之實權。在第一等之馬爾伯羅公爵夫人金寧哥斯夫人。得女王之倚信。極久。言無不容。安之棄其父惹迷斯二世而投於維廉也。亦出其計畫。蓋金寧哥斯之振威宮中。

猶其夫馬爾伯羅之在戰場大自國家之重事小至服色之瑣務皆繫其次裁當時之諺曰女王安統英國金寧哥行政治英與路易戰金寧哥斯力周旋於決戰之事欲其夫爲英和兩軍之元帥不失富貴之機會耳其後金寧哥斯與女王不合失寵馬善夫人擅宮廷之權雖異於金寧哥斯之悍暴而性質狡佞多利黨名士哈勒之姪也哈勒倚馬善之力勢位等於大宰相廢輝格黨之主戰政署竊開平和之議以私政權之罪名歸之馬爾伯羅既而哈勒得叙爲貴族平和條約成立古拉母評之曰政派之世運以一宮女之悍暴一宮女之狡猾而變以上金寧哥斯之權勢今英國雖免危難爲人民疲頓望熄戰爭耳是即多利黨可乘之機哈意查棄黨名薩西魏爾者於倫敦說教不僅誹謗戰爭併攻擊起戰爭之輝格黨且又重帝王神權說曰訟輝格之領袖以叛逆上帝停其職三年焚說教之書然國民厭亂已久遂以薩西魏爾爲正義敵視輝格黨輝格因失政權多利黨代之

立諸要路爲戰爭結局之準備

以上薩西魏爾

於是多利政府私遣使於路

易十四世問其望平和否時法之外務卿答之曰是如對瀕死之人

問其欲癒疾否也遂私與之結約不使英國之人民及同盟諸國知

之及千七百十三年於吳脫勒西同盟諸國法蘭西西班牙議約路

易十四世據此一許諾英國之新教王統二使惹迷斯之遺孤去法

國三罷法蘭西西班牙之王位合一四讓新發溫特蘭何家跌阿及

哈特遜卑會社於英國西班牙據此一割西班牙之奈薩朗特與和

蘭之同盟國壞大利二連於和蘭國疆一帶之堡塞歸於和蘭英國

三十年間得於美洲西班牙之殖民地中鬻黑奴之權矣

以上吳脫勒西之和平條約

惹迷斯一世以後英蘇兩國之君雖一而宗教各異至千七百

二年蘇格蘭放棄獨立之國會遺貴族十六名於英國上議院選議

員四十五名今日六十名於下議院二國歸一總稱大比利敦

以上之英

合蘇之併安時代爲上流最腐敗下流極猛惡之時代也然文學之隆亞

於以利沙伯時代。如西斯克比阿爲古今之獨步。他如阿跌遜鐵佛白補等各具一種異采。諷刺家有瑞福脫。窮理家有駱克。日報始出題曰白跌科蘭。印刷漫汗。紙幅掌大。可惜也。雜誌有斯牢庫鐵脫。其文多成於阿跌遜之筆。每編摘論時弊。廣行於世。以上當時之文學斯丟亞爾的王統至千七百十四年告終。安所出皆早逝。所餘僅一男子而羸弱瀕死。故因王位繼承法歸於若爾日弟。若爾日弟者。惹迷斯一世之後胤。新教徒哈諾威之選舉侯也。以上女王之殂落安之世內爲黨錮時代。亦爲西班牙繼承之時代。輝格與馬爾伯羅之夫人相表裏。謀承繼戰爭排斥覬覦者。多利賓。緣馬善夫人欲至平和。恢復帝王神權說。至於過激之徒。欲立惹迷斯。復興舊教及敗路易十四。王位繼承法乃益固。英國之王位永限於新教之君主。以上綱要

第十章

北倫端克一名哈諾威王統

若爾日第一世 若爾日第二世 若爾日第三世

若爾日第四世 維廉四世 維多利亞

若爾日第一世自一千七百十四年至一千七百二十七年十三年

女王安之殂也。若爾日弟因王位繼承法人民迎之爲君。然非其本意不得已而去故國。蓋其在哈諾威爲小朝廷已四十五年之久。故欲送餘生於閑散中也。夫戴若爾日弟者爲輝格。故其黨蒙寵幸。而勢力日張。多利黨不能不置於無用。前代之反動也。甚激多利黨領袖三人以叛逆罪受彈劾。二人亡命於海外。一人下獄。其叛逆罪案在恢復斯丟亞爾的統緒。今書斯丢亞爾的北倫端克兩統之系譜於下。以明其關係。

——
以利沙伯嫁巴拉典索非亞嫁哈諾威
選舉侯若爾日弟哈諾威之選舉侯後

義德瓦根的維多利亞
維廉四

英國之惹迷斯(斯丟亞爾的)

——若爾日弟二——威爾斯——弗勒得力——若爾日弟三——若爾日弟四

馬利嫁阿蘭日
之維廉二

惹迷斯——查爾斯

查爾斯——惹迷斯二——安

查爾斯二——馬利嫁於阿蘭日之維廉三

若爾日弟多慾卑俗無人君度生外國英國情事一無所知又無意求知言語一無所解又無意學之事情不知言語不解而統御其國殆爲至難之事若爾日弟亦知不便故不務國事耽飲食事遊戲以蹉跎歲月委政治於宰相羅伯瓦爾波相爲輝格黨與王最密者也幸國民皆長於自治主雖暗不至受其害壞爾鐵阿評英人之言曰彼等如麥酒在桶上有泡下有糟中部乃純良也當時使國民知保安全者皆中流人士此輩來自日耳曼雖不悅君主之國稱其望即足安其心是惹迷斯代表新教而新教得宗教與政事之自由所由

致也。以上若爾日弟一世之即位及其性質，主謀國家大事於顧問院。此院爲永久定制，輔弼啓沃之臣在其中。議之殆如顧問院中之委員會，會在王之內房，故有家比奈脫之稱。查爾斯以後歷代君主皆親擇特別議員矣。然會議之時以親臨爲例，及若爾日弟一世即位大變其體裁。若爾日弟自外國來，故不詳。英國政治家之人物遂不能親擇閣臣，又不通英語，故會議亦無須親臨。於是選宰相任顧問使舉其黨中人組織內閣。羅伯瓦爾波組織內閣最初之宰相也。而爲當今內閣制之所本，內閣員在十二人十五人之間。自上下兩院爲領袖而同意見者，宰相選拔之制度之完美，雖在若爾日弟二世三世時，今已爲確乎不拔之勢。故英人謂宰相爲國王，閣制度輝格黨用事，多利黨嫉妒之。蘇格蘭之多利黨與英國之同志舉兵，惹迷斯二世之子義德瓦即位，王黨稱之爲補。

里典達補里典達僞稱之義也。僞黨之將馬爾伯約翰與王師戰於西里福紐大敗。是日加科柘脫自英爲賊援進於夏耶亞之補勒斯頓亦不戰而降。巨魁盡伏誅餘皆鬻於西印度及哇季尼阿爲奴隸。義德瓦旣抵蘇格蘭僞黨敗已十餘日矣。無可如何復歸大陸此亂在千七百十五年世稱之爲則非弗典而國會亦因之延長三年之期改爲七年著爲令沿襲至今日旣有黨派而頻繁選舉適足致叛亂之患故延其期以防之也。以上補里典達初維廉之世戰爭不絕需費無算國債達五千三百萬磅於是商人創南海會社代償國債之外納七百萬磅許於政府故得獨占南海貿易之權先是蘇格蘭人名樂者起米斯西北會社用自西印度及米斯西北沿岸所得之利益爲資擔法國債之計南海會社所效尤也而成此會社需莫大之資本故廣爲集股豫告其有半倍之利人心騰沸如狂應股者闔溢於門每股百元自五百元騰至五千元一時之鼓動前古所未見也於是

此種會社一時叢立南海會社政府保護之以國會之條例解散此等會社亦絕無競爭者忽僞謀發覺商家爲之大恐破產傾家者不知其數初• 埃爾白爾攻擊南海會社大臣與之有關係者既多爲會社之陷於困難而痛恨者遂欲從事於政府之官吏國會設調查委員以考其事實一大臣遂服罪下獄又一大臣自殺以掩其醜以上南海
會社之恐慌
羅伯瓦爾波于七百二十一年爲內閣屬員至此爲大宰相在職廿一年其才長於理財能減國債救財政之困難其政畧平和人民食福不少蓋其志在維持輝格黨之權勢奉戴新教派之北侖端克王統可謂有爲而不擇其術以爵位貨財賂國會議員干涉選舉爲可疵議也以上羅伯瓦爾波之政略若爾日第一世無所爲於英國唯平和一事可拜其賜耳他如埃爾白爾之內閣組織加科柏脫叛亂之鎮定南海會社之恐怖亦當時稍重之事也以上網要

若爾日第二世自一千七百二十七年至一千七百六十年三十三年

若爾日弟二世爲人與父王無異。唯稍解英語耳。其妃加羅林頗英爽。善左右其夫。俾不受忌。疑羅伯瓦爾波。又能得王妃之信任。萬事無不如意。國王之政治。出自王妃。王妃之政治。出自羅伯瓦爾波。若爾日弟二世。素憎羅伯瓦爾波。然其能爲大宰相。皆加羅林之力。且若爾日弟武人也。好兵。動則思戰。而羅伯瓦爾波守平和。於國家有益。托王妃以制國王。使不濫用兵。以上若爾日弟之性行。妃與首相。旣汲汲於平和政略。而終與西班牙生隙。至動兵者。由於金肯斯。金肯斯航行西印度。途中遇西班牙之巡洋艦。西班牙人以金肯斯爲背通商條約私賣英國貨物者。搜索其船。不能得一物。因羞變怒。倒懸金肯斯於帆架。幾死之。且割其耳以辱之。曰。歸獻之於汝君。金肯斯納於袖而歸。其達於英國也。急赴下議院。提出於議會。訴西班牙人無狀。英國爲西班牙限制南美之通行。久已不平。今觀金肯斯之耳。大爲激動。必欲報讐。羅伯瓦爾波亦不復能強抑之。遂開戰議。其事雖發。

自金肯斯之事。然英國開戰之真意。在懲西班牙分大陸之商權也。
倫敦聞開戰之宣告。歡聲如湧。羅伯瓦爾波語人曰。彼等今日之喜。
恐爲他日之悲。英國於南美加他日那之役。大敗。損失非常。雖然其
後水師提督安勝。侵西班牙之殖民地所獲。亦足以相抵。以上金肯
斯割耳之戰

日耳曼帝查爾斯六世之殂也。皇女馬利亞剔利薩繼承奧大利
之版圖。西班牙法蘭西普魯士諸國。因忌奧大利家之勢。而垂涎其
領土。連合攻剔利薩。英國和蘭思保存奧大利家。箝制法國。助剔利
薩開戰。若爾日第二世親征於大陸。在巴哇里阿之德丁安。大破法
軍。八年之後。耶庫斯之平和條約成。英國頗獲利益。奧大利繼承之戰爭 奧大
利繼承戰爭之間。法蘭西嗾惹迷斯二世之孫義德瓦。爭英國王位。
義德瓦千七百四十五年於蘇格蘭北方登岸。從者僅七人。山中加
科柏脫民群起而應之。於壹丁不近傍之補勒斯頓。破英國軍。義德
瓦欲乘勢進倫敦。至特夏耶亞而返。英民無來投者。姑還蘇格蘭。翌

年英軍來攻敗叛徒於家樂典義德瓦逃加科柘脫亦絕擁立之念後義德瓦死於羅馬斯丟亞爾的家不復見於歷史以上少補里典遠之來寇英國雖夙於印度有瑪脫拉斯家爾家達孟買等通商埠尙未爲領土皆本地王管轄在扇意秋里通商埠之法國人籠絡諸王有占領全國之志此即英法得失勢力之機緘也適印度會社書記兼軍職之格來弗受揅斥法人之命隨勢奏功于七百五十一年自阿爾科脫獲勝以來英遂握南印度之實權格來弗歸國賓家爾王急襲加爾各塔取之殘虐無所不至英人百四十六名被投於暗窖中悲慘致死格來弗再來印度集兵復仇與土人戰於加爾各塔于七百五十七年伯拉西之役成英國領印度之基以上東洋戰爭是時普魯西之弗勒跌里庫大王以英遇之資逞併吞之志頗危四隣法俄墮及波蘭于七百五十六年同盟沮其鴻張而英國反助弗勒跌里庫不僅爲法國結宿世之仇矣故法人在印度與之相輒及普法之相敵也乘機

而拓美洲疆土當時英國之美洲殖民地自美印之肯奈卑庫河亘
弗樂里達之疆幾掩太平洋法國之殖民地在森脫樂倫斯河上庫
耶卑庫及摸尼脫里於大湖之邊在跌脫樂脫於米斯西比沿岸在
紐奧爾里法人沿奧哈約築造連珠砦爲連絡南北殖民地之計故
一旦落成阿勒家尼以西皆歸其掌握蓋法人之意欲奪英國之新
英哥蘭爲新法蘭西也戰爭之初英軍屢失利將軍補拉特庫攻都
庫烟砦法與土蕃連合大敗英軍殆將覆沒幸賴華盛頓之沈着善
全殘兵未幾華盛頓爲先鋒再攻都庫烟砦兵聞風而逃砦歸英人
手即今日之比巴爾庫時取大宰相比的之名而命之也旣而英軍
連陷放跌灣諸砦盡徇斯科西阿終於庫耶卑庫破法將瑪爾家爾
取坎拿大七年戰爭於此結局西班牙亦致弗樂里達於英於是千
七百六十三年和議成時英國國旗翩翻於大西洋米斯西比之間
阿美利加陸之東半皆爲所有以上七年戰爭若爾日第二世時代雖以武

功著而社會極頽敗除輝格黨比脫等數人外唯汲汲私利不顧其他姦詐成風世道日降讀非爾典哥之書可得梗概矣加之飲酒之弊日長代麥酒以劇酒酒肆飲客充滿上流人士之腐敗尤甚堂堂政治家醉倒市肆醜態百出視爲尋常聞者見者恬不爲怪於是宗教界爲之一動阿斯福之書生空斯力者與其弟查爾斯及同志數人奮力於教務定時會合以其舉措動靜極中規矩得米鎮跌斯脫之名空斯力之初心不在與國教分離惟欲振作其生氣而已終料可以獨立乃益大其規模風靡英國餘勢延及阿美利加空斯力之布教其法與國立教會異不集會公衆說法自跨馬周游全國苟有聽者不擇何地何人輒爲說教以上社會之狀態米鎮此時代歐亞跌斯脫宗派之起源美英法之戰爭終局其結果使英國之勢力飛揚於東西兩球以上要綱

若爾日第三世
自一千八百二十年至八十年

若爾日第三世若爾日第二世之孫哈諾威族生於英國之人也王

雖深以國利民福爲念。性質狹隘固執。非統大國之器。誤於家庭教育者不少。其母魏爾公主見閣臣與政黨握君主之實權。甚惡之。欲使若爾日弟爲名實兩全之國王。每戒之曰。汝必爲國王。故其登位之後。政皆獨裁。夫輝格黨主政五十年矣。擁豪富占高位。大權全在。其掌握君既賴其力而立。勢不得不爲所左右。若爾日弟先革此事。萬機出已意。欲使其心腹之臣得佐政之實權。久之得西諾爾卿爲宰相。乃能行其主義。其主義在國政。雖爲人民而設。而不令人民得自行其意。以上君主與輝格黨之爭若爾日弟一世及二世之時。戰爭繼續。國債增加。政府次第加賦稅。民間有直接之負擔矣。當時英國本國亦與他國同視其殖民地。則大異。第一。本國人口多藉殖民地爲遷徙之便。第二。爲政治商業之財源。第三。爲寵臣射利之所資。視印度如此。視美國亦如此。是故治移住之民力爲控制。美民依共和時代之法。律不得出本國。而經商於其指定之港埠外。不得貿易。搭載貨物。運。

往他國謂之犯例。其產必爲收沒。又不得購外國之製品。本國與殖民地之葛藤實。由此虐制而起也。先是查爾斯二世時。居民欲改此惡法。查爾斯憤之。使還新英哥蘭之勅券。全奪其自治權。使從已之專制。惹爾斯二世所遺之總督安脫樂斯。益施虐政。殖民大爲忿激。禍將不測。以上美國殖民地之課稅。英國之視殖民地如此。內國有急需。何事不納之。與法國土番兩役之費。彼應補納其實。民已償之矣。然政府不。可爲耶。千七百六十四年。課新稅於人民。殆謂保護費。殖民地應。問事之當否。於千七百六十五年。課印紙稅。無論民事商事。有文書。不盡契約。即不得不貼政府之印紙。於是反對之謀。始於弗期庫林名。數人赴英國。多方辯論。欲阻其實行。而卒無效。法律已定。印紙已輸。士商入殖民地。然殖民決意不用此印紙。物情騷然。當時英國國會之首。領比脫福格斯。捌爾克等識者。頗諱殖民之反對。比脫痛抵之。曰。余稅甚。嘉美國之抵抗。比脫又曰。課稅不出於國會。是虐政也。抗此租稅。

乃人民之義務也。美國之精神與英國之專制相爭立人民未曾承諾。不得取其財之主義。反對黨之氣燄如此。稅法竟不能行而歸廢止。倫敦市歡聲如湧。寺中鳴鐘。船舶放彩火。以表祝賀之意。然實於國際無所益於美民何也。以別有重稅以代之也。此可見英國於殖民地執無限之課稅權矣。以上印紙稅英國雖因反抗而廢印紙稅更稅玻瓈紙茶等輸入品。殖民又拒之。組織同盟。相約一切不納稅。又竊爲輸入貿易盡行沈滯。國會稍覺其害。除茶稅外。盡行廢止。所以存茶稅者。英國欲保守稅殖民地之權。且借以補助東印度之會社也。雖否亦不出代議士於國會仍守課稅不經承諾者爲虐政之主義。不爾斯頡則委之床下。使其自敗於包士敦血氣之徒。結隊侵商船。其所載之茶箱投之海中。英國國會迎合政府意旨。發四條例。其一。

爲包士敦港案杜絕包士敦之通商其二爲瑪薩秋塞案其自治權歸國王管轄其三抵抗法律致人於死者送英國審判其四以奧哈約之北米斯西比之東定爲坎拿大之部其四之目的在懷坎拿大之法人萬一殖民有叛亂將賴其力以抑之也當此時使政府納捌爾克福格斯等之忠言非無調和之望奈若爾日弟三世頑固執不讓斯丟亞爾的諸王必欲行己意不問是非利害是可爲英國惜也以上茶稅自此殖民爲一體以東當國政府不惟不經代議士不納租稅且不守其法律矣邦科庫阿達母斯脫里庫痕里弗朗庫林等處義勇之士爲之唱首千七百七十四年九月十二殖民地之委員會大會於費拉德費是所謂第一大陸會議也此會雖表忠順於英國至殖民之權則毅然持之政府不用其議兩國之睽離益甚戰爭終不可避矣包士敦英兵指揮官開季知美民設武庫於孔科爾特爲後日之備率兵八百往破之至勒星敦遇美民一隊殺七人至孔科

爾特雖破一二武庫以美兵四方迫來倉皇退却千七百七十五年四月十九日之事也此爲英美交兵之始新英哥蘭之義徒陸續集於包士敦數日之間達一萬六千人以上勒星敦之戰爭千七百七十五年五月復會於費拉德費爲第二大陸會議定兵士之徵發維持之方略選華盛頓爲帥次年七月四日發獨立之宣言美民於此爲自由自主之民矣法人魏爾占之言至此果驗雖然據區區殖民地驅萬不教之民與大帝國精練之兵相戰兵械不給糧食不足於理於勢萬無一成華盛頓大義峻節能振士氣而不憂敗而不沮終著成功焉當戰爭之初美軍不利邦家西爾之戰及包士敦之圍姑置勿論倫哥愛蘭及淮補勒印之敗走跌勒魏亞之退使美人幾疑天道之是非矣然千七百七十六年於脫倫敦次年於補林斯頓驟得大勢氣象一變前途始有可望旣而英將敗於薩拉脫家降於美軍大驚內外之耳目矣法國與英國有宿怨甚望美國之成功然尙坐

觀勝敗不肯與之同盟至此始認美國之獨立併助之西班牙和蘭亦認其獨立英國政府至茲乃生悔恨畏怖之念英人之意以爲彼若不爲獨立國美民無論何欲皆可償之然事已晚矣美民於獨立之外他無所望千七百八十一年華盛頓與法兵夾擊英將庫倫喫里斯於季厄阿之約庫達溫降之使英國絕望於美而不得不認其獨立也時在千七百八十三年以上美國獨立宣言英與美戰時國內亦多事蘇格蘭之高爾敦卿見政府廢苛待舊教徒之法律大憤千七八十年率其黨劫政府六月間占領倫敦極橫行焚舊教之寺院掠貨財不僅騷擾市街入紐開脫監獄釋放罪人獄舍付之一炬暴行無所不至不論何人不戴新教之青帽則難保安全不問孰家不大書無法王三字於戶則難免危害旣而暴徒雖定而爲之失性命喪財產者不可勝數以上高爾敦卿之亂印度太守黑斯典哥之彈劾在美國戰爭最後之年黑斯典哥所領之土地數倍於英國本土爲之敵者英

國才辯第一之捌爾克福格斯謝黑丹紅間前後八年黑斯典哥雖放免而東印度會社之積弊暴露世間故失專占之利東印度之貿易爲公衆所有矣以上黑斯典哥之彈劾當是時出版之檢束雖稍解弛政府尙未十分允許者論國事也報紙論事自由實爲有名無實然民智日開衝突之來勢所不能免也若爾日第三世之初年有記者魏爾庫斯譏謗君主之政略鳩尼阿斯加甚焉政府罰此二人兩者不遂志輿論益切望出版之自由政府亦遂枉意從之而法國大革命之餘波流入英國有沮言出版自由者不過一時耳先是國會議事甚爲秘密斯丟亞爾的都鐸爾兩朝議員有洩者輒爲禁錮今則兩議院之演說討議漸揭載於報紙政府雖欲禁絕之終無效自此以來國民得知代議士之心意矣議員亦不敢不盡其責出版自由之有关於代議政治豈淺鮮哉以上出版舊時誠爲殘忍之時代舉其一斑刑法峻嚴大辟罪有二百餘種皆今日流徒之罪耳苟盜五西爾

林以上之財物者。絞獄中常以罪人充滿。每禮拜二殺人以十計。市中殘酷紳士以赴獄觀女囚之受鞭笞爲樂。醉徒以觀死刑爲事。矯正此弊者爲樂幾里、賓薩母、和畦等。關於負債之惡法亦爲改正。彼欠債不能償。呻吟獄中之徒亦得見天日矣。以 上 獄 改 良 監一千七百八十九年。法蘭西大革命之起也。輝格黨贊成之。至路易十六世及王妃遇弑。英人舉國寒心。欲與歐洲諸強國同盟。復法國王位。旣而拿破侖握法國之實權。行有君臨全歐之志。旣征服英領印度矣。又伐埃及。英國水師提督納爾森破法國艦隊於尼羅尋拿。破侖復討英國。納爾森破之於脫拉發。家法之海軍全覆。拿破侖絕征服英國之念矣。數年之後。拿破侖略西班牙。以其弟爲王。英將空勒斯力(空登公)逐之。復舊王家。法之上英第二。美國戰爭原於國籍權及海上權之衝突。也。蓋英法戰爭時。於兩國皆爲中立國。禁其與交戰國及中國通商。美國旣不便矣。英國又言。生於己國之人。不得爲他國之民。搜索美。

船其水手有英產者強奪之及六千人之多此中有生於美國者又有生於英國而已歸化美國者英政府不間事實皆編入海軍使爲已用美國憤之一千八百二十年宣言開戰先襲坎拿大英兵擊退之旣而英國所派遣之軍自蔑里蘭登岸燒華盛頓府之政事堂及公舍官衙等壞議會之圖書館陸戰雖到處制勝海軍概敗於美國於紐奧棍斯英將巴肯哈母大敗於美將加庫遜戰事乃畢英國失海上搜索權以上第二美國戰爭拿破侖握法國大權以來英國無日不與之戰一千八百十五年六月十八日決勝負之戰也拿破侖欲乘普國援英之兵未到破之越比利時而攻英軍乞林登公防戰最力然敵鋒猛烈次弟潰敗將不可支適曾將補爾開爾率兵來援拿破侖因其將哥樂西失期爲連合軍所敗無幾拿破侖謫死森脫黑勒拿是所謂第二百年戰爭之終局也以上第二百此戰結果國債增加實爲可驚千六百八十八年不過百萬磅至此竟達九億磅每年利已三千

磅以此財政之困難殆不可名狀英國銀行停止支取人民爲之大
恐加之連年饑饉麥價騰貴麪麪一塊當農夫半日之金租稅之增
加固不待言據斯米斯之言凡物無不課稅者以上國債之增加及租稅之繁重自
印戰爭後愛耳蘭無足述者英國壓制之重消磨土民意氣使不得
抵抗英法戰爭之際愛耳蘭之連合協會起得法國之援助暫脫英
人之羈絆未久復爲所鎮壓及十九世紀初英國政府買收愛耳蘭
國會之議員於千八百年兩國合而爲一稱大比利敦愛爾蘭連合
王國查達母伯之子西脫欲使愛耳蘭人於連合議會得賢代表者
謂新舊兩教皆有選舉權必有利於兩國其言竟不行愛耳蘭人多
奉舊教舊教徒不容於下議院加之英國禁絕愛耳蘭之自由貿易
以此觀之於通商於宗教英國概以外國人待之以仇敵遇之矣以上大比利敦及愛耳蘭之合併若爾日第三世在位爲事物最著進步之時代即位
後無幾謀貨物轉漕之便於北部開鑿運河其制次第延長開擴其

里程運河與川流交錯如蜘蛛網全國有舟航之便不僅大都會得相連絡併得達重要港灣先是千六百七十九年瓦的發明蒸氣機關瓦的將其模形呈之國王王問之曰汝所欲賣者何物瓦的對之曰是即王者所嗜好陛下所急求莫大之權力也誠哉是言其力不獨機械自其結果觀之不可不謂之道德與政治也爾來由哈哥劉斯阿庫賴脫庫補頓等之力使供紡績之用至千八百十一年陷於力役之窮境者不知其數何也當時麪龐之價非常騰貴雖老練之工手其所得之金七日不過二佛郎於是極貧之工人名戴拉特者作亂然立即鎮定巨魁皆處於刑至今則彼等亦享其賜英國北部爲極貧之地人智淺人口寡不過寒村僻落適與南方之繁榮相反顯理八世之時拒僧院之破毀而罹於兵禍以利沙伯女王之時抵抗新教若爾日第一世之時黨於僭王頗遭逆境然爲蒸汽行用其形勢一變工場興人口加都會衆貨財集巴敏哥哈母謝非爾特芒秋

斯達里茲諾典哥哈母雷塞斯德里哇補爾諸市頓革舊觀是皆瓦的蒸汽之結果也。以上物質於凡百學問智術之中獨化學仍無進步。于七百七十四年博士伯里斯的黎發見諸元素中有最多且最有用之養素。開近來化學之基礎。夫智識之進境如此。於物質何獨不然。蓋倫敦市街衢設燈在若爾日弟三世末年所用皆魚膏光輝薄街市幽暗每有盜賊出沒。于八百十五年立氣燈會社業鯨魚油者多方阻撓之。然會社終有成效。瑪鐵諾婦人贊曰此新光輝之防罪惡過於阿弗勒特之政府。是歲鐵魏念鑛夫創製安全燈救開鑛者無數生命唯以此爲樂。不請專利俾廣及於世界云。以上養氣之發見氣燈之

創文學之大家亦輩出。約翰遜以著拉塞拉斯談顯名編英國字典。今日諸字典尙取爲準據其友哥德斯米斯著碑史西油母著英國史于七百七十六年吉本出羅馬衰亡史至今百餘年間雖有此種著述未有逾吉本者。是歲斯米亞丹之原富成其影響及於財政學。

極大。其他補拉庫斯頓之於法律。捌爾格之於口辯。皆可謂一代巨擘。詩人有巴倫斯、擺倫、謝爾里。戲曲家之謝里丹。諺諧家之謝達倫。亦在此時。斯科脫、奧爾斯、吳斯典等。皆留不朽之作。科勒庫季、壞爾特、壞爾斯。此代文學之後勁也。繪畫、彫刻二術。最見進步。和家爾斯妙摹市井之狀態。至描寫選舉情形。與當時之真像無異。陶畫推動意諾茲、樂倫斯、肯斯巴樂。肯斯巴樂長於景色畫。達拿爾斯爲畫術之泰斗。其所作最爲自然。至於彫刻。西魏庫妙於彫木。弗拉庫斯芒精於彫像。普通教育數世之間。毫無進步。邊土人民。概爲不學無異。中世紀黑暗時代。四十歲以上之貧民。罕有能記其名者。以上文
學枝藝及教育若爾日第三世。千八百九年。舉即位五十年之大慶。無幾失明。瘋癲。其長子若爾日第四世。攝政越十年。王殂。年七十八。以上若爾日
第三世之晚年。若爾日第三世。在位六十年之久。故其間之要事。頗多。英國失地。於北美。愛耳蘭之合併。廿年之法國戰爭。皆在此時。英法戰爭兩。

次遂致國債增加租稅繁重千八百十二年與美國第二戰爭英國失船舶搜索之權又當時有二大改革一爲奴隸買賣之廢止一爲寬刑罪之法律物質之進步用蒸汽以製造以行舟航皆最大之事也

以上綱要

若爾日第四世自一千八百三十年至一千八百三十年十年

若爾日弟四世三世之長子也年五十八即位是爲一千八百二十年其父王病瘋若爾日弟四世攝政自一千八百十一年以來即實爲國王矣其性質放縱驕奢一生之目的惟貪快樂與查爾斯二世若一人其爲威爾斯太子時歲入之額日至少亦過五十萬佛郎而所費極夥負債山積一千七百九十五年國會議決以三萬佛郎之負課償債務中之最要者然太子之浪費仍無已行即位之禮其服之寶玉乃假之他人者王不返其主國會爲償其價王之不德不獨奢侈常忌政治之改革多方阻撓之以上若爾日弟四世之性行若爾日第四世爲太子

時與父不善當其攝政也即有志組織輝格內閣是欲借以牽制其父也不果行又與多利政府以里哇補爾卿爲首相里哇補爾卿容貌魁梧而不通時務愚直之外一無所取用此政府人民無得幸福之理穀價騰貴商業衰頹各地人民迫於凍餒者不可勝數於是窮民自籌救濟之道到處集會政府每猜疑查察其舉動見反對政府之議論漸熾恐爲亂解散之失輿望矣當是時大都會多無國會議員選出之權巴敏哥哈母市民私選代議士芒秋斯達欲倣之雖有禁止集會之告市民執選舉議員不干法律之論不從是處之地方官使兵士解散其衆市民有負傷者是所謂芒秋斯達之殺戮也芒秋斯達市民並無激烈之氣政府用種種鎮壓反釀成目前之禍決死之徒若干人聚於倫敦家脫街之廈中謀殺里哇補爾卿及內閣等員事覺皆伏刑政府知防止隱謀而不知救人民之疾苦以清其源足徵其失政矣自是以後叛徒雖絕迹而革命之勢潛行默運經

二十五年大都會卒得其所欲有國會議員之選出權以上人民一千七百八十五年若爾日弟四世爲太子時娶信舊教而有才色之婦人非茲阿巴脫千七百七十二年立王室婚嫁制爲若爾日第二世之子孫者不得國王許諾及國會贊成而結婚者不得爲正若爾日弟四世之娶非茲阿巴脫也非父王之意爲信舊教國會亦不贊成即屬不法之婚姻矣十年之後若爾日弟四世爲父王所逼娶補朗斯魏庫之加羅林然此兩人皆可謂不幸王妃思膚庸淺無姿色若爾日弟頗虐待之娶不一年夫妻分居王妃亦怨怒下堂自去若爾日弟四世即位自祈禱書削去王妃加羅林之名且向國會申明離婚之說以爲王妃自破結婚之誓詞自應離婚然王妃之罪無十分之證跡閣臣等不欲處之過甚唯決議不使參即位之儀即位時不設王妃座王妃從其顧問補樂哈母之言臨時曲意求憐謀入坐王終不許加羅林恚甚數日不起以上王妃加羅林千八百二十八年空林登

公爲大宰相。公之政迹亦與王同。而自時勢之必要觀之。亦可謂之改革家。先廢查爾斯二世時所發布之科白勒雄令。雖不奉國教之人。亦得爲市長。爲市之助役。爲銀行總理。又廢查爾斯二世時舊教徒爲文武官之禁。于八百二十九年之改革。有較此尤大者。蓋舊教徒失國會議員之資格。於茲百五十年矣。其間亟求條例之禁止。終未遂志。夫條例發布之源。因在法王黨之隱謀。延及後世而不弛。其禁亦可謂失當矣。况法王黨之隱謀。出於達意達斯之僞言哉。然若爾日弟四世。尙固執條例。不顧舊教徒之願望。舊教徒深恨之。將生異謀。時穹林登公。始覺時勢之不易。乃自進而周旋之。條例廢止。非其本意。雖與舊教以自由。更發新令。奪愛耳蘭人之選舉權。改二磅財產之資格爲十磅。其藉爲口實。恐貧民爲地主僧侶所左右也。此際舊教徒之首領。爲疴高納。疴高納愛耳蘭之舊家也。才略過人。得爲下議院議員。爲鮮英愛之連合。復愛耳蘭之國會。出全力以維持。

事雖不成蔚然聲望震動全國矣。以上三若爾日弟四世在位改革舊法所最著者廢止科白勒雄及舊教異教徒不得文武官二條使舊教徒得議員資格是也。以上綱要

維廉四世自一千八百三十七年至一七年

若爾日弟四世無子其弟維廉繼位年六十八維廉自少時從事於海軍半生歲月消磨舟中風采朴野不似父兄之修邊幅然爲人誠實深愛人民爲一代之良君。以上維廉之性行即位之初人皆料想選舉問題之必起何也當時英人多無選舉權勢不得不改正其法也英國北中兩部人口繁殖蒸汽既用工商業一時勃興產鐵煤羊毛等地皆成大都會巴敏哥哈母里茲謝弗非爾特、茲秋斯達俱極繁盛等處舊無議員而南方諸處已極衰零舊多議員前後異勢而選舉法必不可用矣且從來之制惟富者有投票權貧者亦不敢妄想中世紀時人皆不喜爲議員又不喜出議員皆因旅費多而歲俸少也故

僻遠地方以赴倫敦爲苦也今則不然矣忌政黨之興起忿租稅之繁重懼主權之強盛且慕議員之榮譽故爲國民者皆有權利之思想矣以上選舉法之必宜改正若爾日第一世爲輝格黨所擁立該黨專政權及五十年至若爾日第三世始失勢多利黨代之然權勢每以黨人多寡爲消長也選舉法一不得宜國會之代表不過代表富豪及都市之意而已於是改正選舉之論漸喧於世藉此以鼓舞輿論者爲科卑脫氏嘗自刊一報專供選舉法改正之機關維廉四世時改正之勢日迫國會亦不敢輕視拉斯塞爾欲廢樂典巴樂之選舉區及選舉法然巴樂之富室及占有勢力於其地者亟抵抗之改革黨特國民之後援誓欲達其目的貴族及僧侶皆有關係於樂典巴樂不敢直決實見改正之案即爲動搖政府之基礎也如密林登公反對中之最激烈者與其友人書曰若改正案既決余不知我國教我財產我殖民地我愛耳蘭之所以安全我國家究竟如何亦不能知矣王

解散國會。新國會更毅然於改正。然上議院又不敢決。物議騷起。揭竿之兆無處不有。民群集街市。投僧長及反對黨之肖象於火。以洩其憤。廢上議院之聲入耳不絕。倫敦有破壞。乞林登公之窓戶者。若典哥哈母有放火於紐家斯鎖之居城者。於補里斯脫。暴徒屢逞其猖獗。以上改正案千八百三十二年春。兩黨復爭激烈。更甚。改正之案。下議院依舊呈上。上議院依舊不決。內閣無可如何。不得已求助於國王。告王曰。上議院勢不能准此案。不若王爲許諾。維廉四世勉強從之下諭。大宰相曰。朕許哥勒意伯及大法官補樂哈母卿所新設之改正案。貴族聞內閣得此勅語。已知不可抵抗。遂止此改正案。得國王批准。永以爲法律。一樂典巴樂廢止。二不問何都市納五佛郎房稅之戶主。得選舉權。三從來無選舉權之巴敏哥哈母里茲謝弗非爾特。芒秋斯達。及他十九都市。得各出代議士二人。又他之二十處。得各出代議士一人。以上改正案之通過及其結果選舉法改正後。國會變舊。

來非茲庫脫里之名爲里卑拉爾。由孔薩魏跌弗_保下議院代表國民之意。非復舊日之比。從而前途之改革事件漸啓端緒。千八百三十三年之廢止奴隸。着美國之先鞭。可謂曠世之美舉。而成此美舉者。巴庫斯頡。魏巴佛斯補樂哈母等慈善家之力也。比脫庫拉遜瑪科勒意諸子亦稍盡力焉。前後諸公以求廢止奴隸案之許諾。五十年如一日。百折不撓。終至排斥國王爲强硬之反對。乃達素志。使英國殖民地黑奴八千萬人。盡享自由。國會償奴主金額二千萬磅云。然是時之奴隸。不獨非洲之黑人。英國之婦人童子中亦有一種可稱奴隸者。勞力於礦山及工場。傭主待之頗酷。甚至六七歲童子。課以十二三鐘之力役。及疲倦困睡。直加鞭撻。此乃尋常之事也。於是亦不能付之不問。復發條例。禁礦山工場用婦人童子。尋又禁使小兒掃除烟突。以上廢止奴隸及矯工場之弊。用蒸氣機械以來。精思深究。欲施之車駕。以代馬力者不少。蘇格蘭地學家瑪家達母。在英國南部用礫石。

作新道。有通汽車之計畫。更進而求之。數設鐵軌。尤爲便宜。斯跌溫遜夙謀此事。富家多贊助之。遂使國會發令布鐵道於里哇補爾。迄秋斯達之間。然至許用汽車。頗費周折。千八百三十年始准行用。大宰相芝林登公。當時試乘之一人也。初道路不過三十英里。其發達之神速。五年之後。沿海之要港與著名之工業地。無不連絡。十年之後。鐵道蔓延全國。哈特遜得鐵道王之稱。其勢力動天下。雖國會議員。皆仰其鼻息。遂致財政之變動。不讓南海會社之時。以上發明維廉四世在位。雖不過七年。其間不朽之事有三。一曰千八百三十年之改正選舉法。二曰廢止殖民地之奴隸。及矯正工場之弊。三曰創設鐵道。是也。以上綱要

維多利亞自一千八百三十七年

維多利亞根的公義德瓦之女。維廉四世之侄。因維廉無子。承襲王位。時年十八。女王兼開爾趺庫及諾曼維廉大王之血統於一身。適

合英國王位世襲古今不變之主義。女王即位時勢亦開一生面。自若爾日第一世至維廉四世宰相之黜陟一出叢意不示端。由於國會此制至維廉四世已廢爲君者不得國會之承諾不得更迭。大宰相及內閣亦不能用國會不信任之人爲輔弼。此新主義已成習慣。國會所議決之法案女王不能不裁可。兩議院同意即呈上批准。王若不許唯有避位耳。故今日女王直接之權力不及北美合衆國之大統領矣。蓋大統領猶有不裁可之權也。利亞即位千八百四十年女王二十一歲與日耳曼一公國郭薩之亞爾比爾的公子結婚。公子與女王同齡方於日耳曼大學卒業天資溫良有風彩最留心於教育及技藝之學。以上女王之結婚是年西爾提出郵政法案從來倫敦以內一信一西爾林今減至一賓尼且擴充其範圍於合衆國電信價亦減併實施小包郵便。以上郵政制度千八百三十二年之改正選舉法雖選舉區之平衡選舉權之擴張勝於昔日而勞力者尙無投票權於

是激烈之徒羣欲更行改革命其主意書曰人民之憲章故此徒有憲章黨之名其所要求者一普通選舉二投票選舉三每年召集議會四國會議員之廉俸五廢止財產資格六均一全國之選舉區爲設俱樂部開集會刊行報紙以唱道其主義數年之閒殊無成蹟千八百四十八年有法國之革命而憲章黨之氣勢頓起奧孔諾爾爲首領出條陳於國會署名於條陳者不下五百萬人彼等又以百餘萬人發送條陳於國會政府偵知之有戒心此爲脅迫之舉動也爲護衛倫敦備警監兵三十五萬蓋謂拿破侖亦在其中云密林登公亦帥大軍以應非常英國銀行兩議院議事堂博物館等亦汲汲防禦然憲章黨之氣勢爲一時之幻影其集科母芒斯時不過三萬人至過魏斯脫毓橋所餘殆可屈指國會披請願書署名人數彼所妄稱者殆三分之一既而詳細檢之所署之人名或自墓碣借錄者或假托者憲章黨至此聲名掃地爲一世之笑柄矣然其要求之項固

確乎不可拔時勢推移漸得實行初爲灑空之理想後爲對症之良藥矣。以上憲章黨之興起英國保護貿易政策維多利亞以前所行者課麴麴及多原料製造品之輸入稅千八百四十一年比爾爲大宰相於製造品輸入稅雖云輕減至五穀稅爲保護英國農業之具而竟維持之勞力者因蒙非常之禍傭金廉而穀價昂謀生之困難不可言狀矣。千八百三十九年約翰補拉脫查特科補典等爲首組織非五穀條例同盟會欲達廢止穀稅之目的實屬一大難事種種障礙橫於其前。蓋當時議院代表工商會社者雖比往時增加而代表地主者猶有十分之九固執課稅五穀之說同盟會不勸誘議員專興自由貿易之輿論或分遣辯士於諸方之農業地爲演說其弊或以報紙唱其主義於全國以堅忍之志行着實之術者於茲有年其心終不空勞爲自由貿易之論者往往自農業地方選爲國會議員適憲章黨勸同盟會與之連合同盟之領袖以爲與其使憲章黨之六項成

不若用全力於自由貿易一事。遂拒絕憲章黨之請。一時雖受奧孔諾爾等之防害。然大勢所趨。使保守黨之內閣巨擘比爾漸變於自由貿易之主義。五穀稅廢止案。以千八百四十六年兩議院皆允許。惟尙少存其課稅率。至千八百六十九年始行全廢。以上貿易政策女皇之外交政畧大概不失平和。時非無戰爭。要皆遼遠之地。不甚重大者也。千八百三十九年與阿弗家尼克斯丹之戰。千八百六十七年與阿比西尼阿之戰是也。前爲對於亞細亞俄國之計畫而起者。後爲救塞輿持爾帝所虜掠之英人而啓者也。至埃及及中國戰爭。庫里走阿戰爭。則不可不特記之。以上外交政畧千八百四十年埃及之總督叛土耳其。率大軍入亞細亞。將取敘利亞。土帝不能防禦。請援於英法俄三國。法國寄心於叛徒。姑守局外而中立。英俄二國爲保土耳其帝國之安全。遂合軍。英水師提督奈爾比亞。將連合艦隊。砲擊敘利亞之咽喉耶家。僅以三時降之。遂攻亞力山大。使叛將請和。此和議之。

結果僅於名義使土帝爲臣耳其職爲世襲故埃及較土耳其爲有利·敘利亞雖一旦脫土帝之桎梏復受其羈絆呻吟於壓制之下矣·
以上埃及及戰爭初我國政府見鴉片之有大害禁英商之輸入而英商不欲失此巨利屢犯禁私賣我國官吏下之於獄焚棄其貨物英國憤此處置千八百四十年與開戰陷廣東圍南京勢如破竹遂求和割香港開五港賠巨款以畢事千八百五十六年復開戰端敗衄之結果對於外商及宣教師開放國土以上我國戰爭千八百五十三年俄羅斯以保護土耳其之基督教徒使免土帝之逆壓爲口實與土耳其生葛藤英法二國以俄懷吞併土地之心合土耳其以敵俄於黑海及巴爾的庫海遣連合艦隊集攻擊力於庫里米阿圍俄要塞塞巴斯脫白爾千八百五十五年終陷之俄帝請和以越千八百五十六年之和平條約俄國放棄模爾達空喚拉克阿塞爾魏阿撒塞巴斯脫白爾之兵備且約不得於黑海設軍港及蓄積艦隊以上庫里米阿戰爭印度之

叛亂。一云塞白意之叛亂。蓋英領印度。其疆域逐年擴張。北達喜馬拉耶。西及印度河。而鎮此帝國之英國兵員甚寡。各地方之守備。依土民兵之制。塞白意者。即土民兵之稱也。叛亂之原因。在英國使之用新式小鎗。此鎗彈塗脂裝彈之際。以齒嗑之。彼等宗教所禁者。食六畜之脂肪也。以是彼等謂英國欺我。欲我爲基督教也。乃俄起作亂。而其遠因。在黑斯典哥以來。苦於政治之苛虐。及官吏之專橫。激憤而出。此耳。叛亂先發於賓家爾之米拉脫。尋蔓延及四方。印度全體爲之騷然。旣而賴黑弗樂庫加母卑爾二人之力。始得鎮定。印度之政府。自會社移於君主之掌握者。即此時也。女皇於一千八百三十七年以來。兼受印度女皇之號矣。以上印度之叛亂自一千八百六十一。廢止奴隸之事。北美合衆國分南北。釀內亂。女王布告臣民。無所關係。而南北戰爭之餘響。無端生英美之紛議。幾至用武。權其顛末。南部同盟派遣委員斯里跌爾蔑遜二人。使周旋於倫敦巴里。二

人潛行敵中至哈哇那登英國郵船脫倫脫號北部巡洋艦長追脫
倫脫搜索船中捕二人歸航本國英國政府聞之速索歸二人不待
合衆國之答即爲戰鬪準備一軍已發程往坎拿大然美國大統領
林肯容英國之要求送致二人國務卿修阿特致謝辭遂得無事雖
然自美國言之英國之舉動有慊焉者英國庫拉意脫之船匠爲南
部造船其一也而其中稱阿拉巴瑪號一艦用英國之水夫載英國
之大砲其意在妨害合衆國之通商合衆國之國務卿曾照會英政
府請其拘留英國大宰相巴瑪斯頓卿付之不論任其所爲合衆國
商舶非常被害當是時南北戰爭方酣不遑問罪戰爭既終即爲兩
國之外交問題千八百十一年兩國各選委員五人開議於華盛頓
決議令英美及意大利瑞士補拉季爾五國各國出委員一人一
任其審判會議千八百七十二年開於瑞士解奈哇依其裁定英國
納償金千五百五十萬佛郎於美兩國交誼復舊_{以上美國南北戰爭之影響}千

八百三十二年之改正選舉法固爲偉大。然識者尙以爲未盡美善。何也。都市多有納稅而不得與於地方政治者也。爲職員者糜費財產無處不然。以是千八百三十五年之法律與選舉權於市民尋又及之婦人。是爲婦人得選舉之嚆矢也。又至千八百五十八年始許猶太人爲國會議員。千八百六十七年保守黨之首領跌斯勒里所議出之第二改正案。全國各市之戶主納救濟貧民費者及一年出租十磅之寄留人得選舉權。千八百八十六年哥拉特頓內閣之時所允行之第三改正案。關於選舉付郡民以權利與市民同一改正之結果。選舉人之數千八百三十二年全國人口五十分之一。今則六分之一其進步亦可驚矣。以上第二改正案婦人選舉權猶大人之議員資格英國教會設立以來無論何人亦不問其信否爲維持所屬之教堂皆納課稅。虔鎖跌斯脫巴補跌脫等之異教徒既負擔本教之費用又強使維持所不信向之教派實爲不當。故反對之者甚多。千八百五十九

年逋稅之區。達千五百之多。政府不得已。國教維持費。任其隨意助捐。有哥拉特是頓者。推行於愛耳蘭爾來寄居愛國之英人。不能復使舊教徒分擔已教之費用矣。愛耳蘭人多年宿恐。至是始釋。千八百七十年之教育。全國設立小學校。使學務司管之。先是貧民子弟多入教會所屬之學校。及慈善家之私爨。此等制度。學齡兒童被容收者不及半。農野地之人民。皆陷於無學。然新令之用于教育修金。雖未全免。大抵貧民無資者。亦得入學。且從來於奧庫斯弗特開母補里。不許奉國教者卒業。至是全可自由。雖異教徒。亦得爲其校之職員。及敎習。以上強制敎育費之廢止及敎育新令 從來愛耳蘭之土地。大半爲英人所有。是格朗空以後。屢爲叛亂之罰。所得愛耳蘭之土地也。今日爲地主之英人。不僅課租地之愛人以重租。每不言事由而收回其土地。租地者又苦心經營。闢榛蕪。增收獲。地主從而增加地租。故租地人日益零落。怨嗟之聲滿國。千八百七十年。自由黨之首領大宰。

相哥拉特頓以救濟愛耳蘭貧農之目的提出議案遂爲法律地主若放逐租地人時不可不償其損害又其土地改修時須爲相當之酬報以上愛耳蘭借地令租地法案之同志以爲立此法律必能救愛耳蘭之困難自一千八百七十六年至七十九年愛耳蘭爲馬鈴薯歉收與一千八百四十五年之飢饉無異慘狀難言窮民數千不能納尋常之地租流離顛沛唯有束手以待斃耳於是愛耳蘭人之有力者謀組織租地同盟其所志在廢現在之租地法再定法律農民自爲開墾之地有自主之權旣而會員達數十萬至色括全島然假國會之力欲達其志實難故用詭謀權術會員結約不准無道之地主與其代理人等相賣買及爲之力役交通是所謂白意科典哥即同盟罷工之權輿也而此所以稱白意科典哥者以英國地主代理人名白意科脫者與此事也今數百千之租地人不許納地租有納之者相共襲擊之政府急鎮壓此同盟然同盟之精神不稍衰退反益有猛烈

之勢。以上租地人同盟，千八百八十一年之弟二租地令亦爲哥拉特頓之賜。比舊令更爲有力。地主要求過當時得請於法律所指定之檢查委員定其額數。苟不照額索租有罰。罰地主於十五年中不得增其價。且除租地人破契約及荒蕪土地外不能隨意收回。又租地人得賣其租地權。以上第二借地令古來英國學術之進步不如今代。惟在牛敦之發見重力耳。夫生物有一定發達之說。雖自維多利亞時代以前已入學者之心爲事實之確證。未十分明白。不得據爲定說。及達爾文出。因事實以立學理。博物學不朽之基礎始定於此。蓋達爾文以發見科學之志。周游世界。千八百三十七年歸航本國。關於博物學所採集之事實。檢討彙類。爲二十二年研磨之結果。千八百五十七年著種類之起源一書。明生物之發達。在生存競爭及適種生存之理。達爾文之後有名之電氣學者費弗樂補。因種種實驗。物質及能力之思想爲之一變。據其說。熱。光。電三者互相變化。共爲運動之。

方法總之能力爲有不可破壞者也。因此等發見生出進化之理論。斯賓塞爾及其他學者據爲哲學之根抵專用其力於文學小說家。有跌旨斯薩家勒意補倫鐵及耶里奧脫歷史家。有哈拉母阿諾爾特哥樂脫瑪科勒意阿里遜巴庫爾弗樂特弗里芒文章家。有家賴爾朗特爾庫溫西詩人。有補樂甯哥及丁尼孫哲學。有哈未爾頓米爾斯賓塞爾於科學。有拉耶爾補阿拉跌家賓達典特爾哈庫斯里。壞勒斯於理財學。有拉斯金技術家。有米勒斯樂塞跌巴倫約翰哇茲韓脫學術徵最近二十年之法律。英國人民進步之著於歐洲罕見其儔不獨政治而已。思想事業亦無一不駿。駿日上瑪科勒意云英國歷史爲國民進步之歷史。大國民之歷史也。決非溢美之言。唯英國可瑕疵者以三千萬人所居之國土爲數千大地主所壟斷。將來胚胎不測之禍也。然除社會黨一輩之徒。無暴激言動之憂者。英人之所爲英人保守之性質能持歷史之統一。使現在與已往相關。

聯。或問空林登公曰。據閣下之意見。吾人可復遭革命否。對曰。或然。雖然。由吾人之籌畫。如何耳。革命者。以國會之條例而成。實可謂得其真象。要之。英國人民。以投票所得之福利。較以暴力所得者。更大。固可深信而不疑矣。丁尼孫之詩曰。

A land of settled government,

A land of just and old renown.

Where freedom broadens slowly down,

From precedens to precedens.

故體既立。確不可拔。

彼世界史。無此聲價。

民之自由。昔已萌芽。

循序而進。不蹈浮夸。